



*Alas*

*Fullon*

*Davidson*

*1797*

*Pharmacia & Co*



L I T E R Æ

*Pseudo-Senatus Anglicani,*

CROMWELLII,

Reliquorumque Perduellium  
nomine ac jussu con-  
scriptæ

A

JOANNE MILTONO.



Impressæ Anno 1676. 1. 1. V.



## AD LECTOREM.

**C**um primum ad manus nostras hæ chartæ pervenerunt, dubitavi diu utrum illas prælo potius aut flammis committerem, donec memores misericordiæ istius quæ Authori olim quantumvis in Sacram Majestatem fœdissimè delinquenti ignoverat, stultissimam fore inclementiam judicavimus perituris ejus operibus non pepercisse. Equissimum enim plerisque semper visum est ut Principis cuiuscunque monitis & imperio parere debemus, illius etiam facta imitemur. Non autem hic tibi quidvis propinamus quo juniorum mores & ingenia corrumpere, aut aliorum seditiosam & impotentem regnandi libidinem palpare satagimus. Id solum rerum scriptarum ornatum, & Latini sermonis elegantiam tibi commendatam volumus: est enim forsitan dignissimus qui ab omnibus legeretur Miltonus, nisi styli sui facundiam & puritatem turpissimis moribus inquinasset. Cum autem ex hisce Literis possis forsitan nonnulla excerpere quæ temporis istius quo scriptæ  
\* 2  
sunt



AD LECTORUM.

sunt Annales illustrare: Et pervicacem  
Rebellium istorum malignitatem detegere  
& explicare poteris, nos illas eo nomine  
in lucem edi curavimus. Videas interim  
post Reges exactos, quam ornate pelle.  
Leoninâ indutus sit Asinus; & dum Le-  
gationes designant perduelles, mittunt  
Internuncios, moliuntur bella, reliquaue  
Regie Majestatis assumunt insignia, po-  
testatem illam quam inique vindicaverant  
sibi debitam & ritè commissam esse arbi-  
trantur. Habeas tibi, Lector, & his in tui  
commodum & malorum hominum perni-  
ciem perfruare.

LIT.

(1)

LITERÆ PARLAMENTI  
nomine Scriptæ.

Senatus Populusque Anglicanus  
Amplissimo Civitatis Hambur-  
gensis Senatui,  
SALUTEM.

Quàm diù, quàmque multis de causis  
instituta à majoribus nostris cum am-  
plissimâ vestrà civitate amicitia in hunc  
usque diem permanserit, & vobiscum  
unâ libenter agnoscimus, & sæpius etiam reco-  
lere non est molestum. De eo autem quod ex  
literis vestris 25. Junii datis intelligimus, homi-  
nes quosdam nostros non eâ quâ soliti sunt fide  
ac probitate in suis apud vos negotiis versari, nos  
quidem ad certos ejusmodi rerum peritos statim  
retulimus, ut in lanarios, cæterosque panni  
opifices acrius inquirerent; eamque porro ope-  
ram daturos nos esse pollicemur, ut & æqui bo-  
nique studium apud nos, & nostra omnia erga  
vos officia constare sentiatis. Verùm & quid-  
dam est quod etiam a vobis vicissim non nos  
duntaxat, sed ipsum jus & fas omne postulat;  
ut nostræ gentis mercatoribus, vestris hospiti-  
bus & sua privilegia conservare, & eorum vi-  
tam,

A

iam,



tam, atque fortunas, prout eâ civitate dignum est, vestris opibus defendere velitis. Quod, ut prioribus literis enixe petivimus, ita nunc etiam ut vehementius efflagitemus, faciunt quotidiana mercatorum querelæ, quas ad nos deferunt; suam nimirum salutem atque rem omnem rursus apud vos in dubio esse. Quamvis enim literarum nostrarum quas pridem ad vos dedimus fructum aliquem ad tempus percepisse se fateantur, & ab injuriis nefariorum hominum aliquantum respirasse, nunc tamen post adventum *Cochranii* illius in urbem vestram (de quo etiam prius questus sumus) qui mandatam jam sibi à *Carolo* defuncti nuper Regis filio Legationem nescio quam Prædicat, se omnibus contumeliis, minis, armis etiam Sicariorum petitos solita vestra defensione atque tutelâ caruisse. Adeo ut cum unus atque aliter è mercatoribus cum ipso etiam Societatis Præfecto, in navem quandam prædatoriam per insidias abducti essent, cæteri-que vestram fidem implorarent, à vobis tamen nullum auxilium impetrare potuerint, donec ipsi suo Marte mercatores, non sine magno suorum discrimine captos in eo flumine, cuius vestra urbs domina est, ex latronum manibus eripere cogerentur. Quos cum illi bonis auspiciis domum reduxissent, & ab indignâ servitute veluti manu asseruissent, captos etiam piratas ipsos in custodiam dededissent, *Cochranum* illum perfugam & perduellem eò audaciæ processisse accipimus, ut & prædatores dimitti liberos, & mercatores tradi sibi vinctos postulet. Vos au-

tem

tem etiam atque etiam hortamur & obtestamur, si pactiones, & fœdera, & pervetustum utriusque gentis commercium, id quod petitis, inviolatè servari studeatis, ut nostri certum ali-quod atque firmum sibi præsidium in vestra fide, prudentiâ, autoritate collocare demum possint; Vos autem uti eos his de rebus benigne audiat; tam de *Cochrano*, cæterisque scæleris, illius sociis, quàm de iis qui nuper in Concionatore, impune adhuc, impetum fecerunt supplicium sumere velitis, aut è finibus exire jubeatis. Neque pulsos atque exules *Tarquinius* amicitiae atque opibus *Populi Anglicani* anteferendos existimetis. Si enim per vos non steterit quo minus Reipub. nostræ hostes quidvis licere sibi contra nos in urbe vestra confidant, quàm non tuta aut honesta amplius nostrorum ibi commoratio sit, vos cum animis vestris cogitate. Hæc vestræ prudentiæ & æquitati; Vos ipsos Divino Numini commendatos volumus. Valete.

Westmonasterio. Dat. August. 10. 1649.

### Senatui Hamburgensi.

Perspecta nobis æquanimitas vestra dubiis in rebus nostris, facit nunc ut sanè prosperis, ac benè gestis, de vestra voluntate, & amico in nos animo nequaquam dubitemus. Nos quidem, confecto jam pœnè bello, & profligatis ubique patriæ hostibus, nihil æquius, aut ad pacem, Remque publicam stabiliendam fir-

A 2

mius



mius esse duximus, quam ut illi qui vel libertatem, ductore semper Deo, per nos adepti sunt, vel vitam atque fortunas post belli civilis facinorosa, nostro dono atque gratiâ receperunt, nobis vicissim suis Magistratibus fidem & officium, solenni, si opus esset, more testarentur, atque præstarent. Præsertim cum tot homines inquieti & inimici, semel atque iterum in fidem accepti, nullum neque domi neque foris perfidiosè agendi, novaque turbas excitandi finem faciant. Itaque formulam quandam sponsionis perscribendam curavimus, quâ omnes qui aut munus aliquod in Repub. sustinerent, aut legum præsidio muniti incolumitate, otio, cæterisque vitæ commodis fruerentur, conceptis verbis se obstringerent. Hanc etiam per omnes Colonias & quacunque gentium nostri cives negotiandi causâ agerent, mittendam censuimus; ut eorum quibus præficimur, fidem, prout decet atque necesse est, exploratam & cognitam habeamus. Quo magis mirari subit quod ex urbe vestrâ mercatores nostri scribunt, sibi mandata nostra per unum atque alterum vestri ordinis exequi non licere. Sanè quod *potentissima Fæderatorum in Belgio Provincia*, suarum rerum & rationum consultissimæ, nihil ad se pertinere existimaverunt, si peregrini scilicet *Angli* debitam suis domi magistratibus in hæc vel illa verba fidem astringant, id quo pacto vestræ Civitati suspectum aut molestum esse possit, fatemur planè nos nescire. Verum hoc à privato quorundam sive studio sive formidine profectum,

atum, quos errabundi quidam & pulsi patriâ *Scoti*, minis dicuntur impulisse, ut mercatores nostros a fide suâ nobis obligandâ deterrent, Civitati non imputamus. Interea tamen summo vos opere hortamur atque etiam rogamus (non enim mercatura jam, sed Respub. ipsa agitur) ut ne quenquam apud vos patiamini, cuius hoc nihil potest interesse, authoritati quam nos in nostros populares, non Exterorum arbitrio aut iudicio, sed jure Patrio obtinemus, suam quamcunque authoritatem interponere. Quis enim non ægrè ferat, si nos vestris hic *Hamburgensibus* suâ erga vos fide interdicemus. Valete.

Dat. Jan. 4. 1649.

Serenissimo ac potentissimo Principi  
**PHILIPPO QUARTO**  
 Hispaniarum Regi.

*Parlamentum Reipub. Angliæ,*

SALUTEM.

**A**ntonium Ascamum Virum probum, eruditum, & luculentâ familiâ ortum, de rebus in commune, tam *Hispanorum*, quam *Anglorum* genti, ut spes est, valde utilibus, ad Majestatem Vestram legamus. Quamobrem ut ei honestum iter, atque tutum in Urbem Regiam, sicut moris est, necnon & reditum concedere,



( 6 )

cedere, & præstare velis, parem referre gratiam parati, officiosè petimus. Sin id minùs placuerit, ut quæ vestra hac in parte sit voluntas, ei quam primùm significetur, utque tutò quo volet abeundi potestas fiat.

*Dat. Feb. 4. 1649.*

*Serenissimo ac Potentissimo Principi*

**PHILIPPO QUARTO**

*Hispaniarum Regi.*

*Parlamentum Reipub. Anglia,*

**SALUTEM.**

**Q**uis rerum nostrarum status sit, quamque atrocibus injuriis subacti, sumptis tandem armis, capeßendæ libertatis consilium ceperimus, constitutâ quâ nunc utimur Reipublicæ formâ, neque *Majestatem Vestram* potest latere, neque alium quemvis, qui evulgata super hac re scripta nostra æquo animo perlegerit. Nobis profecto fidem nostram, æquitatem, patientiam, restatam cunctis & probatam reddere, auctoritatem etiam, honorem, & Decus nostrum adversus infames exulum & perfugarum linguas tueri, apud idoneos rerum æstimatores difficile non debet esse. Nunc quod exterarum nationum magis interest, deletis, aut depressis Patriæ hostibus, Deo nempe mirificè adjuti, ad pacem

( 7 )

pacem & amicitiam omni imperio potiore cum vicinis gentibus habendam, paratos nos esse palam atque ex animo profiteamur. Has ob causas spectatæ solertiæ & probitatis Virum *Antonium Aschamum* in *Hispaniam* ad *Majestatem Vestram* misimus; qui de amicitia deque solito inter utramque gentem commercio cum *Majestate Vestra* agat; vel etiam ad novas pactiones, si ita visum fuerit, de integro faciendas viam muniat. Huic igitur *Vestra Majestatis* adeundi copiam ut faciatis, ejusque incolumitati, necnon etiam honori, quoad isto apud vos munere perfuturus est, velitis prospicere rogamus: ut & ea quæ a nobis mandata habet, utrique genti, ut speramus, profutura, liberè exponat; & mentis *Vestrae* qui sensus his de rebus sit, nos quam primùm certiores faciat.

*Westmonasterio dat. Feb. 4. 1649.*

*Serenissimo Principi*

**JOANNI QUARTO**

*Lusitaniae Regi.*

*Parlamentum Reipub. Anglia,*

**SALUTEM.**

**M**ulta nos & infidæ pacis, & intestini belli mala ultima perpeßos, eò demùm loci redactos fuisse, ut si salvam Rempubl. velle-

A 4

mus,



( 8 )

mus, ejus administrandi ratio magna ex parte immutanda esset, ex iis quæ à nobis hac de re scripta publicè & declarata sunt, *Majestati Vestræ* jam pridem notum esse arbitramur. Quibus, ut par est, si fides potiùs haberetur, quàm improbissimis perditorum hominum calumniis, sanè qui foris de rebus nostris pessimè jam sentiunt, iis fortasse multò æquioribus uteremur. Nam quod nos jure nostro, proque gentilitiâ *Anglorum* libertate, rectè & majorum more fortiter fecisse contendimus, de eo pravas & obstinatas nequissimorum hominum opiniones ex animis evellere, humanæ opis aut ingenii certè non est. Nunc autem quod nobis cum nationibus externis commune, & in rem utrinque magis existit, amicitiam & commercium quod nostris hominibus, cum vicinâ quacumque gente consuevit esse, non imminutum, sed auctum atque ratum magnoperè cupimus. Cumque vestro in regno populares nostri permagna & per utrique genti quæstiosa habeant negotia, iis ne impedimentum aliquod aut incommodum afferatur, quantum in nobis est, curabimus. Id verò prædicimus frustrà fore, dum piratis & defecto-ribus nostris perfugium sibi vestris in portibus reperire, & onerariis *Anglorum* navibus, vi captis atque direptis, bona civium nostrorum sub hasta vendere Olissipone, ut nuntiatur, permissum est. Huic malo quo maturiùs occurratur, & de eâ, quam perimus, amicitia clariùs ut constet, Nobilissimum Virum *Carolus Vane*, Oratoris munere præditum, cum mandatis

atque

( 9 )

atque diplomate, commissi sibi muneris teste, ad *Majestatem Vestram* legavimus: Eum itaque benignè audire, fidem ei adhibere, ejus denique incolumitati atque honori, per omnes regni vestri fines, ut velis consulere obtestamur. Hæc omnia & nobis pergrata, & *Majestati Vestræ*, si sortè usus venerit, nostra omnium officia mutua fore pollicemur.

*Westmonasterio dat. Feb. 4. 1649.*

*Serenissimo Principi*

JOANNI QUARTO

*Lusitaniæ Regi.*

*Parlamentum Reipub. Angliæ,*

SALUTEM.

Quotidiani serè, & perquàm graves afferuntur ad nos nuntii, Classarios quosdam nostros, & gubernatores, qui abductis per scelus atque prodicionem, quibus præerant, navibus, superiore anno a nobis defecerant, elapsos demum ex eo portu Hiberniæ, in quo æstate ferè totâ obfessi, vix pœnam suis flagitiis dignam effugerant, ad *Lusitaniæ* nunc oram, *Tagique* fluminis ostium se recepisse: Ibi captis atque direptis quæ ad mercaturam ultrò citròque commeant, *Anglorum* navigiis, piraticam strenuè facere; & vicina quæque maria, fretumque omne Gaditanum latrociniis infestum atque in-

A 5

fame



fame reddidisse. Cui malo nisi primo quoque tempore obviam eatur, actum esse de commercio, quod nostris hominibus cum *Lusitanis* per amplum & per utrique genti quaestuosum est, quis non videt? Quamobrem à *Vestra Majestate* etiam atque etiam petimus, ut piratas nostros & defectores, *Portugalliae* finibus exire jubeas; & si qui a *Carolo Stuardo* pseudolegati adsunt, eorum uti rationem ne habere digneris; nosque potius agnoscas, ad quos *Anglicarum* jam summa rerum, Deo planè aspirante, rediit; utque nostrae amicorum Classi, non minus vestris quam *Anglorum* commodis inservienti, *Lusitaniae* portus, atque flumina praecludi ne sinas.

\* \* \*

## PHILIPPO QUARTO Hispaniarum Regi.

Quàm graviter quàmque acerbè tulerit *Majestas Vestra*, nefariam illam *Antonii Aschamii* oratoris nostri caedem, & quid in puniendis ejus intersectoribus haecenus effectum sit cum ex literis vestris, tum ex *Domino Alphonsò de Cardenas* legato vestro percepimus. Veruntamen illius facinoris atrocitatem quoties nobiscum reputamus quae & ipsam vel habendi vel conservandi commercii rationem funditus tollit si Legatorum jus apud omnes nationes sanctissimum impunè tanto scelere violabitur, non possumus quin

quin *Majestatem vestram* summâ instantiâ iterum efflagitemus ut supplicium de illis parricidis primo quoque tempore debitum sumatur, utque justitiam ullâ morâ aut obreptu religionis frustrari diutius ne sinat. Et quanquam potentissimi regis amicitiam plurimi certè facimus, tamen ut tam infandi parricidii auctores dignas suo scelere poenas persolvant omnem dare operam debemus. Humanitatem quidem illam quam jussu vestro in *Hispania* portibus nostri homines persensere, praeclaram etiam vestrae Majestatis in nos voluntatem quàm nuper amplissimis verbis vestro nomine Legatus nobis exposuit grato animo agnoscimus, neque non voluptati nobis erit eadem pariter officia, si quis usus venerit *Vestrae Majestati* & *Hispanorum* genti reddere. At nisi justitiae sine mora satisfiat quod jamdiu petimus, quo niti fundamento amicitia sincera ac diuturna possit non videmus, cujus tamen conservandae a nobis quidem nulla honesta occasio facile omittetur, cui etiam fini praesentiam Legati apud nos vestri conducere existimamus.

## Legato Hispanico.

*Excellentissime Domine,*

Concilium Status, quam primam per gravissima Reipub. negotia licuit, in *Parlamentum* attulit quatuor illa scripta quae visum



est *Excellentia Vestra* unde vigesimo proximi Decembris cum Concilio communicare, *Concilium à Parlamento* in Mandatis habet, quod ad primum scriptorum illorum caput, de nuperi scilicet *Residentis* sui *Dom. Aschami* nefariis intersectoribus, Responsum hoc reddere:

*Parlamentum* tamdiu, toriès, tamque merito, debitum eorum supplicium postulasse ut amplius dicere opus non sit in re tanta ubi (ut *Excellentia Vestra* pulchrè meminit) *Regia Majestatis* ipsa agitur Authoritas: Et sine qua re omnis ratio Societatis humanæ & conservandæ inter gentes amicitia tolli necesse erit. Neque sane ullo ab Religione petito argumento intelligere possumus, innocentium sanguinem sceleratissimâ cæde effusum non esse vindicandum, Etiamnum itaque instat *Parlamentum* & ab *Regia Majestate* expectat ut, juxta priora sua postulata, satisfactio sibi re ipsâ atque effectu detur.

*Serenissimo Principi*

LEOPOLDO AUSTRIÆ

*Archiduci Provinciarum in Belgio  
sub Philippo Rege Præsidi.*

UT primum ad nos non sine gravissimâ querelâ perlatum est, *Janam Puccherin-*  
*gam* illustri & opulentâ Familiâ puellam hære-

dem,

dem, cum adhuc propter ætatem sub Tutoribus esset, haud procul eâ domo, in quâ tum fortè *Grenovici* agebat, de manibus & complexu famularum raptam fuisse, & parato ad id navigio in *Flandriam* subito deportatam, *Walci* cuiusdam infidiis, qui per fas & nefas omnia molitus est, ut pupillam locupletem, vel ostenso mortis metu, ad nubendum sibi adigeret, huic iam atroci tamque inaudito sceleri primo quoque tempore occurrendum esse rati, dedimus quibusdam negotium, ut cum præfectis Neoporti & Ostendæ (nam in ea fortè loca infelix illa dicebatur appulsa) agerent de ingenuâ raptoris manibus eripiendâ. Qui utrique pro suâ singulari humanitate & honesti studio, captivæ, perque latrocinium domo abductæ opem libenter tulerunt; illa verò ut prædatorum vim quoquo modo effugeret, in Cœnobium votarum virginum veluti sequestro deposita est. Quam ut ille *Walcius* inde abduceret, actionem in foro ecclesiastico *Iprensis Episcopi* de contracto secum matrimonio instituit. Veruntamen, cum & raptor & rapta nostrates omninò sint, ipsum etiam facinus in nostra ditione perpetratum, quod juratis testibus abundè liquet, hæreditas denique tam lauta, quam illum imprimis inhâsse constat, in nostrâ potestate sit, hujus propterea causæ cognitionem totam, atque judicium ad nos duntaxat pertinere arbitramur. Veniat huc igitur qui se sponsum nominat, suam hic litem instruat, quamque jure suam contendit esse uxorem, tradi sibi postulet. Hoc interim



à Vestrâ Celsitudine vehementer petimus, quod  
& per nostrum internuntium Bruxellis commo-  
rantem jam aliquoties petivimus, ut afflictam  
& indignis modis habitam puellam, honestis  
parentibus ortam, suâ ex Patriâ prædatorium  
in modum abductam, quoad potes, liberam  
& incolumem redire domum sinas. Hoc abs te  
non nos tantum, siquam Vestrâ Celsitudini  
parem a nobis gratiam, parque beneficium red-  
di posse acciderit, sed ipsa etiam humanitas,  
ipse pudor qui ad tuendum sexus illius honorem  
& pudicitiam viris bonis atque fortibus inesse  
debet, junctis unâ precibus efflagitare viden-  
tur. Vale.

*Westmonasterio Martii 28. 1650.*

*Serenissimo Principi*

JOANNI QUARTO  
Lusitaniæ Regi.

Quod Oratorem nostrum & honorificè acce-  
perit *Majestas Vestra*, & benignè statim au-  
dierit, nullam interponendam esse moram sta-  
tuimus, quin alteris quam primum literis no-  
stris intelligeres, gratissimum id nobis accidisse;  
nosque nihil sanctius decrevisse, quam pacem,  
amicitiam, commercium, quod nobis cum Na-  
tionibus plerisque exteris, & inter eas cum Lu-  
sitaniis jam diu est, nullo nostro dicto aut facto,  
non

non prius lacelessi, violare; nec aliâ mente  
aut consilio classem *Anglicanam*, *Tagi* fluminis  
ad ostium misisse, quam hostes jam toties fuga-  
tos persequendi, resque nostras repetendi, quas  
per vim & prodicionem suis dominis ablatas, col-  
luvies ista perfugarum vestras in oras, ipsam-  
que etiam *Oliissiponem*, tanquam ad certissimas  
latrocinii sui nundinas, asportavit. Verum isti  
homines cujus audaciæ, furoris, & insanix  
fuit, ex ipsorum moribus flagitiosissimis omnes  
jam penè *Lusitanos* abundè perspexisse arbitra-  
mur. Quo facilius à *Majestate Vestra* impetratu-  
ros nos esse confidimus, primum ut *Illustrissi-  
mo Viro Odoardo Pappamo*, quem huic novæ  
classi præfecimus, quibus potes rebus ad præda-  
tores hosce debellandos, adjumento esse velis,  
utque eos cum duce suo, non hospites, sed pi-  
ratas, non mercatores, sed commercii pestes,  
jurisque gentium violatores, intra regni vestri  
portus, & munimenta diutius consistere ne si-  
nas; sed quâ patent *Lusitaniæ* fines, terrâ ma-  
rique pelli jubeas: sin hoc minùs, ut nobis sal-  
tem pace vestrâ liceat defectores nostros, &  
prædones propriis duntaxat viribus aggredi, &  
si Deus dederit, in nostram potestatem redige-  
re. Hoc ut prioribus literis vehementer petivi-  
mus, sic jam idem studio maximo atque opere  
ab *Majestate Vestra* contendimus. Hac sive æ-  
quitate, sive beneficio, non justitiæ solum rux-  
samam per omnes gentes benè moratas adau-  
xeris, sed & nos imprimis, populumque *An-  
glicanum Lusitanis* jam antea minimè aduersum,  
Tibi



( 16 )  
Tibi tuoque populo majorem in modum devin-  
xeris. Vale.

*Westmonasterio. Dat. 27. Aprilis. 1650.*

### *Hamburgensibus.*

**D**E controversiis mercatorum, nonnullis  
etiam aliis de rebus quæ Reipubl: nostræ  
dignitatem aliquanto propius attingere viden-  
tur, scriptum inter nos haud semel, atque re-  
sponsum est. Cum verò istiusmodi negotia solis  
literis confici vix posse intelligamus, esse autem  
à *Carolo Stuardo* immisos in urbem vestram  
seditiosos quosdam, nullâ re magis quam sce-  
lere atque audaciâ instructos, qui id agunt, ut  
nostrorum hominum, quorum præsertim fides  
in patriam perspectior sit, commercium tam  
vetustum in civitate vestrâ funditus tollant, id-  
circo virum nobilem & spectatissimum *Richar-*  
*dum Bradshaw* nostrum apud vos Internuntium  
esse iussimus: qui secundum ea quæ à nobis man-  
data habet, de rebus iis atque negotiis quæ cum  
utriusque Reipubl: utilitatibus conjuncta sunt,  
vobiscum uberius communicare, & transigere  
possit. Hunc igitur ut benevolè quam primum  
audiatis rogamus; utque ei per omnia fides ea,  
isquæ honos habeatur, qui huiusmodi munus  
rectè obeuntibus ubique gentium haberi solet.  
Valete.

*Westmonasterio. Dat. 2. April. 1650.*

Hamb-

( 17 )  
*Hamburgensibus.*  
*Amplissimi, Magnifici, & Spectabiles*  
*Viri, Amici charissimi,*

**S**tudia vestra quibus venientem ad vos Resi-  
dentem nostrum accepistis, tam propensa,  
tamque egregia extitisse, & libenter intelli-  
mus, & in eadem erga nos voluntate atque  
animo perseverare velitis magnoperè hortamur.  
Idque eò vehementius, quòd perlatum ad nos  
est, exules illos nostros, de quibus jam sæpe  
scripsimus, efferre se solito insolentiùs in urbem  
vestrâ, nec contumelias solùm, sed & minas  
quasdam atrocissimas in Oratorem nostrum pa-  
lâm projicere. Hujus itaque salutem atque etiam  
debitum honorem hisce rursus literis commen-  
datissimum vobis esse volumus. In illos autem  
perfugas & sicarios, tam veteres quàm recen-  
tes, si maturius animadvertetis, & nobis gratissi-  
mum, & auctoritate vestrâ atque prudentiâ  
dignum feceritis. Valete.

*Westmonasterio. Dat. 31. May. 1650.*

### *PHILIPPO QUARTO* *Hispaniarum Regi.*

**A**ntonium *Ascamum* à nobis ad Majestatem  
Vestram nuper missum Oratorem, eoque  
nomine à Præfectis vestris perhumaniter & pu-  
blicè



blicè acceptum, post itineris pericula tam longinqui, primo statim adventu in urbem Regiam, omni præsidio nudatum, tam fædo parricidio confossum in diversorio quodam, & cum Joanne Baptista de Ripa ejus interprete manifestatum esse, magno sanè cum dolore accepimus. De illis autem parricidis jam comprehensis, ut fertur, & in custodiam datis, qui non nos duntaxat per illius latera, sed vestram quoque fidem atque honorem consauciare ac pænè transfigere sunt ausi, deque eorum quibuscunque hortatoribus ac sociis ut supplicium tanto scelere dignum primo quoque tempore sumatur, opere quam maximò à *Majestate Vestra* petimus. Quanquam id nihilo minus factum iri, quod perimus, utpote à Rege sua sponte pio atque justo, etiam si nemo peteret, non dubitamus. Quod reliquum est, ut corpus exanimè amicis suis atque famulis in patriam deportandum tradatur, utque eorum saluti qui supersunt eâ, quâ par est, ratione consultum atque provisum tantisper sit rogamus, donec responso ad hæc literas, si fieri potest, secum ablato, vestræ pietatis atque justitiæ testes ad nos quam primùm redierint.

*Westmonasterio. Dat. 28. Junii. 1650.*

Ex.

*Excellentissimo Domino*  
ANTONIO JOANNI LUDOVICO  
de la Cerda Medina Celi Duci,  
Andalitiæ Præsidi.

*Consilium Status Parlamenti Angliæ*  
*authoritate constitutum,*

SALUTEM.

Accipimus ab Ornatissimis Viris quos nuper in Portugalliam ad persequendos proditores, resque nostras repetendas cum classe misimus, se ab *Amplitudine Vestra*, quoties contigit ut Gallaciæ oram legerent, quæ præfectura vestra est, & perhumaniter illis portubus exceptos fuisse, & iis rebus omnibus adjutos, quæ navigantibus usui solent esse. Ea vestra humanitas, cum pergrata nobis omni tempore fuisset, tum est nunc præcipuè, cum aliorum iniquum in nos animum nullo merito nostro aliquibus in locis experimur. Petimus itaque abs te *Illustrissime Domine* ut in eadem erga nos voluntate ac benevolentia permanere velis: utque nostris hominibus, quoties ad ea littora naves appulerint pro solita humanitate tua favere & adjumento esse pergas: tibi que persuadeas nihil nos beneficii loco abs te petere quod non eodem studio vel Tibi vel tuis reddere, si quando similis occasio nobis dabitur, parati erimus.

*Westmonasterio. Dat. 7. Novemb. 1650.*

Signat. Consilii sigillo:

JO. BRADSHAWE PRÆSES.

ILLU.



ILLUSTRI & MAGNIFICO  
Civitatis Gedanensis Senatui.

*Magnifici atque Amplissimi Domini  
Amici Charissimi.*

**F**Requentes ad nos literæ mercatorum nostrorum, qui Borussiae per oram negotiantur, allatae sunt, quibus tributum grave quoddam & insolitum nuper in magno *Polonorum* Concilio imponi sibi queruntur; ut decimam scilicet facultatum suarum omnium partem sublevando *Scotorum* regi, nostro hosti, suppeditarent. Quod cum juri Gentium contrarium planè sit, tractari hunc in modum hospites & mercatores, iniquissimum etiam, ut cujus tyrannide sint domi, divinâ ope, liberati, iidem in aliena Republica stipendia persolvere cogerentur, non dubitamus quin pro illa libertate, quâ frui vos intelligimus, tam grave onus mercatoribus imperari in urbe vestra pati nolitis; in qua amicitiam & commercium, nec sine magno vestrae civitatis emolumento, per tot annos habuere. Si est igitur ut nostrorum hominum apud vos mercaturam facientium tutelam suscipere velit, quod quidem cum ab æquitate & prudentia vestra, tum etiam à dignitate splendidissimæ urbis haud dubitanter expectamus, eam operam dabimus, ut gratissimum id esse nobis omni tempore sentiat; quoties in ditione nostra

*Geda-*

*Gedanenses* vel negotia habuerint, vel naves quod sæpè fit, ad portus nostros appulerint.  
*Westmonasterio. Dat. 6. Feb. 1650.*

INTERNUNTIO PORTUGALLICO.

*Illustris Domine,*

**L**iteras tuas hujus mensis quinto decimo *Hamptonâ* ad nos datas accepimus. In quibus significaste à rege *Portugallia* ad *Parlamentum Reipub: Angliæ* missum esse: quo autem muneris titulo, siue Legati siue Agentis, siue Internuntii non dicis; id quod ex literis quas à rege habes commendatitias siue credentiales intelligere velimus; quarum exemplar, ad nos poteris quam primum mittere; simul & illud scire, satisne plenâ potestate instructus venias ad eas injurias expiandas, damnaque ea resarcienda quæ à Rege vestro illata huic *Reipub:* sunt: dum hostem nostrum totâ æstate proximâ suis portibus tutatus *Classem Anglicanam* in rebelles & perfugas quos eò usque infecuta erat, impetum facere parantem cohibuit, hostem ab invadendis nostris non cohibuit. De his omnibus ut satisfacias, si ampla & libera mandata accepisse te scripseris, & illarum quas diximus literarum exemplar unâ miseris, deinceps curabimus, ut ad nos fide publicâ primo quoque tempore tutò commeari possis: ubi cum regis literæ perlectæ fuerint, tibi, quæ mandata porro attulisti, ea liberè exponendi facultas dabitur.

*Par-*



*Parlamentum*

## REIPUB. ANGLIÆ

*Serenissimo Principi D. Ferdinando  
Secundo, Magno Duci Etruriæ &c.*

SALUTEM.

**L**itteras Celsitudinis Vestræ 22. Aprilis 1651.  
Florentiæ datas & à Residente Vestro Domi-  
no Almerico Salvetti nobis redditas accepimus, in  
quibus Anglico nomini quantoperè faveat Celsi-  
tudo vestra, Gentemque eam quanti faciat faci-  
lè perspicimus, id quod non solum Mercatores  
nostri, qui in portibus vestris multos jam annos  
negotiantur, Verùm etiam Adolescentes qui-  
que nostræ nationis nobilissimi atque honestissi-  
mi, qui vestras per urbes aut iter fecere, aut  
excolendi ingenii causâ commorati sunt, testan-  
tur atque confirmant, quæ cum nobis pergrata  
sanè sint, & acceptissima, tum hoc etiam at-  
que etiam petimus, ut quo animo, quoque  
studio in nostros mercatores, aliosque nostræ  
Reipub: Cives Hetruscæ ditionem peragrantes,  
Serenitas Vestra consuevit esse, in eò velit perse-  
verare: nosque vicissim pollicemur atque reci-  
pimus, quod ad *Parlamentum* attinet, nihil de-  
futurum, quod & commercio & amicitia mu-  
tuæ, quæ inter utramque Gentem jam diu in-  
veteravit, firmandæ ac stabiliendæ possit con-  
ducere;

ducere; quam quidem omnibus utrinque hu-  
manitatis officiis, mutuâque observantiâ, in  
perpetuum conservari cupimus, atque opta-  
mus.

*Westmonasterio. 20. Januarii 1651.**Subscripsit & Parlamenti sigillum apponifecit*

GULIELMUS LENTHALL.

Prolocutor

*Parlamenti Reipub. Angliæ.**Parlamentum*

## REIPUB. ANGLIÆ

*Illustri & magnifico Civitatis Ham-  
burgensis Senatui,*

SALUTEM.

*Amplissimi magnifici & Spectabiles viri,  
Amici charissimi.*

**P**arlamentum Reipub. Angliæ, cum antiquam  
amicitiam, mutuumque commercium, quæ  
inter gentem Anglicam Vestramque civitatem  
est, continuatum magnoperè velle & conser-  
vatum, haud ita pridem Richardum Bradshaw ar-  
migerum Residentis Munere præditum illuc mi-  
sit, eique inter alia mandata eò spectantia di-  
fertis



sertis verbis mandavit, ut contra quosdam vestrae ditionis iustitiam efflagitaret, qui Societatis *Anglicae* Concionatorem interficere sunt conati, quique Deputato Illius Societatis impias manus iniecere, & mercatoribus quibusdam ejus Societatis praecipuis impias manus iniecere, eosque in navem praedatoriam abduxerant, & quamvis praedictus *Residens* cum exciperetur primum & audiretur, accepta ab hac *Republi- ca* mandata illa figillatim vobis nota fecerit, quibus iustitiae vestrae exemplum in maleficos illos edendum expectabatur, tamen cum expectationi nostrae responsum non esse intelligeremus, illud nobiscum cogitantes quanto in periculo & nostri homines & illorum facultates versarentur, si de incolumitate illorum & tutela adversus hostium malitiam & iniquos oppugnatores non satis provisum esset, rursus praedicto *Residenti* in mandatis dedimus, ut nostrum ejus rei sensum representaret: Utque huius *Reipub.* nomine Vos ut amicitiam & necessitudinem inter hanc *Rempub.* vestramque civitatem initam magnumque usum qui huic *Reipub.* cum vestra civitate intercedit conservare, adeoque mercatores nostros cum eorum privilegiis sine ulla violatione protegere velitis hortaretur; utque nominatim in quemdam cui nomen *Garmes* est qui se in hanc *Rempub.* contumeliosè gessit, certosque ex societate mercatorum *Anglica*, *Vestra* in urbe commorantes, ad contumeliam huius *Reipub.* magnamque nostrorum mercatorum molestiam,

in *Spirensen* Camera publicè citavit: quare reparationem ejusmodi expectamus quae aequitati & iustitiae consentanea est.

De hisce capitibus & si quid amplius ad huius *Reipub.* cum vestra civitate amicitiam pertinuerit, praedictum *Residentem* huius *Reipub.* nomine ad vos iussimus accedere: cui ut fidem amplam in iis quae huc spectantia proposuerit habeatis rogamus.

*Westmonasterio. Dat.*

12. Martii. 1651.

Subscripsit & Parlamenti sigillum imprimendum curavit

*Prolocutor &c.*

Parlamentum *Reipub. Angliae*

*Serenissimae*

**CHRISTIANAE,**

*Suecorum, Gothorum Vandalorumque Reginae &c.*

SALUTEM

*Serenissima Regina,*

**M**ajestatis Vestrae Literas ad Parlamentum *Reipub. Angliae* 26 proximè elapsi Septembris *Stockholma* datas per *Petrum Spiering Silvercroon* accepimus, & perlegimus: & veterem quidem amicitiam nec non commercium

B

mag-



magnumque usum qui *Anglis* cum *Suecorum* gente antiquitus intercedit permanere atque indies augere vehementer atque ex animo cupimus: Neque dubitamus quin Legatus à Majestate Vestra ampliter instructus venerit ad ea maximè proponenda quæ in rem atque decus Genti utrique futura imprimis fuissent, quæque nos audire ex eo paratissimi fuissetus & quod utrinque potissimum salubre atque utile videretur, id primo quoque tempore effectum reddidisse: Verùm summo rerum Moderatori DEO ita visum est, ut is antequam audiri se pateret de his quæ *Parlamento* exponenda ab Majestate Vestra in mandatis habebat, evenit ut ex hac vita excederet (cujus quidem desiderium ita ægrè atque acerbè tulimus, ut qui simul in divina voluntate acquiescere debeamus) unde & Majestatis Vestræ quæ mens esset adhuc scire nequeamus, ejusque rei progressibus in præsens injecta mora sit: Quocirca optimum nobis visum est hisce literis quas, missa hac ipsa de re nuntio nostro, dedimus, significare Vestræ Majestati quam gratae Literæ vestræ quamque acceptus vester publicus Minister *Parlamento Reipub. Angliæ* fuerit; simulque Vestræ Majestatis amicitiam quantopere expectamus; quamque etiam, ut par est, tantæ principis amicitiam plurimi faciemus: deque illo quod inter hanc Rempub. & Majestatis Vestræ Regnum est commercio exaugendo, ita existimabimus quemadmodum de re maximi utrobique momenti existimare debemus: quod & ea de causa

causa *Parlamento Reipub. Angliæ* acceptissimum erit. Adeoque Vestram Majestatem divinæ tutelæ recommendare volumus: Quorum nomine & Autoritate

*Datis Westmonasterio die Martis ann. Dom. 1651.*

Subscripsit & Parlamenti Sigillum imprimendum curavit

*Prolocutor Parlamenti Reipub. Angliæ.*

Parlamentum Reipublicæ Angliæ

*Serenissimo Principi*

FERDINANDO SECUNDO

*Hebruriæ Magno Duci,*

SALUTEM.

L Iteras Celsitudinis Vestræ 22. Aprilis 1651. Florentiâ datas, Et a Residente Vestro Domino *Almerico Salvetti* nobis redditas accepimus; in quibus Anglico nomini quantopere fa-veat Celsitudo Vestra, gentemque eam quanti faciat, facile perspicimus: Id quod non solum Mercatores nostri qui in portibus vestris multos jam annos negotiantur, verum etiam Adolescentes quique nostræ nationis nobilissimi atque honestissimi qui vestras per urbes aut iter fecerunt aut excolendi ingenii causâ commorati sunt,



restantur atque confirmant. Quæ cum nobis pergrata sane sunt & acceptissima, tum hoc etiam atque etiam petimus, ut quo animo quoque studio in nostros mercatores, aliosque nostræ reipublicæ cives Hetruscæ ditionem peragrantes Serenitas Vestra consuevit esse, in eo velit perseverare: nosque vicissim pollicemur atque recipimus, quod ad Parlamentum attinet, nihil defuturum, quod & Commercio & amicitiae mutuae, quæ inter utramque rempub. tam diu inveteravit, firmandæ ac stabiliendæ possit conducere: quam quidem omnibus utrinque humanitatis officiis mutuâque observantiâ in perpetuum conservari cupimus atque optamus.

*Westmonasterio May 22.*

1651.

Parlamentum Reipublicæ Angliæ

*Serenissimo ac Potentissimo Principi*

**PHILIPPO QUARTO**

*Hispaniarum Regi,*

SALUTEM.

**P**ermagnas nobis querelas deferunt hujus Reipub. mercatores qui in ditionibus *Vestrae Majestatis* mercaturam faciunt, de vi multa atque injuriis sibi allatis, deque novis etiam tributis sibi impositis à præfectis aliisque officialibus vestrorum portuum & locorum ubi negotia habent

bent, & nominatim in insulis *Canariis*, idque contra foederis articulos quos commercii causa utraque natio inter se sanxit. Quas eorum querelas veras esse jurejurando confirmavere. Nō bisque demonstrant, nisi jus suum obtinere possint, suæque damna resarciantur, nisi denique contra vim istiusmodi atque injurias præsidium aliquod certum, atque tutelam & sibi & fortunæ suis habituri sint, non posse se amplius iis in locis negociari. Quibus eorum querelis graviter a nobis perpensis, cumque facta illorum minorum iniqua, aut non omnino aut secus quam res se habet ad notitiam *Vestrae Majestatis* pervenisse existimemus, visum est nobis ipsas eorum querelas cum hisce litteris ad *Majestatem Vestram* unâ mittere; nec dubitamus quin *Majestas Vestra* cum ipsius justitiæ amore tum etiam commercii causa quod vestris haud minus quam nostris hominibus fructuosum est, suis præcipere velit ut ab iniquis illis nostrorum vexationibus abstineant, utque hujus Gentis mercatores expeditam justitiam obtinere queant, necnon debitam earum injuriarum reparationem, quæ à Domino *Petro de Carillo de Guzman*, atque aliis illatæ sibi sunt, contra prædictos foederis articulos, utque perficere velit *Majestas Vestra* ut prædicti Mercatores fructum illorum articulorum percipere queant, in eaque vestra tutela sint, ut tam ipsi quam fortunæ suæ ab omni injuria liberæ & incolumes esse possint. Hoc autem magna ex parte consecuturos se esse putant si ademptam sibi illam de iudice conserva-



toreschedulam qui eos a novo quodam Consu-  
latu in se quidem iniquiore defendat, *Majestas*  
*Vestra* rursus concesserit; ne si nullum ab iniuria  
refugium sibi detur, abrumpi illud commercium  
quod utrique genti commoda haud parva attu-  
lit, violatis hunc in modum foederis articulis,  
neccesse sit.

*Westmonasterio.*

*Augusti 1651.*

**Serenissimo Principi Venetiarum**  
**Duci, Senatuque Celsissimo**  
**Concilium Status Parlamenti**  
**Reipub. Angliae Authori-**  
**tate constitutum**

**SALUTEM.**

*Serenissime Princeps, Celsissime Senatus, Amici*  
*Charissimi,*

**M**ercatores quidam nostri, quorum alteri  
*Joannes Dickons*, alteri *Job Throckmorton*  
nomen est, simulque alii apud nos questi  
sunt, quod cum Novembris octavo & vigessi-  
mo 1651. ex jure & autoritate Curiae nostrae  
Ammiralatus occupassent in navi *Hirundine*  
vulgo nuncupata, cui in Dunis consistenti *Isa-*  
*cus Taylor* Magister erat, centum dolia Caveari  
vulgò dicti, quae sua propria bona essent, inque  
sinu

sinu Moscovitico Archangeli dicto eandem in-  
navem imposita; atque in eâ Curia, prout  
lege agitur, decretum obtinuissent quo dicta  
Caveari dolia sibi traderentur, fide sua prius  
interpositâ, se in illius Curiae sententiâ acquie-  
turos; quodque eadem Curia, quo lis illa ad  
exitum perduceretur, cum pro more scripisset  
ad Magistratus Judicesque Venetos, literas,  
quibus petebant uti *Joannem Piattum* (Venerâ  
sub diftione degentem, qui Cavearum illum  
sibi vendicat) citarent quo re per procurato-  
rem in Ammiralatus curia Anglicam se sisteret,  
ubi lis ista pender, jusque suum probaret, tamen  
idem *Piattus*, & quidam *David Rutts* Hollan-  
dus, dum causa hæc in nostro hic foro pender,  
multum supradicto *Joanni Dickons* aliisque illis  
mercatoribus de Cavearo isthoc negotium sa-  
cessit; eorumque bona & facultates nexu occu-  
pandas Venetiis curat: quæ omnia singulatim,  
& quid hætenus in prædictâ nostrâ curiâ sit  
actum in literis illis requisitoriis fusiùs exponi-  
tur; quas postquam à nobis inspectæ essent, ad  
serenissimam Venetiarum Rempub., ut Mer-  
catoribus in hac causâ adjumento esse possint,  
transmittendas censuimus; atque ab eâ vehe-  
menter petimus ut non solum illæ literæ vim  
suam atque pondus illic habere queant, Sed  
etiam ut bona illa & facultates Mercatorum,  
quas prædictus *Piattus* & *David Rutts* nexu  
illigandas curarunt, liberentur; Dictique rei  
ad nostram hic curiam remittantur, quid sui  
sit juris in hoc Cavearo sibi vendicando lege



experturi. Qua in re Celsitudo vestra & Serenissima Respub. fecerit & quod æquissimum in se est, & quod illibatâ utriusque Reipub. amicitia est dignum, quod denique, oblata quâvis occasione, pari hujus Reipub. benevolentia atque officiiis compensabitur.

*Datis ab Albâ Aulâ die  
Feb. 1652.*

Subscripsit & Concilii Sigillum  
imprimendum curavit

*Concilii Præses.*

## Ad Legatum Hispanicum.

*Excellentissime Domine,*

**C**oncilium Status cum ex mandato Parlamenti secundo die mensis *Martii* accepto de charta Excellentia Vestra 17 Feb. Commissariis hujus Concilii Exhibita deliberationem seriam habuerit, in qua Excellentia Vestra visum est proponere uti duobus capitibus illic nominatis quasi præviis responderetur, responsum hoc Excellentia Vestra reddendum censet.

Parlamentum, ubi ad ea respondit quæ ab Excellentia Vestra cum primum audiretur proposita sunt tum etiam in iis literis quas ad Serenissimum Hispaniarum Regem scripsit, quàm sibi grata quamque accepta illa fuerit amicitia, ususque mutuus qui & ab illius Regia Majestate & à

& à vobis ejus nomine oblatus est, quam denique deliberatum sibi fuerit parem amicitiam quod ad se attinet pariaque officia reddere uberiorius declaravit.

Exinde visum Vestrae Excellentia cum primum audita in Concilio est Decembris 19 styli veteris, huic Concilio proponere, veluti rationem quandam auspicandæ arctioris hujus Amicitia, cujus facta tum à vobis mentio erat, uti certi ex suo corpore nominarentur qui ea quæ attulisset Excellentia Vestra audirent, iis perpenſis de eorum utilitate ad Concilium referre quam primum possint, Cui vestro postulato ut satisfaceret certos ex suo numero Concilium nominavit, qui Excellentiam Vestram convenirent, quod & proinde factum est eorumque loco quæ proponenda expectabantur, Chartam illam supradictam congressio ea protulit, ad quam responsum hoc Concilii est.

Cum Parlamentum ea declaraverit, Vestraque Excellentia progressum eum fecerit qui supradictus est, paratos nos esse, cum Excellentia Vestra in colloquium Venire iis de rebus quas Domini regis Vestri nomine proposueritis, tam de amicitia jam pridem inita, quam de arctiore ineunda, aut si quid à nobis hujus Reipub. nomine in medium proferetur; cumque ad singula ventum erit, ita respondebimus, ut par est, naturaque rei postulabit.

*Albâ Aulâ. Martii 21. 1652.*



Parlamentum Reipub. Angliæ,  
*Serenissimo Principi*  
**FREDERICO TERTIO**  
 Daniæ Regi &c.

SALUTEM.

*Serenissime & Potentissime Rex,*

**L**iteras Vestræ Majestatis undevigesimo proximi Decembris ad Parlamentum Reipub. Angliæ ab arce regia Haphniæ datas per virum nobilem *Henricum Willemfen Rosenwing de Ly-sacker* accepimus, eoque animi affectu quem res illic propositæ merentur libentissimè perlegimus, Vestræque Majestati persuasum hoc esse cupimus, eundem animum, eadem veteris amicitiae commercii, ac necessitudinis quæ Angliæ cum Daniæ per tot annos intercessit continuandæ & conservandæ studia quæ in Majestate Vestra sunt in nobis quoque esse; haud nescientes, quamvis divinæ Providentiæ visum sit gentem hanc tam benignè & placidè respicienti receptam apud nos prioris regiminis formam in melius murare, easdem tamen utrinque rationes, eadem in commune commoda, eundem mutuò usum atque liberum commercium, quæ pactiones priores & fœdera inter utramque nationem pepererunt, etiamnum durare vimque prio-

( 35 )  
 priorem obtinere, utrasque etiam obligare ut communem dent Operam Fœdera illa quam utilissima sibi mutuo reddendo ut amicitiam quoque propriorem ac stabiliorem indies reddant; Cumque Vestræ Majestati placuerit ea persequi consilia quæ in literis vestris regis scripta sunt, Parlamentum eadem amplecti cum alacritate omni ac fide paratum erit, eaque omnia pro virili suâ parte conferre quæ illum ad finem conducere arbitrabuntur; Sibi que persuadent, Majestatem Vestram hac de causa, ea itidem consilia capturum esse adhanc rempub. spectantia ( cui etiam provisum pactis prioribus est; ) quæ ad hæc res facere possint ab Majestate Vestra nobis tam cupientibus propositas. Parlamentum interea Majestati Vestræ ac populo fœlicitatem prosperaque omnia precatur.

*Datis Westmonasterio die  
 Aprilis anno Dom. 1652.*

Sub Sigillo Parlamenti subscripsit ejus  
 nomine atque autoritate

*Prolocutor Parlamenti Reipub. Angliæ.*



( 36 )

Parlamentum Reipub. Angliæ  
*Illustribus & magnificis*  
Hanseaticarum Civitatum Pro-  
consulibus ac Senatoribus,

SALUTEM.

*Amplissimi magnifici & Spectabiles Viri,  
amici charissimi.*

**P**arlamentum Reipubl. Angliæ literas vestras  
sexto decimo Januarii proximè elapsi datas,  
perque vestrum publicum Ministrum Leonem  
*ab Aisema* allatas accepit atque perlegit, eum-  
que ex earum autoritate audivit, qui & vestra-  
rum Civitatum erga hanc Rempub. propensum  
& amicum animum exposuit & antiqua illa in-  
ter easdem amicitia ut porro maneat petivit.  
*Parlamentum* itaque pro se testatur atque  
confirmat pergratum sibi esse, pristinam illam  
amicitiam ac necessitudinem quæ huic Genti  
cum illis Civitatibus intercessit & renovari ra-  
tamque permanere, seque fore paratum quâvis  
occasione commodum oblatâ quod verbis in se  
recipit id reipsâ solidè præstare, eademque fide  
& integritate antiqui illi amici & foederati sui  
ut secum agant expectat: quæ autem præterea  
Residens vester speciatim in mandatis habuit,  
cui ea ad *Concilium Status* integra à nobis re-  
missa

( 37 )

missa fuerint, quæque proposuisset ibidem con-  
sultata, Responsum illic atque transactum cum  
eo ita fuit, prout quidque maxime cum æqua-  
litate & ratione consentire visum est, quod &  
Residens Vester renunciare ad vos poterit:  
cujus prudentia & spectata probitas collata in-  
cum à vobis publici muneris notâ dignum præ-  
dicat.

*Datis Westmonasterio die  
Aprilis ann. Dom. 1652.*

Sub Sigillo Parlamenti subscripsit ejusque  
nomine & Autoritate

*Prolocutor Parlamenti Reipub. Angliæ.*

Parlamentum  
REIPUB. ANGLIÆ  
*Illustri & Magnifico Civitatis  
Hamburgensis Senatui*

SALUTEM.

*Amplissimi Magnifici & Spectabiles Viri,  
Amici charissimi.*

**P**arlamentum Reipub. Angliæ, literas vestras  
quinto decimo Januarii proxime elapsi Ham-  
burgo datas, perque nobilem Virum Domi-  
num Leonem *ab Aisema* vestrum & cæterarum  
civitatum Hanseaticarum Residentem allatas

B 7

accepit



accepit atque perlegit, eumque ex earum auctoritate audivit, & quæ amplius ab vestra Civitate mandata speciatim habuit, de iis ad *Concilium Status* remisit, quibus ut exciperent quæ ab eo proponerentur, deque iis quæ iusta & æqua viderentur, cum eo quàm primum transigerent, auctores fuimus; quod etiam exinde factum est. Utque Parlamentum earum rerum quæ à vobis afferentur debitam rationem semper se esse habiturum ostendit, suumque erga vestra civitatem singulare studium, misso illuc Residente suo, ibique manere iussu, testatum reddidit; ita vicissim expectat & merito quidem postulat à vobis æqua reddi iis in rebus quæ huius Reipub. ex usu, ab suo dicto Residente suoque nomine vestræ civitati, antiquitus amicæ nobis & foederatæ, vel jam exposita vel in posterum exponenda erunt.

*Westmonasterio. Dat. die  
Aprilis anno Dom. 1652.*

Sub sigillo Parlamenti subscripsit ejus  
nomine atque auctoritate

*Prolocutor Parlamenti Reipub. Angliæ.*

Con-

*Concilium Status Reipublicæ Angliæ  
Serenissimo Principi  
D. FERDINANDO SECUNDO  
Magno Duci Hetruriæ  
SALUTEM.*

**C**ONCILIIUM Status cum à *Carolo Long-*  
*lando* qui in Portu Celsitudinis Vestræ *Li-*  
*burnensi*, mercatorum Anglicorum negotia  
procurat, certius per literas fieret quatuor-  
decim Naves præfidiarias Foederatorum *Belga-*  
*rum* in eum Portum nuper venisse, qui naves  
Anglorum in ipso Portu vestro aut incensuros se  
esse aut depressuros minati palàm sunt, Ve-  
stramque Serenitatem cuius fidem atque opem  
Angliæ Mercatores ibi commorantes implora-  
verant, *Liburnensis* Præsidii præfecto man-  
dasse, uti illis Anglorum navibus auxilio esset,  
sui muneris atque officii iudicavit esse, uti Cel-  
situdinem Vestram certiore faceret, quàm  
huic Reipublicæ gratissima sit benevolentia illa  
atque tutela quam mercatoribus Anglis tam  
benignè præbuitis, Vestræque Celsitudini pro-  
mittit atque in se recipit mansuram apud se in  
omne tempus huius benè meriti gratiam, pa-  
ratumque se omni occasione fore parem amici-  
tiam pariaque officia vestro Populo reipsâ præ-  
stare, omniaque facere quæ conservandæ inter  
hanc



hanc Gentem atque Vestram solitæ benevolentia, atque commercio possint conducere. Cumque naves Fœderatarum *Belgii* Provinciarum inter ipsa de Fœdere Colloquia à semetipsis oblata in Classem nostram summa cum perfidia non solum in ipsis Stationibus hostilia inceptaverint (quo in facinore DEUS, tanquam arbiter iustissimus, adversum se illis atque insensum ostendit) verum etiam in exterrorum portibus naves mercatorum nostrorum capere aut demergere conatæ sint, necessarium etiam censuimus Scriptum hoc Parlamenti Reipublicæ Angliæ ad Celsitudinem Vestram unamittere; cuius emittendi occasionem dedere Controversiæ inter hanc Rempub. & *Belgii* Provincias in præsentia coortæ. Ex quo Celsitudo Vestra faciliè perspiciat, quàm iniqua, quam contra fas omne atque jus Gentium facta illius Populi in hanc Rempub. extiterint, & quàm ex animo Parlamentum studuerit publicæ Pacis causâ amicitiam eorum & societatem pristinam retinuisse.

*Datis ab Alba Aula.*  
*Julii 29. 1652.*

Subscripsit Concilii Nomine atque  
Autoritate

*Concilii Præses.*

Ex-

# AD LEGATUM HISPANICUM.

*Excellentissime Domine,*  
*Concilium Status*, deliberatione habitâ de illa chartula quam <sup>27 May</sup> 1652. ab *Excellentia Vestra* accepit, tum etiam de illa quam in *Concilio Status* cum audiretur <sup>6 Junii</sup> 8 huius mensis Vestra exhibuit *Excellentia*, ad binas illas chartulas Responsum hoc reddit, Parlamentum Reipubl. Angliæ firmam amicitiam bonamque pacem, quæ huic Reipub. est cum Hispaniarum Regia Majestate conservandi percupidum, ex quo idem primùm Regis prædicti animum eodem inclinare *Excellentia Vestra* significavit, paratum semper fuisse eam utriusque gentis bono quam maximè firmare ac stabilire. Idque *Concilium Status* Parlamenti nomine atque mandato suis chartulis aliquoties *Excellentia Vestra* demonstravit; & speciatim, pro-ur *Excellentia Vestra* petiverat, Commissarios delegit, quæ & *Excellentiam Vestram* convenirent, ab eaque acciperent, quæ ad prædictum finem conducentia proponerentur; quo in conventu eorum loco proponendorum visum est vobis generatim quædam, quasi futuro prævia colloquio, exhibere, de quibus *Concilio* videbatur, Parlamentum qui suus esset sensus chartis prioribus planum fecisse: tamen quo cumulatiùs satisfaceret, utque *Excellentia Vestra* nequa dubitatio restaret iis de rebus quæ tum proposuerat, *Concilium* in ea chartula quæ



quæ <sup>31 Martii</sup><sub>10 Aprilis</sub> data est paratum se esse ostendit cum Excellentia Vestra in Colloquium venire iis de rebus quæ à parte Regiæ Majestatis prædictæ in mandatis haberet tam de pristina amicitia quàm de actione futura, de iis etiam quæ à nobis hujus Reipub. nomine exhiberentur; cumque ad singula veniretur ea, quæ par esset, resque postularet, responsa dare: ad quæ visum est Excellentia Vestra nihilum respondere neque per duos penes menses in ea re ulterius progredi. Vestramque chartulam <sup>27 May</sup><sub>6 Junii</sub> 1652. datam Concilium ex eo tempore primam ab Excellentia Vestra accepit, in eaque hoc solum proponitis, uti pacis atque fœderis articuli inter *Carolus Regem* nuperum vestrumque Dominum <sup>6</sup><sub>16</sub> *Novembris* 1630. pacti denuò percurrantur, utque ejus capita quæque vel amplificentur vel immutentur pro temporum & rerum alio nunc Statu, necnon regendæ Reipublicæ formâ inmutata, quod cum nihil amplius esset, quàm quod & nos in prædicta nostrâ chartula <sup>31 Martii</sup><sub>10 Aprilis</sub> summam atque dilucidè significaveramus, expectabat Concilium quosdam speciatim articulos ex eo fœdere ab Excellentia Vestra propositum iri cum ea amplificatione iisque mutationibus quarum facitis mentionem, cum alioqui nobis impossibile sit ullum aliud responsum hac de re dare quàm quod jam dedimus. Verùm cum Excellentia Vestra ex charta sua novissima dilationem in

nos conferre videatur, Concilium idcirco chartulam Vestram prædictam <sup>27 May</sup><sub>6 Junii</sub> datam quodque in ea propositum erat denuò inspexit, seque de eo quod illic est propositum, priore illâ chartulâ Excellentia Vestra plenè satisfecisse arbitratur, cui & hoc solum potest adjicere, se, cum Excellentia Vestra videbitur, vel ex fœderibus jam factis vel alio quovis modo ejusmodi ferre condiciones quæ ad præsentem reum ac temporum Statum erunt accommodatæ, quibus à parte Vestra fundari amicitiam vultis, ea vobis responsa exinde redditurum quæ ab se ad ea reddi æquum erit, quæque Parlamentum in eodem perseverare studio testentur, illibatam atque firmam cum rege vestro Domino amicitiam conservandis. Eaque ut augeat etiam, Parlamentum omnem honestam seque dignam operam pro se quidem dabit.

Concilium præterea sui officii ducit esse, Excellentiam Vestram illius nostræ chartulæ Januarii 30. 1651. ad vos datæ admoneri, cui cum Excellentia Vestra responsum nondum dederit, instamus proinde atque expectamus ut Parlamento, de qua illic re facta mentio est, satisfactio detur.



*Responsum Concilii Status ad Re-  
plicationem Dominorum Legatorum  
Extraordinariorum serenissimi Regis  
Daniae & Norwegiae Commissarii  
Concilii traditam ad Responsum illud  
quod reddidit Concilium ad quatuordecim  
eorum postulationes.*

**P**Rædictis Dominis Legatis ut satisfiat de responso Concilii ad quintum, sextum, septimum, octavum, & nonum articulum, assentitur Concilium huic sequenti clausulae suo responsorum sine adjiciendae. Videlicet, Præter illas Colonias, insulas, portus & loca in partis alterutrius ditione, ad quæ loca ne quis negotiandi aut commercii habendi causâ accedat, lege cautum est, nisi impetratâ prius ejus partis Licentia speciali ad quam illa Colonia, Insula, portus, aut loca pertinuerint.

Receptio cujusquam in navem quæ in flumina, portus, aut sinus alterutrius partis compulsa erit navem illam ulli exhibendæ molestiæ aut persecutioni ex responso Concilii ad articulum undecimum obnoxiam non faciet, quemadmodum prædicti Domini Legati in replicatione sua videntur intellexisse, præterquam ubi illa receptio contra Leges, Statuta, aut morem illius loci est, in quo illa navis portum capesserit, qua in re videtur Concilio

( 45 )  
nihil statui quod durius sit, sed quod utriusque Reipub. Saluti sit æquè conducibile.

Quod ad probandum cujusnam propriæ navis & bona illa erunt quæ in naufragio ejici aciderint, Concilium existimat necesse esse jurandum dari in illis curiis quæ ad hujusmodi causas aut jam sunt constitutæ aut erunt constituendæ, ubi qui illa sibi vendicant audiri singuli possint & cujusque jus cognosci ac judicari, quod scriptis testimoniis, quæ vulgo *Certificata* nuncupantur, tam clarè atque distinctè fieri non potest, unde multi scrupuli ac dubitationes existere poterant, multæ etiam fraudes ac doli in illud genus probationis irrepere, quod ne eveniat utriusque partis interest providere. Concilium etiam æquum esse arbitrat, definiri certum tempus ante quod tempus qui justum earum rerum dominum se esse non probaverit, excludetur ad evitandas sine finelites. Quod autem ad modum venundandæ ea bona quæ ejecta in naufragio facile corrumpuntur, visum est Concilio eum modum proponere qui ad lucernam dicitur, ut qui sit modus maximè probabilis verum bonorum pretium eliciendi ad dominorum emolumentum; tamen si prædicti Domini Legati inventam aliam rationem attulerint quæ huic fini magis conducere videbitur, per Concilium non stabit quo minus id fiat quod æquum erit: neque intelligitur ob hanc rem huic Tractationi moram afferendi occasio ulla præbeatur.

Quod autem ad eorum supplicium qui propositum



positum foedus ruperint, Concilium id adjecit, cujus in responso suo ad articulum quartum decimum fit mentio ad majorem ejus articuli efficaciam ipsumque foedus eo firmitus atque diuturnius reddendum.

Ad clausulam Articuli quarti decimi extremam quod attinet respondere, non expedire censemus illis foederibus ac Societatibus, quarum in praedictis responsis facta est mentio, quaeque generatim duntaxat proponuntur assensum nostrum exhibere antequam quales illae sint, exploratius nobis fuerit, de quibus cum Excellentissimis Vestris visum erit Concilium certius facere, responsum expressius ad id reddere poterimus.

*Replicatio Concilii Status ad responsum praedictorum Dominorum Legatorum quod ad senos articulos à praedicto Concilio nomine Reipub. Angliae exhibitos est redditum.*

Concilium, inspectis praedictorum dominorum Legatorum diplomatis quibus collata in eos potestas est transigendi cum Parlamento aut ejus Commissariis de iis omnibus quae transigi expediverit foederaque vetusta renovandi novaque jungendi, existimabat quidem praedictos dominos Legatos ea autoritate esse praeditos ut & responsa dare possent, & omnia transigere tam quae à parte hujus Reipub. quam

quae à parte Regis Daniae & Norwegiae ferrentur, adeoque responsa quae praedictis Dominis Legatis ad primam, secundam, tertiam & quintam Concilii postulationem dare libuit haud expectabat, quo factum erit ut huic praesenti tractationi necessario more afferatur cum & in se aequissimum sit & in Concilio deliberatum foedus integrum tractando simul complecti tam de iis quae ad hanc Reipub. quam quae ad Regna Daniae & Norwegiae spectant. Quapropter Concilium enixe flagitat ut Excellentiae Vestrae respondere ad praedictum nostrum primum, secundum, tertium, & quintum postulatum velint.

Ad quartum articulum de portoriis *Gluckstad* cum ea jam antiquata sint, quemadmodum Excellentiae Vestrae in responso meminerunt, instat Concilium uti eorum illa antiquatio etiam per hoc foedus rata habeatur, ne forte in posterum revocentur.

Quod ad sextum articulum, qui de pyratice est, cum quidem inseruit Concilium ut qui ad utriusque commoda aequè pertineret & ad commercium in commune stabiliendum quod à pyratibus atque praedonibus perquam turbatur atque interrumpitur; cumque responsum Dominorum Legatorum de hoc articulo ad hostes tantum referatur, mentionem Piratarum nullam faciat, Concilium idcirco expressius responsum ad id petit.

Cumque praedicti Domini Legati in sua replicatione ad responsum Concilii & decimum suum



suum articulum, & ad eum Concilii responsum prætermiserint, Concilio necessarium visum est prioribus suis postulatis sequentem hunc articulum adjungere.

Populum & incolas Reipub. Angliæ quinægotia aut commercium per ulla regna, regiones, aut ditionem *Regis Dania & Norwegiæ* habuerint portorii, tributis, census, vectigalis aut stipendii cujusvis plus in posterum non solvere aut alio quovis modo atque populus fœderatarum *Belgiæ* Provinciarum, aliave quævis natio externa minimum illic solvens mercaturamque faciens, si solvit aut solutura est, parique frui & æquè amplâ libertate privilegiis & immunitatibus, cum in adventu, tum in reditu & quamdiu illic commorabuntur, in piscariâ etiam, mercatura, atque alio quocunque modo, quo ullius exteræ gentis populus in prædictis regnis totaque ditione dicti *Regis Dania & Norwegiæ* fruitur aut frui queat; quibus itidem privilegiis populares *Regis Dania & Norwegiæ* per omnes Provincias ac ditionem *Reipublicæ Angliæ* pariter fruentur.

Con-

Concilium Status Reipub. Angliæ  
*Serenissimo Principi*

Do. FERDINANDO SECUNDO,  
Magno Duci Hetruriæ,

SALUTEM.

*Serenissime Princeps, Amice Charissime,*

**C**oncilium Status, cognito tam per Oratorem Celsitudinis Vestræ hinc commorantem, quam per *Carolus Longlandum* Mercatorum Anglicorum negotia *Liburni* procurantem, quanta cum benevolentia ac fide Celsitudo Vestra navium Anglicarum in *Liburnensem* portum se recipientium tutelam suscepit, contra *Belgarum* naves prædatorias exitium illis atque direptionem minitantes, literis undetrigesimo Julii datis (quas ad Celsitudinem Vestram, jamjudum pervenisse sperat) significavit quàm id sibi gratum acceptumque accidisset, eodemque tempore scriptum Parlamenti Reipublicæ *Angliæ* de controversiis inter hanc *Rempub.* & *Fœderatas Belgii Provincias* in præsentia exortis ad Serenitatem vestram unà misit. Cumque rursus per eundem *Carolus Longlandum* Concilium intellexerit, quæ ulterius mandata dedit Celsitudo Vestra de incolumitate atque tutela navibus *Anglicis* præstanda, etiam *Belgis*, ne id fieret, importunè contranitentibus, ne  
C hanc



hanc quidem occasionem prætereundam esse censuit, significandi rursus Celsitudini Vestrae se vestram iustitiam & singularem in tutandis navibus suis constantiam cum plurimi facere tum sibi etiam gratissimam habere. Quod cum solidæ amicitiae studiique vestri in hanc rempub. haud leve indicium sit, persuadere sibi poterit Celsitudo Vestra paria officia atque studia in nobis erga Vestram Celsitudinem nunquam se esse desideraturam. Quæque declarare possint quàm nobis deliberatum sit eam amicitiam quæ huic Reipub. cum Vestra Serenitate est, quam constantissimè atque diutissimè pro virili nostra parte conservare. Nos Interim navibus nostris omnibus, quæ vestros portus intraverint disertis verbis mandavimus, ut salutationes explosione tormentorum consuetas, omnemque honorem debitum vestrae Celsitudini exhibere meminerint.

*Datis Alba Aula*

*Septemb. 1652.*

Et Concilii Sigillo deinde consignandis  
subscripsit

*Concilii Præses.*

Ad Legatum Hispanicum  
**ALPHONSUM DE CARDENAS.**

*Excellentissime Domine,*

**L**iteræ Excellentia Vestra *7<sup>i</sup> Novemb. 1652.*  
datæ, & à Secretario vestro *Novemb. 8.*  
reddita una cum duobus libellis supplicibus  
simul

simul involutis in Concilio recitatae sunt de navibus nimirum *Samson* & *San Salvadore* vulgò nominatis, ad quas Concilium responsum hoc reddit. Navem Anglicam præfidiariam, cum in prædictas naves non in Dunis, ut scribit Excellentia Vestra, sed in alto incidisset, tanquam hostium navem prædæ habitam in portum adduxisse; curiamque Ammiralatus ad quam propriè de causis huiusmodi attinet cognoscere illius causæ cognitionem pro jure sibi sumpsisse; ubi singuli partis utriusque quorum id interest ampliter & liberè audientur jusque suum quisque obtinebit: vestrae porro Excellentiae rogatum ad illius Curiae iudices misimus quo certius intelligamus quousque iis de navibus in iudicio processerint. Quod simul ac nobis compertum erit ea dari mandata hæc de re curabimus quæ & æquum erit, & eâ dignum amicitia quæ huic Reipublicæ cum Rege vestro intercedit, nec minùs confidimus Regiam ejus Majestatem minimè passurum esse hujus Reipublicæ hostium bona sub nomine ejus subjectorum elabi aut delitescere.

Subscripsit & Concilii Sigillum  
apponendum curavit

**GUILLIELMUS MASHAM.**  
Concilii Præses.

*Datis ab Alba Aula 11. Novemb.*

*An. Dom. 1652.*



# LEGATO HISPANIENSI.

*Excellentissime Domine,*

**A**llatum nuper ad Concilium est ab Navarcho nostro *Badileo* navium hujus Reipub. ad *Gaditanum* mare Praefecto, se cum tribus aliis navibus praesidiariis postquam undecim Belgicarum impetum continuato bidui certamine sustinisset, ad portum *Longonem* vulgò dictum ad faciendam quaedam in eo praelio accepta incommoda, easque res comparandas quae sibi ad pugnam opus essent, in portum *Longonem* vulgò dictum se recepisse, ubi ejus loci Praefectus in eum ceterasque sub ejus ductu naves omnia & justissimi & humanissimi simul Viri officia implevit; cumque is locus in ditione Serenissimi Regis Hispaniarum sit, Concilium certè singularem praesidii illius singularem humanitatem reipsa cognitam actioris amicitiae mutuae tam auspiciò captae fructum uberem esse existimat; sui que adeò officii ducit esse, ob acceptum tam opportunò beneficium ejus *Majestati* gratias agere, vestramque rogat Excellentiam ut hoc *Regi suo* serenissimo velit primo quoque tempore significare, eique persuasum reddere *Parlamentum Reipub. Angliae* paratum semper fore paria amicitiae atque humanitatis

( 53 )  
manitatis officia oblata quavis occasione referre.

*Dat. Westmonasterio 11. Novemb.  
An. Dom. 1652.*

Subscripsit & Concilii Sigillum  
apponendum curavit

GUILIELMUS MASHAM  
*Concilii Praeses.*

Parlamentum Reipub. Angliae,

*Serenissimo Principi*

DO. FERDINANDO SECUNDO,

Magno Duci Hetruriae

SALUTEM.

*Serenissime Princeps Amice Charissime,*

**P**arlamentum Reipub. Angliae literas vestrae Celsitudinis *Augusti* septimo decimo, Florentia datas accepit: in quibus de restitutione navis cujusdam agitur oryzâ onustae, quae navis à capitaneo *Cardio Liburniensi* vendicatur. Et quamvis in nostrâ Ammiralatus curiâ contra praedictum *Cardium* in eâ causâ sententia Judicium lata jam sit, & apud Delegatos provocatio penderet, tamen cum hoc Celsitudo vestra petat, Parlamentum, quo tam amici Principis benevolentiam ac necessitudinem quanti faciat



testificari possit, mandavit quibus curæ ea res est, ut navis illa cum oryzâ, vel saltem ejus justum pretium prædicto Capitaneo *Cardio* redatur; cujus mandati fructum procurator ejus apud nos re ipsâ jam percepit. Et quemadmodum Celsitudo vestra suum navibus Anglorum in portu *Liburniensi* patrocinium atque tutelam benignè præbendo Parlamentum sibi magnoperè devinxit (cujus rei gestæ narratio tam ab Oratore hîc vestro, quam à *Carolo Longland* mercatorum nostrorum illic procuratore delata nuper ad nos est) ita Parlamentum summo vicissim studio dabit operam, quotiescunque occasio dabitur, ut sua omnia sinceræ amicitiae atque benevolentiae officia in Celsitudinem vestram solidè constare possint; quam adeò divinæ benignitati atque tutelæ commendatissimam vult esse.

*Datis Westmonasterio  
die Novemb. 1652.*

Subscripsit & Sigillum Reipub.  
apponendum curavit

*Prolocutor Parlamenti Reipub.  
Angliæ.*

Par-

Parlamentum Reipub. Angliæ  
• *Serenissimo & potentissimo Principi*  
**DANIEL REGI &c.**

*Serenissime & Potentissime Rex,*

**P**arlamentum Reipub. Angliæ postquam accepit ab illius Classis Præfecto quæ nuper ad *Hafniam* Majestatis Vestræ portum missa est, ut navibus Mercatorum nostrorum inde redeuntibus domum præsidio esset; prædictis navibus permissum non esse secum discedere; verum illic Majestatis Vestræ jussu retineri; productis etiam ab eo literis Regiis vestram ea in re sententiam declarantibus, negat explicatas in iis literis rationes cur naves illæ retineantur ulla in parte sibi satisfacere: ut igitur in re tanti planè momenti quæque ad prosperum utriusque Gentis Statum tantoperè conducit sequuturo fortasse majori cuipiam incommodo maturius occurratur, misit *Parlamentum* Virum illustrissimum & spectatæ fidei *Richardum Bradshaw Ar- migerum, Hamburgi* Oratorem, qui itidem ad Majestatem Vestram Oratoris munus impleat, cum iis disertè mandatis, ut de prædicto Negotio agat: Vestramque adeò rogamus Majestatem eidem velit Viro & aurem benignam & fidem amplam perhibere, quicquid super hoc negotio Vestræ Majestati nostro nomine proposuerit:



fuert: quam Nos divinae Tutelæ & Providen-  
tiæ commendatam volumus.

*Datis Westmonasterio 6. die  
Novemb. An. Dom. 1652.*

Sub Sigillo Parlamenti ejusque Nomine  
atque Authoritate subscripsit

*Prolocutor Parlamenti Reipublicæ  
Angliæ.*

Parlamentum Reipub. Angliæ

*Serenissimo Principi*

VENETIARUM DUCI

SALUTEM.

**P**arlamentum Reipub. Angliæ literas Celsitudi-  
nis vestræ primo Junii 1652. datas per *Lau-  
rentium Palutium* accepit, ex quibus cum &  
vestrum, & Senatus propensum in hanc Rem-  
publicam animum prospiciat, occasionem  
hanc suum vicissim erga Serenissimam Rempub.  
*Venetam* singulare studium ac benevolentiam  
declarandi, libenter arripuit, quam & re ipsa  
idque ex animo, demonstrare quoties usus ve-  
nerit, haud quaquam gravabitur, cui & omnes  
vel conservandæ vel etiam augendæ amicitiae  
ususque mutui rationes in medium allatæ erunt  
eadem acceptissimæ, vestræque adeo Celsitudini  
& Rei-

& Reipublicæ Serenissimæ fausta omnia ac prof-  
pera exoptat atque præcatur.

*Datis Westmonasterio die  
Decemb. An. Dom. 1652.*

Subscripsit & Parlamenti Sigillum  
imponendum curavit

*Prolocutor Parlamenti Reipub.  
Angliæ.*

Parlamentum Reipub. Angliæ

*Serenissimo Principi*

FERDINANDO SECUNDO

Herruriæ Magno Duci,

SALUTEM.

**C**um Parlamentum Reipub. Angliæ antehac  
suis Navarchiis atque Præfectis navium ad  
loca sub vestræ Celsitudinis Ditione appellenti-  
bus, etiam atque etiam mandaverit, ut se pa-  
catè atque modestè gererent, eaque quâ decet  
observantiâ erga Principem Serenissimum cujus  
hæc Respub. & conservare amicitiam tantoperè  
studeat, & tantis beneficiis affecta sit, prorsus  
inopinatum sibi quidem accidit, quod à Navar-  
cho *Appletono* in *Liburnensi* portu insolentiùs  
factum esse accepit; eum nimirum ab eo vigili-  
dum in molestationem ageret, vim attulisse,  
idque tum contra fidem atque obsequium huic  
C 5

Rei-



Reipublicæ ab eo debitum, tum contra obser-  
vantiam atque honorem qui vestræ Celsitudini  
suâ in ditione jure optimo debetur : quam rem  
totam sicuti gesta est, ex literis vestris 7. & 9.  
*Decembris Florentiâ* datis Parlamentum intel-  
lexit; uberius etiam per spectatissimum virum  
*Almericum Salvettum*; vestrum hic Residen-  
tem; Atque vestræ Celsitudinis honorem qui  
hâc in re agi videtur, usque adeo sibi commen-  
datum habet, ut Concilio Status id negotii de-  
derit, uti literas Navarcho *Appletono* quam pri-  
mum scribendas curaret, quibus is terrestri  
itinere confestim huc advolare juberetur, info-  
liti hujus facti & extraordinarii rationem red-  
diturus ( quarum exemplum literarum his in-  
clusum una mittitur ) qui ubi advenerit & facti  
postulabitur, de eo id statutum iri pollicemur,  
quod testificari possit se vestri juris violationem  
haud minùs molestè ferre, quam si ipsum jus  
suum violaretur. Quinetiam de nave dictâ  
*Phœnice Liburni* recuperatâ consultatione ha-  
bitâ, quæ res à Celsitudine vestrâ nec non ab  
Oratore suo narratur atque urgetur, contra da-  
tam à Navarcho *Appletono* fidem fuisse, quâ  
obstrictus erat ne *Hollandos* intra conspectum  
portus aut laternæ adoriretur, vestramque Cel-  
situdinem eâ fiduciâ nixam, *Hollandis* fide datâ  
de incolumitate promississe, debere proinde  
eorum satisfactioni prospicere, quibus vestrâ  
sub fide damnum datum est, Parlamentum ab  
Excellentiâ vestrâ petit, ut hoc sibi persuasum  
habeat, hanc rem, quemadmodum sine suo  
con-

consilio aut mandato est gesta, ita hoc etiam ab  
suâ voluntate ac mente longissimè abesse ut Cel-  
situdi vestra ullo incommodo aut honoris im-  
minutione ex illo facto afficiatur : quin imò  
se operam daturum, ut vobis satisfaciendi ali-  
qua ratio ineatur, prout sibi quæstione habita  
de re totâ constiterit : quam ut plenius intelli-  
gere possit, ipsum Navarchum *Appletonum* ab  
se audiri necessarium esse judicat; qui & eadem  
fide obstrictus erat, & ab Excellentiâ vestrâ  
creditur, ejusdem violationi saltè assensisse;  
præsertim cum is tam brevi sit ad nos reversu-  
rus, atque illum postquam Parlamentum audi-  
verit, & cum dicto Oratore vestro rationes am-  
plius contulerit, hâc de re haud exigui sane mo-  
menti eam sententiam feret, quæ & æqua erit,  
summæque benevolentiae quâ celsitudinem ve-  
stram prosequitur consentanea, collatis denique  
à vobis in se beneficiis haud indigna. De quâ ne  
interim dubitaret Celsitudo vestra literis per  
eundem hunc tabellarium statim missis certio-  
rem factam primo quoque tempore volebat;  
seque nullam occasionem esse prætermitturum,  
quâ possit re ipsâ testari, vestram amicitiam  
quanti faciat.

*Datis Westmonasterio 14. die  
Decembris An. Dom. 1652.*

Subscripsit & Parlamenti Sigillum  
imprimendum curavit

*Prolocutor Parlamenti Reipab.  
Angliæ.*



## Concilium Status Reip. Anglicanæ

Serenissimo Principi

FREDERICO Hæredi Norwegiæ  
Duci Slesvici, Holsatiae, Starma-  
riae, Ditmarsiae, Comiti in  
Oldenburgh & Delmenhorst

SALUTEM.

Quamquam sapientissimo Deo visum est re-  
rum omnium Moderatori clementissimo  
præter illud onus quod nobis cum majoribus no-  
stris commune imposuit, ut pro libertate nostrâ  
contra tyrannos honestissima bella gereremus,  
iis nos etiam auspiciis eaque divinâ ope præ illis  
insigniter adjuvare, ut non solum civile bellum  
restringere sed & causas ejus in futurum præci-  
dere, nec non & hostium externorum inopi-  
natos impetus propulsare valuerimus, eundem  
tamen supremi numinis in nos favorem ac be-  
nignitatem gratissimis quantum possumus ani-  
mis agnoscentes, non ita rerum nostrarum  
successibus efferimur, ut non singularem po-  
tius Dei justitiam ac providentiam edocti, atque  
nosmet largiter experti, & bellum omne quan-  
tum licet aversemur, & pacem cum omnibus  
cupidissimè amplectamur. Quemadmodum igitur  
quæ amicitia, quæque foederum jura nobis  
curo.

cum populis quibuscunque ac Principibus anti-  
qua intercessere, ea hætenus cuiquam nec vio-  
lavimus priores, nec violata volumus, ita &  
Celsitudo vestra pro vetustâ suâ cum *Anglis* & à  
majoribus acceptâ amicitia poterit certissimâ  
animi persuasione de nobis æqua omnia atque  
amica, & sibi & suis polliceri. Denique ut de-  
lata à Celsitudine vestrâ nobis sua studia atque  
officia plurimi ut par est facimus, ita operam  
dabimus ut neque nostra ullo tempore vel sibi  
vel suis deesse sentiat: Vestramque adeò Celsi-  
tudinem Omnipotentia numinique Dei Omni-  
potentis quàm maximè commendatam cupi-  
mus.

Datis in Alba Aula die

Julii Ann. 1653.

Subscripsit & Concilii Sigillum  
imprimendum curavit

Concilii Præses.

## COMITI OLDENBURGICO.

Illustrissime Domine,

Parlamentum Reipub. Angliæ plurimam salu-  
tem ab Amplitudine vestra officiosissimè  
atque humanissimè sibi dictam, per *Herman-  
num Mylium*, Jurisconsultum Deputatum &  
Consiliarium vestrum accepit: qui & fausta  
omnia Parlamento reique *Anglicæ* vestro nomi-  
ne precatus est, & hujus Reipub. amicitiam ut

C 7

vobis.



vobis facta testā permaneret simul expetivit :  
 literas etiam liberi comitatus , quibus vestrae  
 ditionis populus eò tutius negotiaretur , navi-  
 garet , & commercia exerceret , nec non & no-  
 stra ad publicos foris ministros mandata uti Am-  
 plitudini vestrae rebusque vestris , suis officiis  
 atque consiliis opitularentur , idem à nobis pe-  
 titiv. Nos & petitis hisce libenter annuimus ,  
 & cum amicitiam , tum etiam literas illas ex-  
 petitas , illaque ad ministros publicos mandata  
 sub Parlamenti sigillo concessimus. Et quan-  
 quam aliquot jam menses abierunt , ex quo  
 Vester Publicus Minister ad nos primum accessit ,  
 ea tamen dilatio neque ex eo orta est , quo nos  
 petitioni , Amplitudinis Vestrae nomine factae ,  
 assentiri gravaremur , neque quo Vester Depu-  
 tatus nos assidue sollicitate , ullo tempore desti-  
 terit , ( qui certe omni cum diligentia , nec non  
 officiosa simul instantia , ut confecto negotio ,  
 compos voti dimitteretur , quotidie nos effla-  
 gitavit ) verum ex eo solum accidit , quod  
 maxima quidem & gravissima Reipub. nego-  
 tia , quæque ad eam vehementer pertinere aut  
 agerentur per hoc totum fere tempus , aut  
 transigerentur. Qua de re dignitatem vestram  
 Illustriss : certiore facienda esse censuimus ,  
 ut ne quis dilationem hanc secus interpretando ,  
 gravatim aut ægrè impetratum hoc esse existi-  
 met , quod à Parlamento Reipub. Anglia liben-  
 tissimè concessum est. Cujus nomine consignare  
 hæc iussus est

HENRICUS SCOBELL Clericus Parlam.  
 Par-

## Parlamentum Reipub. Angliæ

*Illustribus & Amplissimis Consulibus ,  
 Scultetis , Landam. & Senatoribus Can-  
 tonum Helvetiæ Evangelicorum , Tigurini ,  
 Bernensis , Glaronensis , Basileensis , Schaf-  
 fusiensis , Abbatiscellani , nec non ejusdem  
 Religionis Confœderatorum in Rætia , Ge-  
 nevæ , Sanctogalli , Multusii & Biennæ ,  
 Amicis nostris charissimis*

SALUTEM.

**L**iteras vestras , Illustris Domini atque Amici  
 Charissimi , Decembris 24. 1652. ad Nos datas  
 accepimus , omni humanitate , benevolentia ,  
 studioque erga nos nostramque Rempub. egre-  
 gio refertas ; quodque nobis semper majus &  
 antiquius debet esse , charitatem fraternam &  
 verè christianam spirantes. Deoque imprimis  
 Optimo Maximo gratias agimus , qui vos totque  
 vestras Civitates nobilissimas , non tam illis  
 montium claustris quàm insitâ vestrâ fortitu-  
 dine , pietate , & prudentissimâ æquissimâque  
 rerum civilium administratione , mutuâ de-  
 nique fœderum fide circumvallatas atque mu-  
 nitas , firmissimum universis orthodoxis præsi-  
 dium illis in locis excitavit atque constituit : vos  
 deinde , qui per omnem Europam primi fere  
 mortalium post invehctas ab Aquilone Barbaro-  
 rum



rum Regum tyrannidos, Deo vestram virtutem prosperante, libertatem vobis peperistis, partam haud minore prudentiâ ac moderatione, tot per annos, illibatam conservastis; de nobis nostrâque libertate nuper vindicatâ tam præclare sentire, tamque sinceros Evangelii cultores de nostro in orthodoxam fidem amore ac studio, tam constanter persuaderi, id quidem longè nobis gratissimum est. Quod autem ad pacem nos piè sanè & affectu, ut nobis est persuasissimum, verè christiano adhortamini, permagnum certè pondus apud nos ea adhortatio habere debet; cum propter ipsam rem, quam suadetis, maximè expetendam, tum propter summam etiam auctoritatem, quæ Vobis præ cæteris hæc in parte meritò tribuenda est, qui inter maximos circumquaque bellorum tumultus, & ipsi summam pacem domi forisque tamdiu colitis, & aliis omnibus pacis colendæ simul hortatores & exemplum optimum extitistis; cum id denique suadeatis, quod nos deditâ operâ, idque haud semel, non tam nostris rationibus, quàm universæ rei Euangelicæ prospicientes, per Legatos aliosque publicos Ministros petivimus, amicitiam nimirum & ætissimum fœdus cum fœderatis *Belgarum Provinciis* ferendum. Verùm illi ( sive illa perpetuò nobis infesta, regiis addicta partibus, tyrannidis & ipsa apud suos affectatæ comperta *Arausiana* factio potiùs dicenda est ) quo pacto Legatos nostros, non de pace, sed de fraternâ amicitia ac fœdere ætissimo venientes acceperint,

rint, quas postea belli causas præbuerint, ut nos, inter ipsa Legatorum suorum de fœdere colloquia, instructâ classe nihil tale cogitantes, in ipsis navium stationibus nostris, ultrò la- cesserint, ex illo à nobis eâ de re publicè scripto, & nunc unâ cum hisce literis ad vos misso, abundè intelligetis. Nos autem in id sedulò incumbimus, Deo benè juvante, quamvis re hætenus, tam prosperè gestâ, ut neque nostris quicquam viribus aut copiis tribuamus, sed Uni Omnia Deo, neque successibus insolentèr efferamur: Eundemque animum retinemus conficiendæ justæ atque honestæ pacis omnes occasiones amplecti paratissimum. Vos interim, *Illustres ac præstantissimi Domini*, quibus pium atque præclarum hoc studium est, solo Evangelico amore impulsis, fratres inter se certantes componere atque conciliare, & omni apud homines laude digni, cœlestis illius pacificorum præmii apud Deum haud dubiè compotes futuri, cujus summæ benignitati atque gratiæ vos vestrosque omnes ex animo commendatos volumus, si quâ in re vobis usui esse possumus, ad omnia cum amicorum tum fratrum officia promptissimi.

*Datis Westmonasterio die Octobris*

*An. Dom. 1653.*

Subscripsit & Parlamenti Sigillum  
imprimendum curavit

*Prolocutor Parlamenti Reipub.  
Angliæ.*

Le-



## Legato Hispanico.

*Illustrissime Domine,*

Cum graves ad nos allatae essent querelae *Philippi Noëlli, Joannis Godalli, & societatis mercatorum in Anglia Foyensium*, Navem quandam suam *Annam Foyensem* dictam, navem *Anglicam* à sese instructam, suis mercibus onustam, cum domum suam ad portum *Foyensem*, cursum teneret circa Festum *Michaelis Archangelis*, à nave quadam praesidiaria *Ostendensi*, cui praefuit *Erasmus Bruerus*, oppressam injustè & sine causa captam fuisse, inque ea nautas indignè & barbarè tractatos, Consilium Status ea de re ad *Marchionem Ledæ* scripsit, (quarum literarum exemplar Amplitudini vestrae unà cum his mittimus) Expectabatque ab eo sine mora mandatum iri ut ex jure & aequo ista in re quam primum ageretur. Verùm cum denuo praedictus *Noëllus* unà cum illa societate graviter queratur, quamvis literae nostrae *Marchioni* redditae fuerint, & mercatores illi, ab eo tempore se *Brugas* ad maritimarum causarum curiam contulerint, ibique jus suum suaeque causae veritatem probaverint, justitiam tamen sibi denegari, tamque iniquè secum agi ut quamvis per tres amplius menses cognitioni matura res fuerit, tamen ab illa curia se impetrare non posse ut sententiam tandem ferat; quin navis  
eorum

eorum & bona nihilo minus retineantur, seque per hanc moram in persequendo jure suo magnos sumptus fecisse. Non ignorat *Amplitudo vestra* & juri Gentium & commercii & amicitiae, quae inter Anglos & Flandros est, contrarium esse, ut navis aliqua *Ostendensis* navem aliquam *Anglicam* caperet, siquidem mercibus *Anglicis* onusta *Angliam* petat; quaeque ab illo Praefecto in nautas *Anglicos* inhumaniter ac barbarè commissa sunt poenam gravem mereri. *Concilium* itaque hanc rem Amplitudini vestrae commendat, petitque ut de ea in *Flandriam* scribere velitis, eamque operam primo quoque tempore dare ut ne hoc negotium diutius extrahatur sed uti ea justitia fiat, ut praedicta navis & bona, unà cum damnis, sumptibus & foenore quae *Angli* isti propter illam injustam interceptionem sustinuerunt, Autoritate Curiae maritimae *Brugensis*, aut alio modo bono iis reddantur, utque curetur nequa ejusmodi interceptio deinceps fiat, quin amicitia quae nostris hominibus cum *Flandris* intercedit sine ulla violatione conservetur.

*Obsignatum nomine & jussu Concilii Status  
Parlamenti auctoritate constituti.*

Mar-



## Marchioni Ledæ.

Illustrissime Domine,

**G**Raves ad nos allatæ sunt querelæ, à *Philippo Noëlo*, & *Joanni Godallo*, & Societate mercatorum *Foyensium*, de nave quadam sua, cui nomen *Anna Foyensis*, quæ cum esset Navis Anglica, ab illis instructa, & ipsorum solummodo mercibus onusta, circiter festum *Michaelis Archangeli* ad portum suum renavigans, à nave præfidiaria quæ ad *Ostendam* pertinebat, cujus erat Præfectus *Erasmus Bruerus*, de improvviso capta fuit. Nuntiatum porro est, *Ostendenses*, cum in sua potestate navis esset, nautas omnes nimis inhumaniter tractasse, accenso fune digitis admoto, & navis magistrum undis immeruisse, atque pœne suffocasse, ut minimè veram ab ipso confessionem extorquerent, de navi atque mercimoniis illis, quasi Gallorum essent. Quod tametsi Magister ille cæterique socii navis firmiter pernegabant, *Ostendenses* tamen, & navim & mercedes in portum suum abduxerunt. Hæc in *Curia Navali Angliæ*, inquisitione factâ, testibusque adhibitis vera esse apparere, ut ex autographis testimoniorum quæ cum his literis simul misimus manifesto liquebit. Cum itaque illa Navis, *Anna Foyensis* dicta, atque mercimonia omnia peculiariter verè ac propriè ad *Anglos* pertineant,

neant, adeo ut nulla causa appareat cur *Ostendenses* vel illam vel ea vi caperent, multò minùs auferrent navis Magistrum, aut societatem tam durè tractarent; cumque secundum leges Nationum atque amicitiam inter *Anglos Flandrosque*, navim illam atque mercimonia reddi oporteat, magnoperè petimus ab Excellentia vestra, ut jus suum *Anglicani* maturè obtineant, atque illis satisfiat qui damnum acceperunt, utque commercium, & Amicitia quæ inter *Anglos Flandrosque* est, diù atque firmitè conservetur.

## Legato Hispanico.

**P**arlamentum Reipub. *Angliæ* cum intelligat, plurimos ex populo in hac urbe tam Excellentie vestræ, quam aliorum Legatorum & ministrorum ab exteris regionibus publicorum hic versantium domos *Missæ* audiendæ causâ frequentare, *Concilio Status* mandavit, uti Excellentie vestræ significaret, cum hoc gentis hujus legibus damnatum, ac in hac nostrâ Republica mali admodum exempli sit, offensio- nisque plenum, censere se, sui planè officii esse, ne quid tale dehinc fiat providere; cœtusque ejusmodi in futurum prorsus interdicere. Quâ de re Excellentiam vestram admonitam nunc esse cupimus, ut ne quem ex populo hujus Reipublicæ *Missæ* audiendæ causâ suam in domum posthac velit admittere. Et quemadmodum *Parlamentum* diligenter curabit ut Legatus



jus & privilegia quæque vestrae Excellentiae in-  
violata servantur, ita hoc sibi persuasissimum  
habet, *Excellentiam* vestram, quandiu hic  
commoratur, leges hujus Reipub. per se suosve  
nolle ullo modo violatas.

*Summarium damnorum singulorum  
& haud fictorum quibus Societas An-  
glicana multis Orientalis Indiae Locis  
a Belgica Societate affecta est.*

1. **D**amna illa sedecim Articulis comprehensa & pridem exhibita, quorum summa est 298555. *Regiorum*  $\frac{1}{2}$  quæ est monetae nostræ

2. De *Pularonis* Insulae fructibus satisfactionem dari postulamus ab anno 1622. ad hoc usque tempus ducenties millenum *Regiorum*  $\frac{1}{2}$  præter dispendium futurum donec jus ditionis in illam Insulam nobis restituatur eo rerum statu in quo fuit cum erepta nobis est, prout fœdere sancitum erat: quod est nostræ monetae

3. Satisfactionem postulamus de omnibus illis mercimoniis ci-

℥ ℔ 8  
74638:15:00

50000:00:00

bariis

bariis & apparatus, qui ab Agentibus Societatis *Belgiae* apud *Indos* ablati sunt, aut iis traditi, aut ulli ex eorum navibus eo cursum tenentibus aut inde redeuntibus, quorum summa est 80635. *Regiorum*: nostræ monetae

4. Satisfactionem postulamus ob portiora *Mercium Belgicarum* quæ in *Perside* aut navibus impositæ sunt aut in terram expositæ ab anno 1624. prout nobis à Rege *Persarum* concessum erat quæ minoris æstimare non possumus quam Octogies millenis *Regiis*

5. Satisfactionem postulamus ob quatuor ædes malitiosissime & iniquissime *Jocatra* incensas, unâ cum mercium Apothecis repositoriis & apparatus, cui rei Prætor illic *Belgicus* occasionem dedit, de quibus omnibus ex eo ipso loco certiores postea facti sumus quam priores quærelas exhibueramus cujus damni summa est ducentius millenum *Regiorum*

6. Satisfactionem postulamus ob 32899 *Libras peperis* ex nave *Endimione* vi ablatas anno 1649. cujus damni summa est

℥ ℔ 8

20158:00:00

20000:00:00

50000:00:00

6000:00:00

220796:15:00

Sum-



*Summarium Damnorum aliquot particularium quibus etiam à Belgica Orientalis Indiae Societate affecti sumus.*

1. **P**ropter damna quæ per eos fecimus qui *Bantamum* obfederunt, unde factum est ut per sex annos continuos eo commercio exclusi simus & consequenter occasione sexcenties mille Regios in coëmendo pipere locandi pro rata nostra portione, quo multas naves nostras in reditu onerare potuissemus, quo onere cum carerent passim per *Indiae* littora cariam traxere: interea fors nostra apud *Indos* quæ vel pecuniæ vel bonorum erat stipendio nautico com meatu alioque apparatu imminuta & exhausta est adeo ut prædictæ Jacturæ haud minoris æstimari queant vicies centies & quater millenis Regiis id est nostræ monetæ

2. Plura etiam propter damna ex amissa parte nostra debita fructuum in *Insulis Moluccis, Banda & Amboyna* ex quo tempore per

£ 8 8  
600000:00:00

cædem

cædem nostrorum ibi factam: **£ 8 8**  
700000:00:00  
pulsus inde sumus ad usque illud tempus quo de jactura hac atque dispendio nobis satisfiat, quod spatium temporis ab anno 1622. ad hunc annum Præsentem 1650. pro reditu annuo 25000. *Librarum* annis 28. Summam conficit.

3. Reparationem insuper postulamus centies & bis millenum nongentorum quinquaginta novem *Regiorum Suratta* à Populo *Mogulli* nobis ablatorum, quos *Belga* eum in modum tutati sunt ut neque ex pecuniis neque ex bonis ejus populi quæ in ipsorum *Juncis* seu Navibus erant damna nostra resarcire possemus, quod quidem perficere & conati sumus & in manu nostra situm erat, nisi eos *Belga* iniquissimè defendissent, quæ pecunia amissa ad impensas faciendas jamdudum in Europa triplum peperisset: quod Nos æstimamus

77020:00:00

4. Ob Portoria *Persidis* quorum dimidia pars ab Rege *Persarum Anglis* concessa est Anno 1624. quæ usque ad Annum 1629. supputata æstimatur octies millenis *Regiis*, quemadmodum prius exponitur qua ratione subducta

D

qua-



(74)

quatuor mille Librarum in an-  
 nos singulos præbere tenentur ab  
 anno 1629. à quo unus & viginti  
 anni sunt, atque inde summa con-  
 ficietur

84000:00:00

*Ab altera Pagina*

220976:15:00

*Summa totalis*

1681996:15:00

Locus Figuræ  
Regii

O

*Debitum ab eo tempore sœnus Sortem  
ipsam longè superabit.*

LIT.

(75)

L I T T E R Æ  
 O L I V E R I I  
 P R O T E C T O R I S  
 Nominæ Scriptæ.

COMITI OLDENBURGICO.

*Illustrissime Domine,*

**P**Er literas vestras *Januarii die vigesimo*  
*1654.* datas certior sum factus, nobilem  
 virum *Fridericum Matthiam Wolisogum*  
 Secretarium vestrum, & *Christophorum Gri-*  
*phiandrum* cum certis mandatis ab illustrissimâ  
 dignitate vestra in *Angliam* missos fuisse. Qui  
 cum ad nos accessissent, & susceptam *Anglicanæ*  
*Reipublicæ* administrationem nobis vestro no-  
 mine gratulati sunt; & uti vos vestraque ditio  
 in hanc pacem, quam cum *Fœderatis Belgii*  
*Ordinibus* proxime fecimus, assumeremini: ut  
 denique *Salvam-Guardiam* illam quam vulgo  
 vocant, à *Parlamento* nuper vobis concessam  
 nostrâ nunc autoritate confirmaremus, peti-  
 verunt: ob istam itaque gratulationem tam  
 amicam maximas, ut æquum est, gratias agi-  
 mus: & illa duo postulata libenter concessi-  
 mus; nulli etiam occasione in posterum defu-  
 turi,

D 2



turi, quæ studium in vos nostrum poterit ullo tempore declarare. Idque ex supradictis Oratoribus vestris plenius vos arbitror intellecturos; quorum fides, ac diligentia in hoc vestro apud nos negotio præclare constitit. Quod reliquum est, vobis, rebusque vestris felicitatem, atque ex voto pacem omnem exopto.

*Westmonasterio. Jun. 27.*

1654.

Illustrissimæ Dignitatis vestris  
studiosissimus

*Oliverius Angliæ, Scotiæ, Hyberniciæ, &c.  
Protector.*

Comiti Oldenburgico.

*Illustrissime Domine,*

**L**iteras vestras Maii secundo die Oldenburgi datas accepi haud uno nomine gratissimas; cum quod essent ipsæ singulari erga me humanitate ac benevolentia refertæ; tum quod illustrissimi Domini Comitis Antonii per dilecti Filii vestri manu redditæ. Id quod eo magis honorificum mihi duco, ex quo illius virtutes tantæ stirpe dignas, moresque eximios, studium denique in me egregium, non tam acceptum ab aliis quam re ipsa cognitum atque perspectum jam habeo. Neque dubium esse potest, quin eandem quoque suis domi spem faciat, fore

se Patris optimi præstantissimique simillimum; ejus præclara virtus atque prudentia perfecit, ut tota illa ditio Oldenburgica permultis ab annis, & summâ pace frui, & pacis commodam percipere inter sævissimos undique circumstrepentium bellorum tumultus potuerit. Talem itaque amicitiam quidni ego quamplurimum facerem, quæ potest inimicitias omnium tam sapienter ac providè cavere. Pro munere denique illo magnifico est, *Illustrissime Domine*, quod gratias habeo; pro jure est ac merito tuo, quod ex animo sum.

*Illustrissima dignitatis vestra studiosissimus*

OLIVERIUS Angliæ, Scotiæ, Hyberniciæ, &c. Protector.

*Westmonasterio*

29. Jun. 1654.

Illustrissimo Domino

ANTONIO GUNTHERO.  
*Comiti in Oldenburgh, &  
Delmenhorst, Domino in  
Jebuern, & Kniphausen.*



OLIVERIUS Protector Reipub.  
Angliæ, Scotiæ, Hybernæ, &c.

*Serenissimo Principi*

CAROLO GUSTAVO

*Suecorum, Gothorum, Vandalorumque  
Regi, Magno Principi Finlandiæ,  
Duci Esthoniæ, Careliæ, Brema-  
Verdæ, Stetini Pomeraniæ, Cassubia  
& Vandalia, Principi Rugiæ, Do-  
mino Ingriæ, VVissmaria, necnon  
Comiti Palatino Rheni, Bavaria,  
Jul. Cliviæ & Montium Duci &c.*

SALUTEM.

*Serenissime Rex,*

CUM Suecorum Regnum per hosce dies  
summis populi studiis, omniumque ordi-  
num suffragiis liberrimis translatus ad vos esse,  
roto orbe terrarum percubuerit, id maluisse  
Majestatem Vestram suis literis amicissimis,  
quàm vulgatâ famâ nos intelligere, & summa  
benevolentia erga nos vestra, & honoris inter  
primos attributi argumentum haud leve esse du-  
cimus. Illam itaque vestris meritis egregiis ac-  
cessionem dignitatis, præmiumque virtute tantâ  
dignissi-

dignissimum, & sponte, & jure vobis gratu-  
lamur: idque ut *Majestati* vestra, *Suecorumque*  
*Genti*, reique toti *Christianæ* bonum atque fau-  
stum sit, quod & vobis maximè in votis est,  
junctis precibus Deum oramus. Quod autem  
foederis inter hanc Rempublicam, *Sueciaque*  
Regnum recens icti conservationem Majestas  
vestra, quod ad se attinet integerrimam, usque  
eò curâ sibi fore confirmat, ut quæ nunc inter-  
cedit amicitia, non permanere solum, sed, si  
id fieri potest, augescere etiam indies possit, id  
vel in dubium vocare nefas esset, tuâ tanti Prin-  
cipis fide interpositâ, cujus eximia virtus non  
solum in peregrinâ terrâ Regnum tibi hæredita-  
rium peperit, sed tantum etiam potuit, ut au-  
gustissima Regina, *Gustavi* filia, cui parem  
omni laude Heroïnâ multa retrò sæcula non  
tulere, possessione imperii justissimâ inopinanti  
tibi ac nolenti ultrò cederet. Vestram denique  
tam singulare erga nos studium, tamque præ-  
claram animi significationem nobis esse gratissi-  
mam omni ratione persuasum esse vobis cupi-  
mus; nullumque nobis pulchrius certamen fore,  
quàm ut vestram humanitatem nostris officiis  
nullo tempore defuturis, si id potest fieri, vin-  
camus.

*Majestatis Vestrae Studiosissimus*

OLIVERIUS, Reipub. Angliæ,  
Scotiæ, Hybernæ, &c. Pro-  
tector.

*Westmonasterio, die  
4. Julii 1654.*



*Illustrissimo Domino,*  
**LUDOVICO MENDEZIO**  
**DE HARO.**

**Q**UOD accepi ex literis tuis, *Illustrissime Domine*, constitutum ac nominatum jam esse ab Serenissimo *Hispaniarum* Rege Legatum, qui de suscepta à me *Anglicana* Republica gratulatum huc primo quoque tempore veniret; cum est merito per se gratum; tum tu id, qui ex te imprimis hoc me cognoscere voluisti, ut esset mihi aliquanto gratius atque jucundius, singulari tuo studio atque officii celeritate effecisti. Sic enim diligi atque probari me abs te, qui virtute tua atque prudentia tantam apud Regem tuum auctoritatem tibi conciliasti, ut vel maximis illius Regni negotiis par animo præsis, haud minori profecto mihi voluptati debet esse, quam iudicium præstantissimi viri ornamento mihi intelligo fore. De meo autem in Serenissimum *Hispaniarum* Regem propenso animo, & ad amicitiam cum isto Regno conservandam, atque etiam indies exaugendam promptissimo, & huic qui nunc adest Legato satisfecisse mæ spero, & alteri, cum advenerit, cumulare satisfacturum. De cætero, *Illustrissime Domine*, qua nunc flores apud Regem tuum dignitate ac gratia, eam tibi perpetuam

( 81 )  
 exopto; quasque res geris bono publico & administras, volo tibi prosperè feliciterque evenire.

*Amplitudinis tue Illustrissima*  
*Studiofissimus*

OLIVERIUS, Protector Reip.  
 Angliæ, Scotiæ, Hybernæ &c.

*Albâ Aulâ Septembris.*  
*die 1654.*

*Serenissimo Principi*

**CAROLO GUSTAVO ADOLPHO**  
*Suecorum, Gothorum, Vandalorumque Regi &c.*

**C**UM de voluntate vestra Majestatis in me singulari ex vestris sim nuper literis persuasus, quibus & ipse pari studio rescripserim, videor mihi ex ratione prorsus amicitiae nostræ deinceps facturus, si quemadmodum quæ grata acciderint ad lætitiâ mutuam communicem, ita quæ contraria, de iis vobis tanquam amicissimis, animi mei sensum doloremque aperiam. De me equidem sic existimo; eo me in loco Reipub. jam esse constitutum, ut communis Protestantium, paci imprimis & quantum in me est consulere debeam. Quo gravius necesse est feram quæ de *Bremensium & Suecorum* præ-



liis mutuisque cladibus ad nos perferuntur. Illud primum doleo, amicos utrosque nostros tam atrociter tamque Protestantium rationibus periculosè inter se decertare; pacem deinde illam Monasteriensem quæ Reformatis omnibus summo præsidio credebatur fore, ejusmodi peperisse infœlix bellum: ut nunc arma *Suecorum* in eos conversa sint quos inter cæteros paulo ante religionis causâ acerrimè defenderent: idque potissimum hoc tempore fieri, cum Pontificii per totam fere Germaniam Reformatos ubique rursus opprimere, & ad intermissas paulisper injurias vimque pristinam redire palam dicantur. Cum itaque intelligerem dierum aliquot inducias ad *Bremam* urbem jam esse factas, non potui sane quin Majestati vestræ, occasione hac datâ, significarem quàm cupiam ex animo quamque enixè Deum pacis orem, uti istæ induciæ utrique parti feliciter cedat; utque in pacem firmissimam ex compositione utrinque commoda possint desinere. quam ad rem si meam operam conferre quicquam aut usui fore Majestas vestra judicaverit, eam vobis libentissimè ut in re Divino Numini procul dubio acceptissimâ polliceor atque desero. Interea Majestatis vestræ consilia omnia ut ad communem *Christianæ* rei salutem dirigat Deus atque gubernet, quod idem non dubito, quin & vos maximè velitis, animitus exopto.

*Majestatis vestræ Studiosissimus*

OLIVERIUS, Prot. Reip. Angliæ, &c.

*Alba Aula Oct. 26. 1654.*

*Magni-*

*Magnificis Amplissimisque*  
Consulibus ac Senatoribus Civitatis *Bremensis*.

EX literis vestris per Oratorem vestrum *Henricum Oldenburgum* ad nos datis, coortum civitati vestræ cum vicino potentissimo dissidium, quasque exinde ad angustias redacti sitis, eò majore cum molestia ac dolore intelligo, quo magis *Bremensem* Civitatem præter cæteras Orthodoxâ religione præstantem diligo atque amplector; neque in votis quicquam habeo antiquius, quàm ut universum Protestantium nomen fraterno consensu atque concordia in unum tandem coalescat. Lætari interim communem Reformatorum hostem hisce nostris contentionibus & ferocius passim instare certissimum est. Ipsa autem controversia, cum decisionis nostræ non sit quæ vos jam nunc exercet, Deum itaque oro ut quæ coeptæ sunt induciæ possint foelicem exitum sortiri. Equidem quod petistis ad *Suecorum* Regem ea de re scripsi suasor pacis atque concordia, Deo nimirum imprimis grata, meamque operam ut in re tam pia libens detuli, vos uti æquum animum, neque ab illis pacis conditionibus, honestis quidem illis, abhorrentem suadeo geratis,

D 6

ve-



vestramque civitatem divinæ tutelæ ac provi-  
dentia commendo

*Amplitudinis Vestrae Studiofissimus*

OLIVERIUS Protector Reipub.  
Angliæ &c.

*Albâ Aulâ Octob. 26.*

1654.

OLIVERIUS Protector Reip.  
Angliæ

*Illustrissimo Principi Tarentino.*

S. P. D.

**P**erspectus ex literis tuis ad me datis Religio-  
nis amor tuus, & in *Ecclesiis Reformatas*  
pietas eximia, studiumque singulare, in istâ præ-  
sertim generis nobilitate ac splendore, eoque sub  
Regno in quo deficientibus ab Orthodoxa fide  
tot sunt nobilissimis quibusque spes uberes pro-  
positæ, tot firmioribus incommoda subeunda,  
permagno me planè gaudio ac voluptate affecit.  
Nec minus gratum erat placuisse me tibi eo ipso  
Religionis nomine, quo tu mihi dilectus atque  
charus inprimis esse debes. Deum autem ob-  
testor ut quam de me spem Ecclesiarum & ex-  
pectationem esse ostendis, possim ei aliquando  
vel satisfacere, si opus erit, vel demonstrare  
omnibus, quàm cupiam non deesse. Nullum  
equidem fructum laborum meorum, nullum  
hujus

hujus quam obtineo in Repub. meâ sive digni-  
tatis sive muneris nec ampliorem existimarem,  
nec jucundior, quàm ut idoneus sim, qui  
Ecclesiæ Reformatæ vel amplificationi vel in-  
columitati, vel, quod maximum est, paci-  
ferviam. Te verò hortor magnopere ut reli-  
gionem Orthodoxam quâ pietate ac studio à  
majoribus acceptam profiteris, eâdem animi  
firmitate atque constantiâ ad extremum usque  
retineas. Nec sanè quicquam erit tuisque Pa-  
rentibus religiosissimis dignius, nec quod pro  
tuis in me meritis, quanquam tuâ causâ cupio  
omnia, optare tibi melius, aut præclarius  
queam, quàm si sic te pares atque instituas,  
ut Ecclesiæ, præsertim patriæ, quarum in  
disciplina tam felici indole tamque illustri loco  
natus es, quanto cæteris præluces, tanto fir-  
mius in te præsidium suis rebus constitutum esse  
sentiant. Vale.

*Albâ Aulâ die Aprilis 1655.*

OLIVERIUS Protector Reip.  
Angliæ

*Serenissimo Principi Immanueli  
Subaudiæ Duci Pedemontii*

*Principi*

SALUTEM.

*Serenissime Princeps,*

**R**editæ sunt nobis *Genevâ*, nec non ex *Del-*  
*phinato* aliisque multis ex locis ditione ve-  
stræ



stræ finitimis literæ, quibus certiores facti sumus, Regalis vestræ Celsitudinis subditis *Reformatam* Religionem profitentibus, vestro Edicto atque autoritate imperatum nuper esse, uti triduo quàm hoc edictum promulgatum erit suis sedibus atque agris excedant poenâ capitis, & fortunarum omnium amissione proposita, nisi fidem fecerint se derelictâ religionem suâ, intra dies viginti *Catholicam* Religionem amplexuros: Cumque se supplices ad Celsitudinem vestram Regalem contulissent, petentes uti edictum illud revocetur, utque ipsi pristinam in gratiam recepti, concessâ à Serenissimis Majoribus vestris libertati restituantur, partem tamen exercitus vestri in eos impetum fecisse multos crudelissime trucidasse, alios vinculis mandasse, reliquos in deserta loca montesque nivibus coopertos expulisse, ubi familiarum aliquot centuriæ, eo loci rediguntur ut sit metuendum ne frigore & fame, brevi sint miserè omnes peritura. Hæc cum ad nos perlata essent, haud sane potuimus quin, hujus afflictissimi populi tanta calamitate auditâ, summo dolore ac miseratione commoveremur. Cum autem non humanitatis modo sed ejusdem religionis communione, adeoque fraternâ penitus necessitudine cum iis conjunctos nos esse fateamur, satisfieri à nobis neque nostro erga Deum officio, neque fraternæ charitati, neque religionis ejusdem professioni posse existimavimus, si in hac fratrum nostrorum calamitate ac miseria solo sensu doloris afficeremur, nisi etiam ad sublevanda

eorum

eorum tot mala inopinata, quantum in nobis est situm, omnem operam nostram conferramus. Itaque à vestra inprimis Celsitudine Regali majorem in modum enixè petimus & obtestamur ut ad instituta Serenissimorum Majorum suorum concessamque ab iis omni tempore & confirmatam subditis suis *Vallensibus* libertatem velit animum referre. In quâ concedendâ atque confirmandâ, quemadmodum id præstiterunt, quod Deo per se gratissimum proculdubio est, qui conscientiæ jus inviolabile ac potestatem penes se unum esse voluit, ita dubium non est quin Subditorum etiam suorum meritam rationem habuerint, quos & in bello strenuos ac fidelissimos & in pace dicto semper audientes experti fuissent. Utque Serenitas Vestra Regalis in cæteris omnibus & benignè & gloriose factis Avorum suorum vestigiis optimè insistit, ita in hoc nolit ab iisdem discedere etiam atque etiam obsecramus; sed & hoc edictum, & si quod aliud inquietandis *Reformatæ* Religionis causâ subditis suis rogatum sit, uti abroget; ipsos patriis sedibus atque bonis restituat; concessa jura ac libertatem pristinam ratam iis faciat; accepta damna sarciri, & eorum vexationibus finem imponi jubeat. Quod si fecerit Regalis Celsitudo vestra, & rem Deo acceptissimam fecerit, miseros illos & calamitosos erexerit & recrearit, & à suis omnibus vicinis, quotquot *Reformatam* Religionem colunt, maximam gratiam inierit; nobisque potissimum, qui vestram in illos benignitatem atque

cle-



clementiam obtestationis nostræ fructum arbitramur. Quod & ad omnes officiorum reddendas vices nos obligaverit; nec stabiliendæ solum verum etiam augendæ inter hanc Remp. Vestramque ditionem necessitudinis & amicitiae fundamenta firmissima jecerit. Neque verò hoc minus ab iustitia vestra & moderatione animi nobis pollicemur; quam in partem Deum Opt. Max. oramus uti mentem vestram & cogitationes flectat: vobisque adeo vestroque populo pacem ac veritatem & successus rerum omnium felices ex animo precamur.

*Albâ Aulâ. May. 1655.*

**OLIVERIUS** Protector Reip.  
Angliæ &c.

*Serenissimo Principi Transylvaniæ,*

**SALUTEM.**

*Serenissime Princeps,*

**E**X literis vestris *sexto decimo Novembris 1654.* ad nos datis singularem erga nos benevolentiam vestram atque studium perspeximus; & Internuntius vester qui illas nobis literas dedit de contrahenda nobiscum societate & amicitia voluntatem vestram amplius coram exposuit. Nos certè occasionem hanc esse datam, unde nostrum quoque erga vos animum, & quanti Celsitudinem vestram meritò faciamus declarare

rare atque ostendere possimus, haud mediocriter sanè gaudemus. Cum autem Vestra in Rempublicam Christianam præclara merita laboresque suscepti ad nos usque famâ pervenerint & hæc omnia certius, & quæ amplius rei Christianæ vel defendendæ vel promovendæ causâ in animo habeatis Celsitudo vestra suis literis communicata nobis amicissimè voluerit, ea uberiores insuper lætandi materiam nobis attulere: Deum nempe iis in regionibus excitasse sibi tam potentem atque egregium suæ gloriæ ac providentiæ ministrum; qui, cum virtute atque armis tantum possit, de religione communi Protestantium tuendâ cui nunc undique malè & dictum & factum est, nobiscum unâ sociare consilia cupiat. Deus autem qui utrisque nobis tamen si locorum intervallo tam longè disjunctis, eundem Religionis Orthodoxæ defendendæ studium atque animum injecit, dubium non est quin earum præcipue rationum author nobis futurus sit, unde & nobis & inter nos & Reformatorum reliquis principibus ac civitatibus hac in re maximo esse adiumento atque usui possimus, occasionibus certè omnibus intenti, si quas Deus obtulerit, iis quod ad nos attinet, eodem Deo benè juvante, non deerimus. Interca Celsitudini Vestræ sine summo dolore commemorare non possumus quanta inclementia Dux Allobrogum subditos suos Alpinarum quarundam Vallium incolas Orthodoxam Religionem retinentes persequutus sit. Quos non solum severissimo Edicto quotquot Romanam Reli-



Religionem suscipere recusarunt sedes avitas, bonaque omnia relinquere coëgit; verum etiam suo exercitu adortus est, qui multos crudelissime concidit, alios barbarè per exquisitos cruciatu necavit, partem verò maximam in montes expulit fame & frigore absumendam, exustis domibus, & siqua eorum bona ab illis carnificibus non sint direpta. Hæc ut ad vos jamdudum nuntiata sunt & Celsitudini Vestræ tantam crudelitatem graviter displicuisse, & vestram opem atque auxilium, quantum in vobis est, illis miserrimis, siqui tot cadibus atque miseriis adhuc supersunt, non defuturum, nobis facillè persuadetur. Nos literas Duci *Sabaudia* ad deprecandum ejus insensum in suos animum jam scripsimus, sicut & Gallorum Regi, idem ut is etiam velit facere; vicinis denique Reformatæ Religionis Principibus uti de illa sævitia tam immani quid nos sentiamus intelligere possint: quæ quanquam in illos inopes primum cœpta est, idem tamen omnibus eandem religionem profitentibus minatur: eoque majorem illis prospiciendi sibi in commune suisque omnibus consulendi necessitatem imponit: quam & nos eandem rationem, prout Deus nobis in animum induxerit, semper sequemur. Id quod Celsitudo vestra persuadere sibi poterit quemadmodum & de singulari nostro erga se studio atque affectu, quò prosperos rerum omnium successus vobis animis exoptamus; & vestra incepta omnia atque conatus, quibus Evangelii cultorumque ejus liber-

libertati studetis fœlicem exitum sortiri volumus.

*Alba Aulæ. May 1655.*

OLIVERIUS P.

*Serenissimo Principi*

CAROLO GUSTAVO ADOLPHO

*Suecorum Regi,*

SALUTEM.

Pervenisse nuper in regna vestra illius Edicti acerbissimi famam quo dux *Sabaudia* subiectos sibi Alpinos incolas, *Reformatam* Religionem profitentes, funditus afflixit, & nisi religione *Romanâ* suam mutare fidem à Majoribus acceptam intra dies viginti velint, patriis sedibus exterminari jussit, unde multis interfectis, cæteri spoliati, & ad interitum certissimum expositi, per incultissimos montes, hyememque perpetuam fame & frigore confecti cum conjugibus ac parvulis jam nunc aberrant, & hæc graviter tulisse Majestatem vestram nobis persuasissimum est. Nam Protestantium nomen atque causam, tametsi inter se de rebus non maximis dissentiunt, communem tamen & penè unam esse, adversariorum par in omnes *Protestantes* odium facile demonstrat. Et *Suecorum* Reges, suam cum *Reformatis* conjunxisse semper causam illatis etiam in Germaniam armis



mis ad *Protestantium* religionem sine discrimine  
tuendam nemo est qui ignoret: petimus inprimis  
igitur, idque majorem in modum, à Majestate  
vestra ( nisi id jam fecerit, quod & Reforma-  
torum alia Respublica & nos fecimus ) ut cum  
*Subaudia* Duce per literas velit agere; suaque  
authoritate interposita & hanc tantam edicti  
atrocitatem ab hominibus cum innocuis tum re-  
ligiosis deprecando, si fieri potest, avertere  
conetur: etenim hæc initia tam sæva quo  
spectent, quid nobis omnibus minentur, ad-  
monere vestram Majestatem supervacuum esse  
arbitramur. Quod si is iræ suæ, quam nostris  
omnium precibus auscultare maluerit: Nobis  
profecto, siquod est vinculum, siqua religionis  
charitas aut communio credenda atque colenda  
est, communicato prius vestra cum Majestate,  
cæterisque Reformationum primoribus consilio  
alia quamprimum ineunda ratio erit, quâ pro-  
videri maturè possit, ne tanta innocentissimu-  
rum fratrum nostrorum multitudo omni ope  
destituta miserrimè pereat. Quod idem quin  
Majestati vestræ visum jam sit atque decretum  
cum nullo modo dubitemus, nihil consultius,  
ut nostra quidem fert sententia, esse poterit  
quam ut gratiam, authoritatem, consilia, opes,  
& siquid aliud necesse est in hanc rem primo  
quoque tempore conferamus. Interea Majesta-  
tem vestram Deo Opt. Max. commendatam ex  
animo volumus.

OLIVERIUS Protector Reip.  
Angliæ &c.

Excelsis & Præpotentibus Do-  
minis.

Fœderati Belgii Ordinibus.

EDictum Ducis *Sabaudia* nuperrimum in sub-  
jectos sibi *Alpinos* incolas, Orthodoxam  
Religionem antiquitus profitentes, quo illi edi-  
cto, ni intra dies viginti fidem *Romanam* am-  
plectantur, exuti fortunis omnibus, patriæ  
quoque sedes relinquere jubentur, & quantâ  
crudelitate in homines innoxios atque inopes  
nostrosque, quod maximè refert, in *Christo*  
fratres illius edicti auctoritas grassata sit, occisis  
permultis ab exercitûs parte contra eos missâ,  
direptis reliquis atque domo expulsis, unde illi  
cum conjugibus ac liberis fame & frigore con-  
flictari inter asperrimos montes, nivæque per-  
petuas jamdiu coacti sunt, rumore & vicinis  
undique ex locis creberrimis literis ac nuntiis  
cognovisse vos jamdudum existimamus. Qua  
autem animi commotione, quo sensu fraternæ  
calamitatis hæc vos affecerint facilè ex dolore  
nostro qui certe est gravissimus intelligere vide-  
mur. Qui enim eodem religionis vinculo, con-  
juncti sumus, quidni iisdem plane affectibus in  
tam gravi atque indigna fratrum nostrarum  
commo-



commoveremur. Et vestra quidem in Orthodoxos ubicunque locorum disiectos atque oppressos spectata pietas atque in multis Ecclesiarum difficultatibus & adversis rebus jam sæpe cognita est. Ego certe, nisi me fallit animus, quavis in re potius, quàm studio & charitate erga fratres religionis causâ violatos atque afflictos vinci sustineam: quandoquidem Ecclesiarum salutem atque pacem incolumitati etiam propriæ libens prætulim. Quod igitur hætenus potuimus, ad *Sabaudia Ducem* scripsimus; suppliciter penè rogantes ut in hos homines innocentissimos & subditos & supplices suos placationem animum ac voluntatem suscipiat, suas sedes atque fortunas miseris reddat, pristinam etiam in religione libertatem concedat. Scripsimus præterea ad summos *Protestantium* Principes & Magistratus, ad quos hæc maximè pertinere iudicavimus, ut in *Sabaudia Duce* exorando suam conferre operam nobiscum unâ velint. Hæc eadem, & plura forsitan vos quoque fecistis. Nam exemplum hoc tam periculosum, & instaurata nuper in Reformatos tanta crudelitas si auctoribus benè cedat, quantum in discrimen adducta religio sit vestram commonescere prudentiam nihil attinet. Et is quidem si flecti nostris omnium precibus & exorari se passus erit præclarum nos atque uberem suscepti huius laboris fructum ac præmium reportabimus. Sin ea in sententia perstiterit, ut apud quos nostra Religio vel ab ipsis Evangelii primis Doctoribus tradita per manus & incorruptè

ser-

servata, vel multo antè quàm apud cæteras Gentes sinceritati pristina restituta est, eos ad summam desperationem redactos, delictos funditus ac perditos velit, paratos nos esse commune aliquod vobiscum cæterisque *Reformatis* Fratribus ac sociis consilium capere, quo & saluti pereuntium iustorum consulere commodissime queamus, & is demum sentiat Orthodoxorum injurias atque miseras tam graves non posse nos negligere. *Valete.*

### *Civitatibus Helvetiorum Evangelicis.*

**N**ON dubitamus quin ad aures vestras aliquanto citius quàm ad nostra illa nuper calamitas pervenerit *Alpinorum* hominum religionem nostram profitentium, qui *Sabaudia Ducis* in fide ac ditione cùm sint, sui Principis edicto patriis sedibus emigrare iussi ni intra triiduum satisdedissent, se *Romanam* Religionem suscepturos, mox armis petiti & ab exercitu *Ducis* sui occisis, etiam permultis in exilium ejecti, nunc sine lare, sine tecto, nudi, spoliati, afflicti, fame & frigore moribundi, per montes desertos atque nives cum conjugibus ac liberis miserrimè vagantur. Multo est minus cur dubitemus quin hæc, ut primum vobis nuntiata sunt pari atque nos tantarum miserationum sensu eoque fortasse graviore quo illorum finibus propiores estis, dolore affecerint. Vestrum enim



enim in primis Orthodoxæ fidei studium egregium summamque in eâ cum retinendâ constantiam tum defendendâ fortitudinem abundè novimus. Cum itaque religionis arctissimâ communione Fratres, vel potius unum corpus cum his miseris vos pariter nobiscum sitis, cuius membrum nullum affligi sine sensu, sine dolore, sine detrimento atque periculo reliquorum potest, scribendum ad vos hac de re & significandum censuimus quanti nostrum omnium interesse arbitremur, ut Fratres nostros ejectos atque inopes communi ope atque auxilio, quoad fieri potest, juvemus & consolemur; nec eorum tantummodo malis & miseriis removendis, verum etiam nequid serpat latius nequid periculi exemplo atque eventu vel nobis omnibus creari possit, maturè prospiciamus. Literas nos quidem ad *Sabaudia Ducem* scripsimus, quibus uti cum Subditis suis fidelissimis pro clementiâ suâ lenius agat, eosque jam prope perditos suis sedibus ac bonis restituat, vehementer petivimus. Et his quidem nostris, vel nostrum potius omnium conjunctis precibus, exoratum iri Principem Serenissimum quodque ab eo tanto opere petivimus, facile concessurum speramus. Sin illi in mentem secus venerit, communicare vobiscum consilia parati sumus, qua potissimum ratione oppressos tot injuriis atque vexatos innocentissimos homines, nobisque charissimos in *Christo* fratres sublevare atque erigere, & ab interitu certissimo atque indignissimo conservare possimus.

Quo-

Quorum salutem atque incolumitatem pro vestra pietate vobis quam maxime cordi esse confido: Ego eam certe vel gravissimis meis rationibus, immò incolumitati propriâ potiore habendam esse existimem. Valete.

Westmonasterio. May 19. 1655.

O. P.

Superscript.

*Illustribus atque Amplissimis Dominis,  
Helveticorum Pagorum Protestantium & Confœderatarum  
Civitatum Consulibus ac  
Senatoribus*

SALUTEM.

*Serenissimo Potentissimoque Principi*

**L U D O V I C O**  
Galliæ Regi.

*Serenissime Potentissimeque Rex,*

**E**X Literis Majestatis Vestræ, quibus illa ad meas quinto & vigesimo Maii proximi datas rescribit, facillè intelligo nequaquam fefellisse me eam opinionem, quâ mihi quidem persuasum erat, cædes illas immanissimas, barbaramque eorum hominum stragem, qui Religio-

E

nem



nem Reformatam in *Sabaudia* profitentur, à cohortibus quibusdam vestris factam, neque jussu vestro neque mandato accidisse. Quæ quantum Majestati vestræ displicuerit, id vos vestris militum Tribunis, qui hæc tam inhumana suo solo impetu injussi perpetraverant, ita maturè significasse, deque tanta crudelitate *Ducem* ipsum *Sabaudia* monuisse, pro reducendis denique istis miseris exulibus unde pulsi sunt, vestram omnem gratiam, necessitudinem, auctoritatem tanta cum fide atque humanitate interposuisse, majorem equidem in modum sum lætatus. Ea nempe spes erat, illum Principem voluntati ac precibus Majestatis vestræ aliquid saltem hac in re fuisse concessurum. Verùm cum neque vestro, neque aliorum Principum rogatu atque instantiâ in Miserorum causa quicquam esse impetratum perspiciam, haud alienum ab officio meo duxi, ut hunc nobilem virum extraordinarii nostri Commissarii munere instructum ad *Allobrogum Ducem* mitterem; qui tantæ crudelitatis in ejusdem nobiscum Religionis cultores, idque ipsius Religionis odio adhibita, quo sensu afficiar, uberius eidem exponat. Atque hujus quidem Legationis eo feliciorem exitum speravero, si adhibere denuò & adhuc majore cum instantiâ suam auctoritatem atque operam Majestati Vestræ placuerit, & quemadmodum fideles fore illos inopes dictoque audientes Principi suo ipsa in se recepit, ita velit eorundem incolumitati atque salutì cavere, ne quid iis hujusmodi injuriæ & calamitatis atrocissimæ in-

innocentibus & pacatis deinceps inferatur. Hoc cum in se justum ac verè regium sit, nec non benignitati vestræ atque clementiæ, quæ tot subditos vestros eandem illam Religionem sequentes ubique salvos & incolumes præstat, summè consentaneum, à Majestate Vestra, ut par est, non possumus quin expectemus. Quæ hæc simul operâ, cum universos per sua Regna *Protestantes*, quorum studium erga vos summaque fides maximis in rebus perspecta jam sæpe & cognita est, arctius sibi devinxerit, tum exteris etiam omnibus persuasum reddiderit, nihil ad hoc facinus contulisse Regis consilium, quicquid Ministri Regii atque Præfecti contulerunt. Præsertim si Majestas Vestra poenas ab iis Ducibus ac Ministros debitas repetiverit, qui auctoritate propria, suaque pro libidine tam immania patrare scelera sunt ausi. Interea cum Majestas Vestra factum hoc inhumanissimum, quo dignum est odio, averfari se testetur, non dubito quin miseris illis atque ærumnosis ad vos confugientibus, tutissimum in Regno suo receptum atque perfugium sit præbitura; nec Subditorum suorum cuiquam, ut contra eos *Duci Allobrogum* auxilio adsit, permissura. Extremum illud est, ut Majestatem Vestram, quanti apud me sua amicitia sit, certiores faciam: Cujus rei neque fidem neque fructum ullo tempore defuturum confirmo

*Majestatis Vestræ Studiofissimus*

OLIVERIUS Prot. Reip. Angliæ &c.

*Albâ Aulâ, Julii 29. 1655.*



*Eminentissimo Domino*  
**CARDINALI MAZZARINO.**

*Eminentissime Domine Cardinalis,*

**C**um nobilem hunc virum cum literis, quarum exemplar hic inclusum est, ad Regem mittere necessarium statuissem, tum ei, ut Eminentiam vestram meo nomine saluaret, simul in mandatis dedi, certasque res vobiscum communicandas ejus fidei commisi: Quibus in rebus Eminentiam rogo vestram, uti summam ei fidem habere velit, utpote in quo Ego summam fiduciam reposuerim.

*Eminentia vestra studiosissimus*

**OLIVERIUS** Protector Reipublicæ  
 Angliæ.

*Abâ Aulâ. Julii. 29.*  
 1655.

**OLIVERIUS** Protector Reip.  
 Angliæ

*Serenissimo Principi*

**FREDERICO III.**  
 Daniæ, Norwegiæ &c. Regi

**SALUTEM.**

**Q**uam severo nuper, & inclementi edicto *Allobrugum* Dux *Immanuel* suos ipse Subditos *Alpinarum Vallium* incolas, innoxios homines & religionis cultu purioris jam multis ab sæculis notos ac celebres, religionis causâ finibus patriis exegerit, & occisis permultis, reliquos per illa desertissima loca malis omnibus & miseriis inopes ac nudos exposuerit, & audisse jamdudum arbitramur Majestatem Vestram, & gravissimum ex ea re, prout tantum *Reformatæ Fidei* Defensorem ac Principem decuit, dolorem percepisse. Siquidem pro institutis *Christianæ Religionis* quæ mala atque miseria pars aliqua nostrorum patitur, earum sensu penitus eodem tangi omnes debemus; & sanè omnibus nobis & universo *Protestantium* nomini hujus facti eventus atque exemplum, quid periculi ostendat, nemo Vestrâ Majestate, si nos ejus pietatem atque prudentiam rectè novimus, melius videt. Scripsimus  
 E 3 itaque



itaque libenter, ut quem dolorem ob hanc Fratrum innocentissimorum calamitatem, quam sententiam, quod iudicium de re totâ vestrum esse speramus, idem planè & nostrum esse significemus. Itaque ad *Ducem Sabaudiae* literas dedimus, in quibus uti miseris atque supplicibus parcat, illudque atrox edictum porro esse ratum ne sinat, magnopere ab eo petivimus. Quod si Majestas Vestra, cæterique *Reformatorum* principes fecerint, ut jam fecisse credimus, spes est leniri posse Serenissimi Ducis animum, & hanc iram suam tot saltem vicinorum Principum intercessionem atque instantiam condonaturum; sin perseverare in instituto suo maluerit, paratos nos esse testamur cum Majestate Vestra, cæterisque Religionis Reformatæ sociis eam inire rationem quâ tot miserorum hominum subvenire quamprimum inopiæ, providere salutis ac libertati pro virili parte nostra possimus. Vestræ interea Majestati bona omnia atque laus à Deo Opt. Max. precamur.

*Westmonasterio. Maii*  
1655.

OLI-

OLIVERIUS Protector Reip.  
Angliæ &c.

*Amplissimis Consulibus & Senatoribus Civitatis Genevensis*

SALUTEM.

Summum dolorem nostrum quem ex maximis & inauditis *Protestantium* calamitatibus *Vallès* quâdam *Pedemontanas* incolentium percepimus quos *Allobrogum Dux* tanta crudelitate persequutus est jampridem vobis exposuissimus, nisi id magis operam dedissemus ut eodem tempore intelligeretis tantis eorum miseriis non affici nos solum, verum etiam de sublevandis iis atque solandis, quantum in nobis est prospicere. Quapropter *Elemosynas* per hanc totam *Reipublicam* colligendas curavimus: quas ejusmodi fore haud immeritò expectamus, quæ nationis hujus affectum erga fratres suos tam immania perpeffos demonstrare possint & quemadmodum religionis eadem utrinque communio est, ita sensum quoque eundem calamitatum esse; interea dum pecuniæ collectio maturatur, quod sine spatio temporis fieri nequit, & miserorum istorum egestas atque inopia pati moram non potest, necessarium duximus duo millia librarum Anglicarum quanta fieri potuit celeritate

E 4

præ-



præmittere inter eos distribuenda qui præsentissimâ ope atque solatio indigere maximè videntur. Cum autem nescii non simus innocentissimorum hominum miseriæ atque injuriæ quantopere vos affecerint nec vobis quicquam labori aut molestiæ fore quod illis adjumento atque auxilio esse possit, prædictam pecuniæ summam illis calamitosis curandam ac numerandam ad vos transferre non dubitavimus; idque vobis negotii dare, ut pro vestra pietate ac prudentiâ providere velitis qua ratione æquissimâ quam primum illa pecuniâ egentissimis quibusque distribui queat, ut quamvis summa sane exigua sit, aliquid tamen sit saltem quo illi inopes recreari ac refici in præsens aliquantum possint, donec uberiores iis copiam suppeditare poterimus: vos hanc vobis datam molestiam æqui bonique consulturos esse cum non dubitemus tum etiam Deum Opt. Max. oramus uti populo suo Religionem orthodoxam proficenti det animum sui in commune defendendi, sibi que mutuò opem ferendi contra hostes suos immanissimos; quâ in re nostram quoque operam Ecclesiæ utcunque usui fore lætaremur.

Mille quingentæ Libræ de prædictis bis millibus à *Gerardo Hensh* Parisiis, quingentæ reliquæ per literas à Domino *Stoupio* curabuntur.

Julii 8. 1655.

OLI

OLIVERIUS Protector Reip.  
Angliæ

Serenissimo Principi

VENETIARUM DUCI.

Serenissime Princeps,

Cum rebus vestris omnibus contra hostem præsertim Christiani nominis prospere gestis lætari semper consuevimus, tum & illo navalis prælii novissimo successu nequaquam sanè dolemus, quamvis id aliquo nostrorum cum detrimento accidisse intelligamus. Ostenderunt enim nobis per libellum supplicem Negotiatores Quidam nostri *Gulielmus* & *Daniel Gulielmi* nec non *Edoardus Bealus* navem suam, cui nomen *Princeps magnus*, *Constantinopolim* ab se commercii causâ missam nuper fuisse; eam navem ab aulæ *Turcicæ* ministris ad comitatum & milites in *Cretam* insulam deportandos retentam, dum in illa classe *Turcarum* coacta conavigaret quæ à classe *Venetorum* oppugnata in itinere & superata est, captam & *Venetias* abductam, ab maritimarum causarum judicibus adjudicatam publico fuisse. Cum itaque inscientibus dominis & nullo modo probantibus navis illa *Turcis* operam dare invitiissima coacta sit, seque ex eâ pugnam explicare militibus referta non potuerit, Serenitatem Vestram magnopere

E 5

pere



pere rogamus, ut sententiam illam maritimæ curiæ velit nostræ amicitia condonare, navemque illam suis dominis, de Vestra Republica nullo suo facto malè meritis, restituendam curare. Quâ in re impetranda nobis præsertim petentibus, cum mercatores ipsos de vestra clementiâ benè sperare videamus nos utique de ea dubitare non debemus: qui & præclara vestra consilia remque *Venetam* terrâ marique maxima uti pergat fortunare Deus omnipotens ex animo optamus.

*Serenitatis vestra Venetaque Reip.*

*Staliosissimus*

OLIVERIUS Protector Reipub.  
Angliæ &c.

*Westmonasterio. Decemb.*

1655.

OLIVERIUS Protector Reip.  
Angliæ &c.

*Serenissimo Principi*

LUDOVICO  
Galliarum Regi.

*Serenissime Rex,*

Mercatores aliquot nostrates, quorum nomina sunt *Samuel Mico*, *Gulielmus Coccius*,

*nus*, *Georgius Poynerus*, alique complures per libellum supplicem nobis ostenderunt se anno 1650. in navem quandam, cui insigne *Unicornus* erat, permagnas rationes suas contulisse: eam navem bombyce, oleo aliisque mercibus onustam, quæ, plus minus, triginta quatuor milibus librarum nostrarum ab iisdem æstimata sunt, ab nave prætoriâ, & prætoriâ *Majestatis Vestra* in *Mediterraneo Mari Orientali* oppressam atque captam fuisse: nostros autem illa in navi, propterea quod nobis eo tempore cum *Gallis* illibata pax erat, cum contra naves regias vi se defendere nolissent, promissis *Pauli & Terrorii Navarchorum* inductos, qui velle se nostros dimittere ajebant, prolatis onerum libellis, maritimis legibus paruisse: Mercatores proinde supra dictos procuratorem suum, qui navem illam ac bona restituenda sibi peteret, in *Galliam* misisse: ibi post triennium eoque amplius consumptum, cum ad sententiam de restitutione serendam perventum jam esset, *Cardinalis Mazarini* Eminentiam eorum procuratori *Hugoni Morello* factam mercatoribus istis injuriam agnovisse; datumque iri satisfactionem, ut primùm confirmata pax inter utrumque gentem, foedusque, quod tum agitabatur, confectum atque ratum esset, in se recepisse: immò recentius *Majestatis Vestra* apud nos Legatum Excellentiss. Dominum *de Bordeaux* ex mandato vestro vestrique Concilii, disertis verbis confirmasse, hujus navis atque bonorum peculiari exceptione habitum iri rationem, etiam



etiam seorsim ab iis controversiis, de quibus in commune decidendis ex fœdere provisum est: hujus promissi Legatum ipsum, qui nunc percommode negotiorum quorundam suorum causâ ad vos transieavit, testem esse posse locupletem. Quæ cum ita sint, jusque horum mercatorum in repetendis rebus suis tam præclare constet, à Majestate Vestra majorem in modum petimus, ut in eo obtinendo nulla iis mora diutius afferatur, velitque nostro rogatu has nobis redintegratæ amicitia & instaurati recens fœderis esse primitiâs. Quod & fore confidimus, vobisque fausta omnia vestroque regno à Deo Opt. Max. precamur.

*Majestatis vestrae studiosissimus*

OLIVARIUS Protector Reipub.  
Angliæ &c.

*Westminsterio. Decemb.*

1655.

*Civitatibus*

## HELVETIORUM Euangelicis.

EX vestris ad nos tam actis publicis per Commissarios nostros *Genevâ* transmissis, quàm literis 27. Decembris *Tyburgi* datis, quo in locores vestrae sint, cum non sint optimo, satis superque intelligimus: In quo etsi pacem vestram, tamque diuturnum Sociale fœdus rup-

um

tum dolemus, tamen cum id vestra culpâ nequaquam accidisse appareat, novam hinc vobis ex Adversariorum iniquitate & pertinacia illustrandæ fortitudinis, constantiaque vestrae in *Euangelica* fide jam olim cognita parari rursus materiem confidimus. Nam *Suitenses*, qui Religionem nostram si quis amplectatur, Capitale censent, quid moliantur, quibus hortatoribus tam hostiles Spiritus in *Orthodoxam Religionem* susceperint, latere neminem potest, cui modò indignissima illa fratrum nostrorum in *Pedemontio* facta strages animo nondum excidit. Quapropter, Dilectissimi Amici, quod soletis esse, aspirante Deo fortes estote; jura vestra atque fœdera, immo conscientia libertatem, Religionemque ipsam idolorum cultoribus obculcandam concedere nolite; vosque ita parate ut non propriae duntaxat libertatis atque salutis propugnatores esse videamini, sed ut fratribus quoque vicinis, *Pedemontanis* presertim illis ærumnosissimis, quibus potestis rebus, opitulari atque adesse possitis: hoc certò persuasi per illorum corpora ac necesse ad vestra latera illum nuper aditum fuisse patefactum. De me Scitote, incohumitatem vestram resque prosperas non minùs mihi curæ ac sollicitudini esse quàm si in hac nostra Rep. coortum hoc incendium, quam si in nostras cervices expeditæ *Suitensium* secures illæ (sicuti reverâ sunt in omnes Reformatos) strictique enses essent. Ut primum itaque à vobis de statu rerum vestrarum, & obstinato Hostium animo certiores facti sumus, adhibitis in Con-

E 7.

*Gilius*



filium viris quibusdam honestissimis & Ecclesiæ aliquot Ministris pietate spectatissimis, de subsidio vobis mittendo, quantum quidem rationes nostræ in præsentia ferre possunt, ea decrevimus, quæ Commissarius noster *Pellus* vobiscum communicabit. De cætero vestra omnia consilia causamque imprimis hanc vestram iustissimam sive pace sive Bello tuendam, Deo Opt. Max. fautori commendare non desinimus.

*Vestrarum Amplitudinum ac Dignitatum  
Studiofissimus*

OLIVERIUS Protector Reip.  
Angliæ &c.

*Westmonasterio.  
Jan. 1655.*

OLIVERIUS Protector Reip.  
Angliæ &c.

*Serenissimo Principi*

CAROLO GUSTAVO  
Dei Gratia Suecorum, Gothorum,  
Vandalorumque Regi, Magno  
Principi Finlandiæ &c.

*Serenissime Rex,*

Cum amicorum inter se mutua omnia, tam adversa quam prospera, atque communia de-

debere esse nemo non intelligat, quod jucundissimam amicitiae partem Majestas Vestra, gaudium nempe suum impertitum nobis per suas literas voluerit, non potest id quidem nobis non esse longè gratissimum: quandoquidem & hoc singularis indicium humanitatis Vereque Regia est, ut nec vivere, ita ne gaudere quidem sibi soli velle nisi amicos quoque & foederatos eadem, quâ se, lætitiâ affectos esse sentiat. Itaque Regi tam præstanti & nato esse Filium Principem, quem Paternæ virtutis atque gloriæ speremus hæredem, meritò gaudemus, & idem quod Regi olim fortissimo, *Philippa Macedoni* sive felicitatis sive decoris domi simul & foris contigisse gratulamur: Cui eodem tempore & natus *Alexander* filius, & *Illyricorum* gens potentissima subacta memoratur. Nam & *Polonia Regnum* vestris armis ab imperio *Papano* quasi cornu quoddam avulsum & cum *Duce Brandenburgico* pax piorum votis omnium exoptata, frendentibus licet adversariis, facta, quin ad Ecclesiæ pacem atque fructum permagnum sit momentum habitura non dubitamus. Det modò finem Deus tam præclaris initiis dignum; det modò filium, virtute, pietate, rebusque gestis patri similem: id quod & auguramur sanè & à Deo Opt. Max. tam vestris rebus jam antè propitio, ex animo precamur

*Majestatis Vestrae Studiofissimus*

OLIVERIUS Prot. Reip. Angliæ &c.

*Westmonasterio. Feb. 1655.*

DA.



## D A N I Æ R E G I.

*Serenissime ac Potentissime Princeps,*

Questi sunt per libellum supplicem suo aliorumque mercatorum *Londinensium* nomine nobis exhibitum *Joannes Fremannus & Philippus Travestius* hujus Reip. cives, se circiter mensem *Octobris* 1653. cum in navem quandam *Sunderburgensem*, cui nomen *Salvatori*, *Nicolao Weinshinks* magistro, merces varias, pannum laneum, aliamque vestem textilem ac mercimonia plus tribus millibus librarum aestimata imposuissent, magistro mandasse, ut per *Fretum Balticum* recto cursu *Dantiscum* navigaret utque ad *Elfenoram* vectigal solveret, eique etiam pecuniam ad eam rem curasse: supradictum tamen magistrum perfidiosè, & contrà quàm ipsi à mercatoribus mandatum erat, prætervectum *Elfenoram* nullo portorio soluto *Balticum* pernavigasse. Navisque per hanc causam cum toto onere non sine magno mercatorum damno publicata atque retenta est. Quorum in gratiam jampridem ad Legatum Majestatis vestrae *Londini* tunc temporis commorantem scripsimus; qui, ut ipsi ajunt, pollicitus est, ut primum ad Majestatem vestram reddisset, daturum operam, ut ratio mercatorum haberetur. Verum cum is postea aliis in regionibus à Majestatis Vestrae negotia obiret, & ante discessum ejus & postea frustra se eum adiisse ostendunt; unde procura-

to rem

torem suum mittere coacti sunt, qui jus suum *Hafnia* persequeretur, navemque illam ac bona liberari, sibi que reddi flagitaret: verum exinde nullum se fructum percepisse, nisi ut ad damna vetera novas impensas, & Susceptum frustra laborem adjungerent: cum fisco damnata, & retenta hætenus sint bona, tametsi ex lege *Dania*, quemadmodum ipsi in libello suo demonstrant, magister quidem navis ob suum delictum est ipse puniendus, navisque, non bona, proscriptioni sunt obnoxia: eoque gravius accidisse sibi hoc malum existimant, quòd, sicuti nobis perlatum est, vectigal illud quod *Elfenora*olvere debuisset est admodum exiguum. Quapropter, cum mercatores nostri nullam proscriptioni causam præbuisse videantur, confususque ipse magister paulo ante obitum sit, suo solum delicto illatum hoc mercatoribus detrimentum esse, cumque Pater defuncti jam magistri ipse per libellum supplicem Majestati Vestrae exhibitum, sicuti nos accepimus, culpam omnem in filium suum contulerit, mercatores absolverit, haud sane potuimus quin navis illius bonorumque retentionem iniquissimam esse arbitraremur; adeoque confidimus, simulatque Majestas Vestra hac de re certior facta erit, fore ut non modo has ministrorum suorum injurias improbet, verum etiam ipsos rationem reddere, bonaque illa suis Dominis eorumve procuratoribus quamprimum restitui damnaque inde data sarciri jubeat. Quod & nos à Majestate vestra majorem in modum petimus, utpote rem



rem usque adeo æquam & rationi consentaneam, ut æquiores petere aut expectare in causa tam justa nostrorum civium non posse videamur, haud minus æqua vestris subditis, quoties data occasio erit, reddituri.

*Serenissimo Principi*  
**JOANNI QUARTO**  
*Lusitaniæ &c Regi.*

*Serenissime Rex,*

**Q**Uam pacem & amicitiam cum *Anglicanâ Republicâ* Majestas vestra, Legatione amplissimâ ac splendidissimâ jampridem ad nos missâ, expetivit, eam à Parlamento, quæ tum potestas rebus præfuit, inchoatam, & à nobis summo semper studio exoptatam, Deo imprimis favente, proque eâ quam accepimus Reipublicæ administratione, feliciter tandem confecimus, & in perpetuum, uti spes est, sanximus. Itaque Legatum vestrum extraordinarium Dominum *Joannem Rodericum de Sâa Meneses*, Comitem *Pennaguiadanum*, virum cum Majestatis vestræ judicio comprobatum, tum humanitate, ingenio, prudentiâ, fide præstantissimum à nobis repertum, cum expleti muneris egregiâ laude, & reportatâ secum pace, vobis reddimus. Quod autem per literas secundo die *Aprilis Ulyssipone* datas, Majestas vestra

vestra quanti nos faciat quamque impensè dignitati nostræ faveat, nosque Rempublicam suscepisse gubernandam quantopere lætata sit, haud obscuris indiciis singularis benevolentiae testatur, id vero mihi gratissimum esse, ex meis in Majestatem vestram paratissimis omnino tempore officiis, dabo operam ut faciliè posthac omnes intelligant. Neque segniùs interea pro incolumitate vestrà, vestrique regni felici statu, rerumque prospero successu conceptis ad Deum precibus contendo.

*Majestatis Vestræ Studiosissimus*

**OLIVERIUS** Reipub. Angliæ,  
 Scotiæ, Hybernæ, &c. Protector.

**OLIVERIUS** Protector Reip.  
 Angliæ &c.

*Excelsis & Præpotentibus*  
**FOEDERATI BELGII**  
 Ordinibus  
 S. D.

*Excelsi & Præpotentes Domini, amici charissimi,*

**O**stendunt nobis mercatores quidam, cives nostri *Thomas Busselus*, *Richardus Bearus* alique socii navem quandam suam *Edmundi & Joannis* nomine insignitam dum ab ora *Brasiliæ*



*liana Olyssiponem* contenderet ab navi quadam prædatoria *Flissingensi* cui nomen *Rubro Leoni*, Magister *Lambertus Bartelssonus*, oppugnatam se dedidisse; verum ea lege & pacto ( id quod ipsum *Lamberti* chirographum obsignatum testabitur ) ut navis, & quæcunque in illa fuissent *Anglorum* bona, *Flissingæ* restituerentur: eò cum appulsum est, navem quidem & nauticorum peculia reddita, mercatorum *Anglicorum* bona adempta eorumque autionem statim esse factam: se mercatores nempe quibus hoc damni datum est, cum in foro *Flissingensium* suas res repeterent, iniquissima sententia lata, litrem cum grandibus impensis post quinquennium perdidisse, ab iis nimirum iudicibus adjudicatam, quorum nonnulli cum in illa navi prædatoria suas rationes collatas habuissent; & iudices & adversarii & rei simul erant: nihil jam sibi superesse spei nisi in vestra æquitate & incorrupta fide, ad quam nunc demum confugiunt: eam sibi fore propensiolem existimarunt, si nostra commendatio accessisset. Et hominibus condonandum hoc sane est, si in hac tanta fortunarum suarum dimicatione omnia timentibus, quid ab summa auctoritate atque potentia vestra sibi metuendum, quam quid apud integros præsertim iudices de sua causa sit bene sperandum sæpius in mentem veniat: nos quin religione, iustitiâ, integritate vestrâ potius quam rogatu nostro adducti, quod æquum, quod iustum, quod vobis denique dignum est iudicaturi sitis, non dubitamus. Deus vos vestramque Rempub. ad glo-

gloriam suam, suæque Ecclesiæ præsidium conservet.

OLIVERIUS Protector Reip.  
Angliæ &c.

Westmonasterio. April. 1.  
1656.

OLIVERIUS Protector Reip.  
Angliæ, &c.

Serenissimo Principi

CAROLO GUSTAVO

*Suecorum, Gothorum, Vandalorumque*  
Regi, Magno Principi *Finlandiæ*,  
Duci *Esthoniæ, Careliæ, Bremæ,*  
*Verdæ, Stetini, Pomeraniæ, Cassubiæ*  
& *Vandalia*, Principi *Rugia*, Do-  
mino *Ingriæ, VVissmaria*, necnon  
Comiti *Palatino Rheni, Bavariæ,*  
*Jul. Clivia & Montium Duci* &c.

Serenissime Princeps,

PERfunctus Legatione suâ apud nos *Petrus Iulius Coiectus*, atque ita perfunctus ut suâ debitâ laude non inornatus à nobis dimittendus sit, ad Majestatem vestram revertitur. Fuit enim



enim cum vestro præcipue nomine, quod iure apud nos plurimi esse debet, nobis gratissimus, tum suo etiam merito, suo nempe munere diligentissimè obito, haud parum acceptus. Quam igitur commendationem vestram de eo accepimus, eam ( siquid ad eam accedere testimonio ullo potest ) & ab ipso impletam, & à vobis meritissimè datam, libentes utique testamur: quemadmodum & is poterit nostrum erga Majestatem Vestram singulare studium & observantiam, eadem fide atque integritate ad vos referre, verissimeque exponere. Extremum illud est ut Majestati vestræ felicitatem omnem victoriarumque cursum contra omnes Hostes Ecclesiæ perpetuum, à Deo Opt. Maximoque optemus.

*Majestatis Vestræ Studiofissimus*

OLIVERIUS Protector Reip.  
Angliæ &c.

*Westmonasterio. April. 17.  
1656.*

OLI.

OLIVERIUS Protector Reip.  
Angliæ &c.

*Serenissimo ac Potentissimo Principi*

LUDOVICO

Galliæ Regi.

S. D.

*Serenissime Princeps,*

**A** Dierunt ad nos per libellum supplicem, *Joannes Dethic* urbis *Londini* in hunc annum præfectus, & *Gulielmus Wakefield* Mercator, conquesti, se anno 1649. *calendas* circiter *Octob.* navem quandam cui nomen *Jona Londinensi*, *Jona* quoque cognomento *Lightbaghe* Magistro, suis mercibus, quæ *Ostendam* mitterentur, onerasse: eam navem à prædone quodam *Barkingensi*, cui nomen *White* ( is filii Regis *Caroli* defuncti nomine piraticam faciebat ) in ipso *Thamesis* ostio oppressam atque inde *Dunkirkam*, quæ eo tempore in ditione *Gallorum* erat, fuisse abductam; cum autem edicto Majestatis Vestræ an. 1647. & an. rursus 1649. aliquot etiam consilii Regii decretis, in gratiam *Parlamenti Anglicani*, cautum esse intelligerent; ne naves ullæ aut merces, illius belli tempore, quoquo obtentu *Anglis* ereptæ, in Majestatis Vestræ portus quoscunque asportarentur, venalesve essent,



essent, misisse se statim *Dunkirkam* procuratorem suum *Hagonem Morellum* negotiatorem, qui à Domino *Lestrado* illius oppidi per id tempus praefecto, reddi sibi suam navem cum mercibus postularet, cum eas praesertim magnâ ex parte adhuc integras, neque dum permutatas aut divenditas, in ipso oppido deprehendisset: respondit Praefectus, se Regis *Galliae* dono, ob navatam Reipub. operam, praefecturam eam accepisse; curaturum proinde, uti ea sibi pretium operæ sit. Hoc responso frustratus, post magnum cum temporis tum pecuniæ dispendium, procurator domum revertitur. Petitores, quæ restat sibi spes, eam in vestra sola clementiâ atque iustitiâ repositam esse vident; ad quam per nostras literas faciliorem sibi aditum fore crediderunt: ea ne desit hominibus contra jus omne, & repetitâ vestrâ interdictâ spoliatis, rogamus. Quod tamen si impetrabimus, quandoquidem hoc sanè æquissimum videtur, ab insitâ æquitate vestrâ, potius quam rogatu nostro, impetratum id esse statuemus.

*Majestatis Vestrae Studiofissimus*

OLIVERIUS Protector Reip.  
Angliæ &c.

*Westmonasterio. Maii*  
1656.

OLIVERIUS Protector Reip.  
Angliæ &c.

*Excelsis & Præpotentibus Dominis*

FOEDERATI BELGII  
Ordinibus

S. D.

*Excelsi & præpotentes Domini, amici*  
*charissimi,*

**D**emonstrarunt nobis per libellum supplicem *Joannes Brunus*, *Nicolaus Gulielmus*, alii-que *Londinenses*, se, cum in navem, cui *Bona Esperantia* *Londinensi* nomen inditum erat, in *Orientalem Indiam* navigaturam, sortem quisque suam contulisset, procuratori suo negotium dedisse *Februario* mense 1644. ut bis mille quadringentas libras *Belgicas* ad illius navis periculum præstandum *Amsterdam* curaret: ea navis cum in itinere ad oram ipsam *Indiæ* ab *Hollandica* quadam, quæ ex navibus *Orientalis* illius societatis erat, capta esset; qui præstando periculo se obligaverant pactam pecuniam numerare recusasse; & sextum jam annum posse nostros, qui summa cum assiduitate maximisque impensis jus suum persecuti sunt, dilationibus variis eludere. Quod cum petitoribus grave admodum atque iniquum videatur, & nonnulli

F

cx



ex iis qui se obligarunt vel jam diem obierint vel solvendo non sint, nequid fortè ad priora damna summi discriminis accedat, magnopere à vobis petimus, ut per tot annos in foro iactatis ac proprè naufragis istis vestram æquitatem portum esse atque perfugium velitis; utque de causa sua, quam illi iustissimam esse confidunt, primo quoque tempore iudicium fiat. Vobis interim omnia ad Dei gloriam Ecclesiæque præsidium faustè atque feliciter evenire volumus.

*Excelsarum & præpotentium Dominationum vestrarum Studiofissimus*

OLIVERIUS Protector Reipub.  
Angliæ, &c.

*Westmonasterio. Maii*  
1656.

OLIVERIUS Protector Reip.  
Angliæ &c.

*Excelsis & Præpotentibus Dominis*  
**FOEDERATI BELGII**  
Ordinibus

S. D.

*Excelsi & Præpotentes Domini, amici*  
*charissimi,*

**C**onqueruntur apud nos graviter iidem, de quibus antea circa idus Septemb. superioris anni

anni literas ad vos dedimus, *Thomas & Gulielmus Lower* defuncti *Nicolai Lower* hæredes legitimi, se adversariorum suorum sive gratiæ sive opibus oppressos, quamvis causa sua imprimis optima, & cum id satis non esset, litteris etiam nostris ter deinceps commendari fuissent, impetrare hæctenus nullo modo posse ut relictam testamenti hæreditatem adire sibi liceat: Ab *Hollandia* foro ubi primum actio instituta erat *velandiam* ad Curiam rejeçti; inde in *Zelandiam* transmissi, (quæ tria in loca totidem nostras literas attulerunt) ab *Zelandia* nunc rursus ad vestrum summum iudicium haud inviti remittuntur: ubi enim potestas summa est, ibi æquitatem quoque summam esse sperant: si ea spes fallat, elusi atque irriti, post hanc tantam juris obtinendi causâ concursationem suam, quem demum consistendi locum habituri sint, nesciunt: nam de literis nostris, si his jam quartis nos viderint nihil proficere, non est ut in posterum quicquam sibi polliceantur. Nobis certe gratissimum erit si post tot rejectiones, facto sine mora iudicio, hæredes plurimum quidem in æquitate atque iustitiâ vestrâ, aliquid etiam in auctoritate apud vos nostrâ præsidii sibi fuisse intellexerint. Quorum de altero non dubitamus, alterum vel amicitie nostræ daturos vos esse confidimus.

*Excelsarum & Præpotentium Dominationum*  
*Vestrarum Studiofissimus*

OLIVERIUS Prot. Reip. Angliæ &c.  
*Westmonasterio. Maii 1656.*



OLIVERIUS Protector Reip.  
Angliæ &c.

*Serenissimo Principi*

J O A N N I  
Lusitaniæ Regi.

*Serenissime Rex,*

Cum mercatoribus quibusdam *Anglis* à nonnullis mercatoribus *Lusitanis* ex societate *Brasiliensis* vecturæ commorationisque nomine *An. 1649. & 1650.* grandis pecunia debeatur, quæ pecunia à supradictâ societate jussu Majestatis Vestræ retinetur, expectabant quidem dicti mercatores uti ea pecunia ex conditionibus proximi fœderis jampridem sibi numerata esset. Verum ne amputetur sibi spes omnis ac ratio recuperandi sua debita verentur, ex quo intelligunt statuisse Majestatem Vestram ut quam pecuniam *Brasiliensis* societas ipsis debuisset, in ararium vestrum inferretur, utque portorii dimidia pars solvendis iis debitis impenderetur, atque hoc pacto mercatores legitimum duntaxat lucrum, sive fœnus pecuniæ suæ accepturi essent; ipsâ sorte interim funditus intereunte. Quod nos nobiscum reputantes quam durum sit, eorumque justissimis precibus victi, has nostras ad Majestatem vestram literas ipsis concessi-

cessimus: hoc potissimum à vobis postulantes uti præstandum curetis, ut supradicta societas *Brasiliensis* hujus Reipub. Mercatoribus quamprimum satisfaciât tam de summâ pecuniæ cuique eorum debitâ, quam de fœnore quinquenniali: cum hoc & per se justum sit, & fœderi nuper vobiscum inito consentaneum: quod & nos eorum nomine à Majestate Vestra peramicè petimus.

*Majestatis Vestræ Studiofissimè*

OLIVERIUS, Protector Reip.  
Angliæ &c.

*Ex Palatio Nostro Westmonasterio.  
die Julii 1656.*

OLIVERIUS Protector Reip.  
Angliæ &c.

*Serenissimo Principi*

C A R O L O G U S T A V O

*Suecorum, Gothorum, Vandalorumque Regi &c.*

*Serenissime Rex,*

Cum amicitiam Majestatis Vestræ tanti Principis, rebusque gestis tam clari meritò plurimi faciamus, tum is cujus operâ fœdus inter nos ætissimum sancitum est, Illustrissimus Dominus



minus *Christiernus Bondus* Legatus Vester Extraordinarius necesse est gratus nobis & commendabilis hoc nomine imprimis fuerit. Hunc itaque hac Legatione laudatissimè perfunctum non sine summa cæterarum etiam virtutum egregiarum laude ad vos dimittendum censuimus : ut qui antea in pretio apud vos atque honore fuit nunc ubiores assiduitatis atque prudentiæ suæ fructus ex hac nostra commendatione percepisse se sentiat. Quæ reliqua transigenda sunt, de iis Legationem brevi mittendam ad Majestatem Vestram decrevimus : quam interim Deus incolumem defendendæ Ecclesiæ suæ Reique Suetiæ columen conserve.

*Majestatis Vestræ Studiofissimus*

OLIVERIUS Protector Reipub.  
Angliæ &c.

*Ex Palatio nostro Westmonasterii.  
Julii An. Dom. 1656.*

OLIVERIUS Prot. Reip. Angliæ &c.

*Serenissimo Principi*

L U D O V I C O

Galliæ Regi.

S. D.

*Serenissime Rex, Amice ac Fœderate charissime,*

**D**Eiulerunt ad nos per libellum supplicem Mercatores quidam *Londinenses* *Richardus Baker*

*Baker* ejusque socii, navem quandam Anglicanam ab se conductam cui nomen vernaculum *The Endeavour* Magister *Gulielmus Joppus*, trecentis atque tredecim vini optimi culeis ex *Tenariffa Insula Londinum* advehendis onustam, dum inter *Palmam* & supradictam *Insulam* cursum teneret, à quatuor navibus *Gallicis*, in speciem quidem onerariis, sed prædatorium in modum armatis, quibus *Ægidius de la Roche* Navarchus erat, primo ac vigesimo *Novembris die An. Dom. 1655.* occupatam fuisse, atque in *Orientalem Indiam*, quo is iter sibi esse prædicabat, cum omni onere ac plerisque nautarum abductam; reliquis quatuordecim ad *Guineam Nigritarum* in litus quoddam expositis. Quod eo consilio *Ægidius* fecisse se dictitabat, nequis eorum ex terram longinqua & inhumana forte elapsus testimonio læderet. Fatebatur enim, se neque mandatis instructum, ut *Anglorum* naves caperet, neque alias quas poterat antea cepisse, ut propterea quod inter *Gallos* nostramque *Remp.* per eos ipsos dies convenisse pacem non ignorabat: sed cum in *Portugallia* constitutum sibi esset commeatus accipere, & ab adversis ventis rejectus attingere ea loca non potuisset, coactum se, ad supplendum quæ opus sibi essent, iis uti quæ in ista nave reperisset: credere se proinde, illarum navium dominos de damno satisfacturos. Damnum autem constat supra sedecim mille libras Anglicas, id quod ex juratis testibus facile apparebit, Mercatoribus nostris datum. Verum si tam levibus de causis temerare acta



principum religiosissima & quasi ludibrio habere negotiatoribus quibuscumque ob sua commodum licuerit, concidet profecto omnis posthac fœderum sanctitas, omnis Principum fides atque autoritas obsolescet, proque nihilo habebitur. Quapropter non rogamus tantum, sed Majestatis Vestræ quàm maximè interesse arbitramur, ut qui Regis sui fœdus, jusque jurandum sanctissimum primi omnium tam facile violare sunt ausi, quamprimum dent poenas tantæ perfidiæ atque audaciæ debitas; utque illarum interea navium Domini de damno, etiam ipso suorum præjudicio, mercatoribus nostris summam per injuriam illato, satisfaciant. Deus Majestatem Vestram diutissimè conserveat, Remque *Gallicam* contra communem utriusque nostrum hostem tueatur atque sustineat.

*Majestatis Vestræ Studiosissimus*

OLIVERIUS Protector Reipub.

*Ex Palatio nostro Westmonasterii.*

*die Augusti An. Dom. 1656.*

OLIVERIUS Protector Reip.  
Angliæ

*Eminentissimo Domino*

CARDINALI MAZZARINO.

*Eminentissime Domine,*

Cum dandæ mihi literæ ad Regem essent, eandem quoque ad Eminentiam vestram scri-

scribendi occasionem arbitrabar mihi oblatam: cujus enim unius viri prudentia singularis *Gallicarum* res maximas, summaque Regni negotia pari fide, consilio, ac vigilantia moderatur, cum celari qua de re scriberem non convenire existimabam. Fœdus enim à vobis, quod dubitare nefas esset, sanctissime percussum, eodem penè die spretum ac violatum à *Gallo* quodam *Ægidio* quatuor navium præfecto ejusque sociis nequaquam inscientibus querimur: quemadmodum & ex literis nostris ad Regem datis, & ipsi mercatorum nostrorum postulatis facile poterit cognoscere Eminentia vestra; quam præter ceteros non fugit, quanti non magistratum duntaxat, verum etiam ipsius Regiæ Majestatis intersit violatores fœderum primos eos severius puniri. Verum illi fortasse, quo tendebant, in *Orientelem Indiam* jam nunc appulsi, nostrorum bona contra jus omne atque fidem in recentissimo fœdere erepta, veluti prædam ab hostibus captam sibi habent. Illud est interea quod Eminentiam Vestram rogamus, ut quæ ab navium præfecto, tanquam itineri suo necessaria, nostris ablata sunt, ea ab illarum navium Dominis, id quod ipsi prædatores æquum esse censebant restituantur: qua in re Vestram Eminentiam, qua valet autoritate, plurimum posse intelligimus.

*Eminentia Vestra Studiosissimus*

OLIVERIUS Prot. Reip. Angliæ &c.

*Ex Palatio nostro Westmonasterii.*

*die Augusti An. Dom. 1656.*

F 3

OLB



OLIVERIUS Protector Reip.  
Angliæ &c.

Excelsis & Præpotentibus Dominis

FOEDERATI BELGII  
Ordinibus

S D.

Excelsi & Præpotentes Domini, amici ac  
Fœderati charissimi.

**N**on dubitamus nos quidem quin omnes  
testimonium hoc nobis perhibitori sint,  
nullas in contrahendis externis amicitias rationes  
defendendâ Religionis veritate potiores unquam  
nobis fuisse, nec conjungendis eorum animis,  
qui *Protestantium* vel amici ac defensores, vel  
saltem non hostes essent, antiquius nos quic-  
quam habuisse. Quo graviore animi dolore  
commovemur, quoties annuntiarum est, *Pro-*  
*testantium* Principes ac Civitates quæ sibi mutuo  
amicissimæ summæque concordæ esse deberent,  
suspectos inter se esse & non optimè animatos;  
vos præsertim Regemque *Sueciæ*, quibus fortio-  
res *Orthodoxa* fides defensores non habet, neque  
socios nostra *Respub.* sibi conjunctiores, videri  
non æquè ac consuevistis vobis invicem confide-  
re, immo indicia quædam vel nascentis inter  
vos

vos diffidii, vel vacillantis amicitie haud ob-  
scura apparere. Causæ quæ fuerint utrinque, &  
usque quo progressa animorum alienatio sit,  
ignotum esse nobis profitemur: veruntamen  
haud potuimus quin gravem sanè molestiam  
animo caperemus ex ipsis initiis vel minimæ  
dissensionis inter fratres coortæ, ex qua tantum  
creari *Protestantium* rebus discrimen necesse sit;  
quæque si ingravesceret (quod Deus ne sive-  
rit) quantum inde *Reformatis Ecclesiis* pericu-  
lum impenderet, quanta triumphandi materies  
inimicis nostris, & *Hispanis* potissimum daretur,  
latere vestram prudentiam usumque rerum  
solertissimum non potest. *Hispano* certe, tan-  
tum hinc fiduciæ tantum spiritus accessit, ut non  
dubitaverit per Legatum suum apud vos com-  
morantem, sua vobis consilia, idque de summa  
*Reip.* vestræ audacissimè obtrudere: & partim  
injecto renovandi belli metu terrere, partim  
ostentatâ utilitatis falsâ specie sollicitare vestros  
animos est ausus, ut relictis ejus hortatu amicis  
vetustis ac fidelissimis, *Gallo*, *Anglo*, atque  
*Sueco*, arctissimam cum hoste ac tyranno quon-  
dam vestro, pacato nunc scilicet, &, quod  
maxime metuendum est, blandiente, coire  
societatem velleretis. Sane qui ex hoste invetera-  
tissimo, arreptâ tam levi occasione pro consi-  
liario repente vestro se gerit, quid est quod iste  
sibi non sumeret, quò non audaciæ progredere-  
tur, si cernere id semel oculis posset quod nunc  
animo duntaxat concipit atque molitur, discor-  
diam nempe inter *Protestantes* ac bellum intesti-



num. Nescii non sumus, vos, pro sapientia vestra, qui sit *Europa* universae status, quae *Protestantium* praesertim conditio saepius cum animis vestris cogitare; *Helvetiorum* Pagos *Orthodoxam* fidem sequentes novorum motuum à popularibus suis fidem *Papae* sequentibus jam jamque ciendorum expectatione suspensos teneri, ex eo vix dum bello emerfos quod Religionis planè causâ ab *Hispano*, qui hostibus eorum & duces dederat & pecuniam suppeditaverat, conflatum est atque accensum; *Vallium Alpinarum* incolis consilia *Hispanorum* eandem rursus machinari eadem atque perniciem quam superiore anno crudelissimè intulerunt; *Protestantes Germanos* sub ditione *Cæsaris* gravissimè vexari, sedesque Patrias agrè retinere; Regem *Sueciae* quem Deus, uti speramus, fortissimum religionis *Orthodoxae* propugnatorem excitavit, cum potentissimis Reformatae fidei hostibus bellum anceps atque asperrimum totis regni viribus gerere; vestris *Provinciis* infesta vicinorum *Papistarum*, quorum princeps *Hispanus* est, nuper ista foedera minitari; nos denique indicto *Hispanorum* Regi bello esse occupatos. In hac rerum inclinatione si qua inter vos Regemque *Sueciae* discordia existeret, *Reformatarum* tota *Europa Ecclesiarum* quam miseranda conditio esset quae immanium hostium crudelitati ac furori objicerentur? Hæc nos cura haud leviter tangit; eundemque vestrum esse sensum confidimus, proque vestro in communi *Protestantium* causa præclaro semper studio, utque pax inter fratres eandem

dem fidem eandem spem sequentes intemerata fervetur, vos, vestra consilia ad has rationes esse accommodaturos, quæ cæteris quibuscunque anteponendæ sunt, nec quod paci inter vos *Sueciae* Regem stabiliendæ possit conducere, quicquam esse omissuros. Qua in re si nos usus ullius esse possumus, quantum apud vos vel autoritate vel gratiâ valemus, nostram vobis operam libentissimè profitemur, *Sueciae* quoque Regi eandem deferre paratissimi, ad quem etiam Legationem quamprimum mittere in animo habemus, quæ hac de re quid nostræ sententiæ sit, exponat. Deumque vestros utrinque animos ad moderata consilia flexurum esse speramus, vosque cohibiturum, nequid ab alterutra parte fiat quod irritare possit, remque ad extrema deducere: sed ut contrà, pars utraque remove velit quicquid alterutri offensum aut suspiciosum esse queat. Id si feceritis, & hostes frustabimini, & amicis solatio eritis, & vestrae denique salutis *Reipubl.* quàm optimè prospicietis. Hoc etiam uti persuasissimum sit vobis rogamus, daturus nos esse operam, quoties facultas oblata erit, uti nostrum erga *Fæderatas Belgii Provincias* summum studium benevolentiaque appareat. Deum proinde assiduis precibus obtestamur, ut vestram *Remp.* pace, opibus, libertate, atque imprimis *Christiana* fidei amore ac vero cultu florentissimam conservare perpetuò velit.

*Vestrarum Celsitudinum Potentium Studios.*

OLIVERTUS Prot. Reip. Angliæ &c.  
Ex Palatio nostro Westmon. die Aug. 1656.



OLIVERIUS Protector Reip.  
Angliæ &c.

*Serenissimo Principi*

J O A N N I  
Lusitaniæ Regi

S. D.

*Serenissime Rex,*

**D**ie undecimo *Julii* proximi stylo veteri sanctionem pacis à Majestate Vestra jam ratæ, à Legato vestro Extraordinario *Londini* tractatæ, nec non arcanorum & præliminarium articulorum per *Thomam Maynardum* accepimus: perque literas à *Philippo Meadow* nostro *Olyssiponi* Internuntio eodem tempore datas, nostram etiam dictæ pacis & articulorum sanctionem, pro iis mandatis quæ à nobis eâ de re acceperat, Majestati Vestræ ab ipso redditam intelligimus: cum supradicta sanctionis instrumenta incunte *Junio* proximo vicissim data acceptaque fuissent, adeo ut nunc inter utramque gentem pax firmissima sancita sit. Quâ ex pace nos quidem voluptatem haud mediocrem percipimus; propterea quod eam & communi utriusque gentis utilitati fore arbitramur, hostiumque communium haud levi detrimento: qui ut prioris fœderis turbandi rationem aliquam

quam primò invenerunt, ita nunc ne idem instaurari fœdus posset, intentatum nihil reliquerunt. Neque dubium nobis est quin suspicionum utrinque offensionumque inter nos materiam creandi occasionem nullam prætermitturi sint. Quas nos quidem, quantum in nobis est, quam longissimè amovere animo nostro ita constanter decrevimus, immo ut majorem indies mutuam fiduciam hæc nostra pariat necessitudo, tam vehementer cupimus, ut eos pro hostibus habituri simus, qui ullis artibus amicitiam nostram imminuere conabuntur inter nos nostrosque populos hac pace stabilitam; eundemque esse Majestatis Vestræ animum ac voluntatem facile nobis persuademus: Cumque placuerit Majestati Vestræ suis in literis ad nos *quarto & vigesimo Junii stylo novo* datis, & diebus aliquot post instrumentum confirmatæ pacis datum atque acceptum nostro Internuntio traditis, clausularum quarundam hujus fœderis mentionem facere quas aliquantum immutatas velit, ut quæ huic *Reipublicæ*, quemadmodum Majestas Vestra censet, levis admodum sint momenti, *Portugalliæ* Regno maximi, peculiari tractatione agere iis de rebus quæ à Majestate Vestra proponuntur, & si quid præterea fœderi stabilendo vel etiam arctius obstringendo conducere alterutri parti videbitur, parati erimus: in qua Majestatis Vestræ, sui que populi haud secus atque nostri, ut utrisque æquè satisfiat, rationem habebimus: atque hæc omnia *Olyssiponi an Londini* agitando ac transigenda sint, vestra



optio erit. Verum hoc foedere jam rato, signisque gentis utriusque ritè obsignato, dato denique vicissim atque accepto, immutare partem ejus ullam idem esset atque totum rescindere; quod Majestatem Vestram minimè velle pro certo habemus. Majestati Vestrae fausta omnia ac prospera exoptamus.

*Majestatis Vestrae Studiosissimus*

OLIVERIUS Protector Reip.  
Angliæ &c.

*Ex Palatio nostro Westmonasterii.  
Augusti die 1656.*

OLIVERIUS Protector Reip.  
Angliæ &c.

*Serenissimo Principi*

J O A N N I  
Lusitaniæ Regi

S. D.

*Serenissime Rex,*

**P**erlatum ad nos est facinus illud inhumanum ac nefarium, quo cædes *Philippi Mendowei* Internuntii apud vos nostri, transigendæ pacis causâ à nobis missi attentata est: cujus atrocitas tanta fuit, ut Divino plane Numini atque tutelæ  
ejus

ejus conservatio attribuenda sit. Nosque ex literis Majestatis Vestrae *sexto & vigesimo Maii* proximi ad nos datis, perque *Thomam Maynardum* nobis redditis, permotam facti indignitate Majestatem Vestram de authoribus jussisse quæri intelligimus, ut supplicium de iis, pro eo ac meriti sunt, sumatur. Verum comprehensos esse ullos ex iis, aut jussa vestra hac in parte quicquam effecisse nondum accepimus. Quapropter nostrum esse duximus palam significare, tentatum illud facinus barbarum, & partim commissum quàm indignè feramus: atque adeo à Majestate Vestra postulamus, ut ab illius facinoris, authoribus, sociis, administris supplicium debitum reperatur: Et quo hoc maturius fiat, ut honestissimi integerrimique viri, quique gentis utriusque paci quàm maximè student, huic quæstioni præfiantur, quo res penitus investigari, tamque in authores sceleris quam in ministros severius animadverti possit. Id nisi fiat, neque Majestatis Vestrae justitia, neque nostra hujusque Reipub. existimatio vindicari, neque conservandæ inter utramque gentem amicitia ulla ratio firma esse poterit. Majestati Vestrae felicia faustaque omnia precamur.

*Majestatis Vestrae Studiosissimus*

OLIVERIUS Protector Reipub.  
Angliæ &c.

*Ex Palatio nostro Westmonasterii.  
Aug. die 1656.*



OLIVERIUS Protector Reip.  
Angliæ &c.

*Illustrissimo Domino*

COMITI MIRANO

S. D.

*Illustrissime Domine,*

Singulare tuum erga me atque hanc Rempub. studium haud mediocriter nos demeruit, tibi-  
bique devinxit: id vestris ex literis 25. Junii  
proximi ad me scriptis facile perspexi, tum  
etiam ex iis quas ab Internuntio nostro Philippo  
*Meadow* conficiendæ pacis causâ ad *Lusitaniam*  
Regem à nobis missio, accepi: quibus is de exi-  
mio vestro studio atque opera in hac pace transi-  
genda abundè nos docuit: hujus novissimam  
sanctionem & accepi libentissimè, mihi-  
perfuadeo fore, ut neque collatæ in hanc pacem  
operæ tuæ, neque in *Anglos* benevolentia,  
neque fidei erga Regem hac in re spectatæ un-  
quam te pœniteat: quandoquidem, annuente  
Deo, sperandum est, hanc pacem & utrique  
genti permagna immolumenta, & hostibus  
incommoda haud exigua esse allaturam. Quod  
solum in hoc negotio triste atque infauftum ac-  
cidit, fuit illud facinus in Internuntium no-  
strum *Philippum Meadows* nefariè susceptum  
atque

atque tentatum: Cujus in occultos auctores  
haud segnius inquiri oportuit quam in mani-  
festos sceleris ministros: neque de Regis vestri  
justitia ac severitate in tanto scelere puniendâ  
neque de tuâ cum primis ad eam rem operâ, ut  
qui fas piûmque colas, & pacis inter utramque  
nationem studiosus fueris dubitare possum: quæ  
quidem stare nullo modo potest, si facta hujus-  
modi nefaria impunita atque inulta ibunt. Ve-  
rùm tua facinoris illius nota detestatio facit ut  
necesse mihi non sit plura de hac re in præsentia  
dicere. Cum itaque de meâ erga te benevolen-  
tiâ quam & rebus omnibus demonstrare para-  
tissimus ero, certior te fecerim, extremum  
illud est, ut te tuaque omnia Divinæ benignitati  
ac tuæ à me scias esse commendatissima.

*Amplitudinis Vestræ Studiosissimus*

OLIVERIUS Prot. Reip. Angliæ &c.

*Ex Palatio nostro Westmon. Aug. die 1656.*

OLIVERIUS Protector Reip.  
Angliæ &c.

*Serenissimo Principi*

CAROLO GUSTAVO

*Suecorum, Gothorum, Vandalorumque Regi, &c.*

*Serenissime Rex, amici ac Fæderate charissime,*

Cum eundem nobiscum animum, idem  
consilium in Majestate Vestrâ inesse anim-  
adver-



advertam, *Protestantium* fidei defendendæ contra hostes ejus, hoc tempore, si unquam alias, infestissimos, unde est quod tam prosperis successibus vestris victoriarumque nuntiis penè quotidie lætemur, tum illud sanè vehementer doleo, quod unum lætitiæ hanc nostram turbat atque corrumpit, perferri ad nos, inter læta cætera, vestram cum *Fæderatis Belgii Provinciis* amicitiam pristinam non satis constare; remque eo deductam inter vos, in mari præsertim *Baltico*, ut ad discordiam spectare videatur. Cujus causas quidem ignorare me fateor, eventum certe (nisi Deus avertat) *Protestantium* summæ rei periculosissimum fore facile perspicio. Quapropter pro illâ arctissimâ necessitudine quæ cum utrisque vestrum nobis intercedit, proque eo, quo duci omnes imprimis debemus, Religionis Reformatæ studio atque amore, nostrum esse censuimus, quemadmodum *Fæderatos Belgii Ordines* ad pacem & æquanimitatem magnopere hortati sumus, ita nunc Majestatem Vestram hortari. Satis superque hostium *Protestantibus* ubique est: nunquam acrioribus odiis inflammati conspirasse in exitium nostrum undique videntur. Testes *Alpina Valles* haud ita pridem miserorum cæde ac sanguine redundantes; testis *Austria* edictis nuper & proscriptionibus *Cæsariis* concussa; testis *Helvetia*; quid enim attinet pluribus verbis tot calamitatum recentium memoriam luctumque revocare? Hæc omnia loca quis nescit *Hispanorum* & *Romani Pontificis* consilia incendiis, cladibus, vexationibus

tionibus Orthodoxorum per hoc biennium miscuisse. Si ad hæc tot mala *Protestantium* Fratrum inter se dissensio accesserit, inter vos præsertim quorum in virtute, opibus, constantia præsidium, *Ecclesiis Reformatis* constitutum est maximum, quantum humanæ opis est, periclitari Religionem ipsam Reformatam, atque in summo discrimine versari necesse erit. Quod contra, si univsum *Protestantium* nomen eâ quâ decet inter se fraternâ consensione perpetuam pacem coluerit, nihil omnino erit quod pertimescamus quid hostium vel artes vel vires incommodare nobis possint; quos sola nostra concordia vel propulsabit vel frustrabitur. Quapropter Majestatem Vestram majorem in modum oro atque obsecro, ut ad confirmandam cum *Fæderatis Provinciis* amicitiam pristinam, si qua in parte collapsa est aut imminuta, propensum atque benignum animum afferre velit. Siquid est in quo mea opera, fides, diligentia ad compositionem usui esse possit, eam omnem vobis profiteor atque deffero: Deus modò aspiret, faustumque esse jubeat, quod cum summâ felicitate cursuque perpetuo rerum prosperarum Majestati Vestræ exopto.

Majestatis Vestræ Studiosissimus

OLIVERIUS Protector Reipub.  
Angliæ &c.

Ex Palatio nostro Westmonasterii.  
die Aug. 1656.



OLIVERIUS Protector Reip.  
Anglia, &c.

ORDINIBUS HOLLANDIAE.

Excelsi & Præpotentes Domini, amici  
charissimi,

**D**Emonstratum est nobis à Gulielmo Coopero  
Pastore Londinensi, civique nostro, Joannem  
le Maire Amsterodamensem Socerum suum,  
ante annos circiter triginta tres rationem quan-  
dam excogitasse, qua Reip. vestrae reditus, sine  
ullo populi onere, multo auctiores fierent; fa-  
ctaque cum Joanne van den Brook Societate par-  
tiendi inter se præmii quod ex illo invento suo  
reportassent, id autem erat parvi Sigilli in Pro-  
vinciis constitutio, ob hoc Celsitudines Vestrae  
Præpotentes supradicto van den Brook ejusque  
posteris tria millia Geldricorum (quæ trecentas  
libras valent) in singulos annos pensitanda spo-  
pondisse: jam verò, etsi inventa illa parvi sigilli  
ratio facilis admodum & expedita reperta est,  
magnosque ex eo tempore reditus Celsitudinibus  
Præpotentibus vestris, nonnullisque vestris Pro-  
vinciis retulit, tamen ad hodiernam usque diem,  
quamvis multâ sollicitatione petiit, illius pa-  
cti præmii nihil dum adnumeratum esse: unde  
postquam supradictis van den Brook & le Maire  
longarum dilationum pertæsum est, actionem  
illam

illam in supradictum Gulielmum Cooperum civem  
nostrum jure esse translata: qui cum fructum  
industriæ Soceri sui percipere cupiat, ad nos per  
libellum supplicem se contulit, ut hanc ejus po-  
stulationem Celsitudinibus vestris Præpotentibus  
commendare vellemus; quod ei non esse dene-  
gandum censuimus. Quapropter Celsitudinis Ve-  
stræ Præpotentes amice rogamus, uti petiti-  
onem supradicti Gulielmi Cooperi ea de re benignè  
audire velit, pactumque industriæ præmium  
atque stipendium tam justum, & pro numero  
tot annorum præteritorum & annua deinceps  
pensione solvendum curare. Quod cum non  
dubitemus quin Celsitudines Vestrae Præpotentes  
libenter facturæ sint, utpote & justum & mu-  
nificentia vestra dignum, parati & nos vicissim  
erimus, vestris quoque popularibus in postu-  
latis suis, quoties nobis edentur, æquè propenso  
animo favere.

Vestrarum Celsitudinum Præpotentium  
Studiofissimus

OLIVERIUS Protector Reip.  
Angliae &c.

Ex Palatio nostro Westmonasterii.  
die Septemb. An. Dom. 1656.



OLIVERIUS Protector Reip.  
Angliæ &c.

*Serenissimo Principi*

LUDOVICO  
Galliæ Regi.

*Serenissime Rex, amice ac Fæderate charissime,*

**I**Nviti facimus ut Majestatem Vestram de suorum injuriis post pacem instauratam toties interpellemus: verum & vos factas nolle confidimus, & nos nostrorum querimoniis deesse non possumus. Naxem *Antonium Diepensem* ante fœdus jure captam, ex Judicum sententia Curia nostræ maritimæ præsidentium facile constat. Ejus prædæ partem quatuor millia plus minus coriorum *Robertus Brunus* Mercator *Londinensis* ab iis qui auctioni præfuerunt, quod & ipsi testantur, coëmit: ex iis circiter ducenta cum *Diepam* advecta post ratam pacem Coriario cui-dam *Diepensis* vendidisset pecuniamque rede-gisset, eâ pecuniâ in manibus procuratoris sui occupatâ atque retentâ, litem sibi impingi, suumque jus illo in foro se obtinere non posse queritur. Quocirca Majestatem Vestram rogandum censuimus, ut ad Consilium suum de re tota referri velit, pecuniamque illam iniquissimâ lite extricari. Etenim si ante pacem facta & judi-

iudicata, post pacem rursus in controversiam atque judicium vocabuntur, quis sit fructus fœderum futurus, non videmus. Verum hujusmodi querelarum nullus finis erit, nisi in fœdibus hosce tam frequentes exemplum aliquod severitatis maturè statuatur: id quod Majestati Vestræ quamprimum curæ fore speramus. Quam Deus interim tutelâ suâ sanctissimâ dignetur.

*Majestatis Vestræ Studiosissimus*

OLIVERIUS Protector Reip.  
Angliæ &c.

*Ex Palatio nostro Westmonasterii.  
die Septemb. An Dom. 1656.*

OLIVERIUS Protector Reip.  
Angliæ &c.

*Serenissimo Principi*

JOANNI  
Lusitaniæ Regi.

*Serenissime Rex,*

**T**Ransactâ jam feliciter inter hanc Rempub. Lusitaniæque Regnum pace, nec non ad commercium quod attinet, recte atque ex ordine cautum atque sancitum cum sit, necessarium esse duximus *Thomam Maynardum*, à quo hæ



hæ literæ perferuntur, ad Majestatem Vestram mittere; qui Consulis munere negotiatorio vestra in ditione, ad mercatorum res rationesque ordinandas fungatur. Cum autem hoc sæpius usu venire possit, ut adeundi Majestatem Vestram fieri sibi copiam nonnunquam postulet, tam de commercio quam aliis de rebus quæ nostrâ hujusque Reip. interesse possint, à Majestate vestra petimus, ut illi, quoties audito opus sit, benignum velit aditum atque aurem præbere; id vestræ erga nos benevolentia pro argumento singulari atque indicio habebimus: interim Majestati vestræ Deum Opt. Max. fortunare omnia volumus.

*Majestatis vestræ studiosissimus*

OLIVERIUS Protector Reipub.  
Angliæ &c.

*Ex Aula nostra Westmonasterii.  
die Octob. 1656.*

## SUECORUM REGI.

*Serenissime Potentissimeque Rex,*

**T**Ametsi ea est solita Majestatis vestræ & spontanea in viros bene meritos benevolentia, ut omnis eorum commendatio supervacanea possit videri, tamen nobilem hunc virum *Gulielmum Vavasorem Equitem auratum*, Majestatis Vestræ sub signis merentem, & ad vos jam proficiscentem nolimus sine nostris ad Majestatem

statem Vestram literis dimittere. Quod eo libentius fecimus, posteaquam significatum nobis est, jampridem eum, Majestatis Vestræ auspicio secutum, multis in præliis vestrâ causâ suum sanguinem profudisse: adeo ut *Suecorum* Reges proximi ob militarem ejus peritiam, operamque sæpe in bello strenuè navatam, eum agro & annuis pensionibus veluti virtutis præmio remuneraverint. Neque verò dubitamus quin Majestati vestræ in hodiernis bellis permagno sit usui futurus, cum sit fide ac bellicarum rerum scientia jamdiu spectatâ. Eum itaque Majestati Vestræ, pro eo ac meritis est, commendatum cupimus; simulque rogamus, ut quæ illi præterita stipendia processerint, solvantur. Hoc nobis erit gratissimum; nec gratificari vicissim Majestati Vestræ, quoties facultas erit, gravabimur, cui fausta omnia ac prospera exoptamus.

*Majestatis vestræ studiosissimus*

OLIVERIUS Protector Reipublicæ  
Angliæ.

*Ex Palatio nostro Westmonasterii.  
die Octob. An. Dom. 1656.*



OLIVERIUS Protector Reip.  
Angliæ &c.

Serenissimo Principi

J O A N N I  
Lusitaniæ Regi.

S. D.

*Serenissime Rex, Amice ac Fœderate Charissime,*

**E**Xhibuit nobis libellum supplicem Thomas  
Ewans Naclerus, civis noster, in quo ostendit, se An. 1649. & 1650. cum navi sua, cui nomen *Scipioni*, quadringentarum amphorarum, & cui ipse præfuit, Societati *Brasiliensi* operam navasse; eam navem cum onere toto & apparatu, Majestatis Vestræ jussu ereptam sibi esse: unde damnum homini factum, præter amissum ex tanta sorte sexennii lucrum, Commissarii ex fœdere ad decidendas controversias utrinque dati plus septem millibus librarum nostrarum, sive bistotidem *Milreis Lusitanicis* æstimarunt; quemadmodum & ad nos retulerunt. Quod detrimentum tam grave cum supradictum *Thomam* vehementer affligerit, coactus ad repetendas ex fœdere res suas, *Olyssipponem* navigare, petiit suppliciter à nobis, ut literas nostras hac de re ad Majestatem vestram sibi daremus: nos, tametsi in communi

causa

causa mercatorum, quibus à Societate *Brasiliensi* debebatur, superiore anno scripsimus, tamen ne cui nostram opem poscenti defuisse videamur, Majestatem vestram pro amicitia rogamus, ut hujus nominatim hominis ratio habeatur; utque velit Majestas vestra suis omnibus ita præcipere, ut ne quid obstare possit quo minus is in ea urbe, quod sibi à Societate *Brasiliensi* vel aliunde debetur, sine ullo impedimento exigere, & sine morâ possit recuperare. Deus Majestatem vestram perpetua felicitate augeat; nostramque amicitiam faxit quam diuturnam.

*Majestatis Vestrae Studiosissimus*

OLIVERIUS Protector Reipub.  
Angliæ &c.

*Ex Palatio nostro Westmonasterii.  
die Octob. An. Dom. 1656.*

OLIVERIUS Prot. Reip. Angliæ &c.

*Illustri & Magnifico*

Civitatis Hamburgensis Senatui.

S. D.

*Amplissimi, magnifici & Spectabiles Viri,  
Amici Charissimi,*

**G**Ravem detulerunt ad nos querimoniam  
*Jacobus & Patricius Hays* cives hujus Reip.  
sc.



se, sui fratris *Alexandri*, qui intestatus diem obiit, hæredes legitimum cum sint, atque ita ipsius Curiae vestrae sententiâ ante annos duodecim secundum se larâ contra fratris viduam pronuntiari fuissent, bonaque defuncti fratris cum fructibus exceptâ solum viduæ dote, adjudicata sibi ex eo iudicio essent, non potuisse tamen hætenus, neque pro suo jure, neque literis *Caroli* olim Regis eadem de re scriptis ullum laborum suorum ac sumptuum ex ea sententiâ fructum consequi: obesse sibi scilicet potentiam atque opes *Alberti van Eizen Decurionis* apud vos primarii, apud quem bonorum pars maxima deposita est; eum agere omnia, ne ea bona hæredibus restituantur. Elusi, ac dilationibus confecti, summam denique ad inopiam redacti supplicant nobis ne se negligamus tantis injuriis sceleratâ in civitate oppressos. Quod nos cum officii imprimis nostri intelligamus esse, ut ne quis civis noster præsidium suis rebus, atque susceptum patrociniû in nobis requirat, petimus quod à civitate vestra videamur facile impetrare posse, ut sententiam ipsimet vestram hisce fratribus ratam esse velit; neque per causam provocationis ad *Spirenses Cameræ*, vel primo simulatæ vel nunc irritæ, moram justitiæ fieri diutius patiamini. Nam de summa ipsius causæ jurisperitorum nostrorum sententias requisivimus; unâque descriptas obsignatasque ad vos misimus. Quod si rogando nihil proficitur, erit necessariò, idque ex consueto jure gentium, quod tamen minimè vellemus, ad

ad reciproca deveniendum: id ne accadat, vos pro vestra prudentia provisuros esse confidimus.

*Amplitudinum Vestrarum Studiosissimus*

OLIVERIUS Protector Reipub.  
Angliæ &c.

*Ex Palatio nostro Westmonasterii.*  
die Oct. 16. An. Dom. 1656.

OLIVERIUS Protector Reip.  
Angliæ

Serenissimo ac Potentissimo Principi

LUDOVICO

Galliæ Regi

S. D.

*Serenissime Potentissimeque Rex, A. Nice*  
*ac Fæderate Christianissime,*

Pervenisse ad Majestatem Vestram literas nostras arbitramur, *Maii quarto decimo* superioris anni datas: in quibus *Joannem Dethicum*, eodem anno *Londoni* urbis præfectum, & *Guelmum Wake* eisdem mercatorem per libellum supplicem nobis ostendisse scripsimus, navem *Joannem* suis mercibus onustam, quæ *Ostendam* veheretur, *Dunkirkam*, quæ tum temporis in *Gallica* ditione erat, à prædone quodam *Caroli*



*Stuarti* filii auspiciis piraticam faciente ex ipso *Thamesis* ostio fuisse abreptam: se, cum ex edictis vestris vestrique consilii decretis, quibus erat cautum, nequa navis *Anglorum* ab hostibus *Parlamentum* capta vestris portibus reciperetur, venalissime esset, à Domino *Lestrado* illius oppidi praefecto postulassent ut reddi sibi navem suam atque bona juberet, responsum ab eo tulisse, sanè neque viro primario dignum, neque eo qui Regi suo satis dicto audiens videretur, se scilicet ab Rege *Gallia* ob navatam in bello operam hanc praefecturam praemio accepisse; curaturum proinde ut ea quam maximè quaestui sibi sit: per fas videlicet ac nefas; id enim minime laborare videbatur. Quasi verò hanc praefecturam atque Provinciam Majestatis Vestrae dono accepisset, ut socios juxta spoliaret, vestraque edicta in eorum gratiam promulgata pro nihilo haberet. Quod enim Rex *Gallia*, si maximè ab hostibus factum contra nos voluisset, facti tamen participes suos esse vetuit, id regius praefectus contra regium interdictum non modo fieri est passus, ut nos vestris in portibus diriperemur, praedaque essemus, verum etiam ipse diripuit, ipse praeda habuit, seque facti authorem palam professus est. Hoc itaque responso mercatores infecto negotio irrii atque elusi discessere: nosque hæc iidem superiore anno Majestati vestrae per literas significavimus successu licet haud multo meliore; nihil dum enim responsi ad eas literas habuimus. Quod non habuerimus accidisse id credimus, propterea quòd eo tempore

Præ-

Praefectus ille apud exercitum in *Flandria* fuit; nunc in urbe ipsa *Parisiorum* degit, vel potius per urbem perque aulam nostrorum spoliis locupletatus impunè volitat. A Majestate igitur vestra nunc denuò id petimus quod ipsius Majestatis vestrae interest in primis providere, nequis ad sociorum injurias edictorum regionum contemptionem audeat adjungere: sed neque ad Legatos sive Commissarios de controversiis communibus utrinque dandos rejici propriè hæc causa poterit; quandoquidem hic non sociorum jus duntaxat, sed auctoritas ipsa vestra Regique nominis reverentia agitur. Illud enim mirum sit, si mercatores damna sua molestius quam Majestas vestra sui ferat imminutionem. Eam si non ferat, eadem operâ simul perficiet, ut neque amicissimorum de Repub. nostra edictorum poenituisse, neque in suorum injuriis connivisse, neque nostræ postulationi non tribuisse quod par sit videatur.

*Majestati vestrae voluntate, amicitia,  
fœdere devinctissimus*

OLIVERIUS Protector Reipub.  
Angliæ &c.

*Ex Aula nostra Westmonasterio,  
die Novemb. An. 1656.*

G 2

O 11



OLIVERIUS Prot. Reip. Angliæ &c.  
Serenissimo potentissimoque Principi

FREDERICO III.  
Daniæ, Norvegiæ, Vandalorum,  
Gothorumque Regi; Duci Slesvici,  
Holsatiæ, Stormariæ, & Dithmarsici;  
Comiti in Oldenburg & Delmen-  
horst &c.

S. D.

Serenissime potentiissimeque Rex, Amice  
ac Federate Charissime,

**L**itteras Majestatis Vestræ sexto decimo Fe-  
bruarii Hafniæ datas ab ornatissimo viro  
Simone de Petkam, Oratore apud nos vestro,  
accepimus. Is perlectis, & voluntatis erga nos  
vestræ præclara significatio, & ipsius rei, de  
qua scriptum erat, pondus usque eo nos per-  
movit, ut statim ad Majestatem Vestram mit-  
tere qui mandatis nostris instructus, nostra con-  
silia vobis hac de re plenissime exponeret, in  
animo haberemus. Et quanquam idem nobis  
etiamnum animus manet, hactenus tamen ido-  
neum aliquem cum iis mandatis dimittere, quæ  
gravissimum hujusmodi negotium postularet,  
non potuimus; quemadmodum jam brevi fa-  
cturos nos esse speramus. Interea non omitten-  
dum diutius existimavimus Majestatem Ve-  
stram certiore facere, præsentem rerum in

Est.

Europa statum haud mediocri nos curâ ac cogi-  
tatione sollicitos tenuisse: cum ab aliquot jam  
annis summo cum dolore videamus *Protestan-*  
*tium* Principes ac civitatum Primores (quos ex  
communi *Religionis* atque salutis vinculo om-  
nem sese mutuò confirmandi ac defendendi  
inire rationem oporteret) inter se indies magis  
magisque infirmè animatos, quid quisque mo-  
liatur, quidve struat, suspectum habere; me-  
tum amicis, spem hostibus præbentes, inimi-  
citas atque dissidia potius hac rerum inclinatio-  
ne portendi, quam firmum invicem animo-  
rum consensum, ad præsidium mutuum ac  
defensionem. Atque hæc quidem sollicitudo eo  
altius animo nostro insedit, quo magis in Ma-  
jestate Vestra, Regeque *Sueciæ* adhuc aliquid  
residere mutuae suspicionis videtur; vel saltem  
non eam existere voluntatum conjunctionem  
quam communis nostrum omnium in *Ortho-*  
*doxam* religionem amor ac studium flagitaret;  
dum Majestati vestræ injecta forte aliqua suspi-  
cio est, fore ut ab Rege *Sueciæ* detrimentum  
aliquod ditæ vestræ commerciis afferatur;  
suspiciente vicissim *Suecorum* Rege, ne per vos  
& bellum, quod nunc gerit, difficilius, &  
contrahendarum societatum ratio impeditior  
sibi reddatur. Non præterit Majestatem Ve-  
stram, pro ea summa prudentia quam adhi-  
bere suis omnibus in rebus solet, quantum dis-  
criminis *Protestantium* summæ rei impendat,  
si istiusmodi suspensiones inter vos diu versentur;  
quanto magis, quod Deus avertat, si quod ho-

G 6

Stilitage



stilitatis indicium erumperet. Utcunque hæc se habeant, nos, quemadmodum & *Suecorum* Regem, & *Fæderati Belgii Ordines* ad pacem & moderata consilia magnopere hortati sumus (adeoque redintegrari inter eos pacem atque concordiam vehementer gaudemus, hæc & capita quoque illius fœderis à *Dominis Ordinibus* transmissa ad nos sunt) ita nostras esse partes duximus, nostræque amicitiae quam maxime convenire, ut qui sensus noster his de rebus sit, Majestatem Vestram ne celaremus (præsertim cum ut ita faciamus, Majestatis Vestræ literis amicissimis tam studiose invitentur; id quod etiam benevolentiae erga nos vestræ pro argumento singulari sanè habemus atque amplectimur) vestræque Majestati ante oculos poneremus, quantam nobis necessitatem, qui *Protestantium Religionem* sequimur, divina providentia imposuerit colendi inter nos pacem, idque nunc maxime, cum hostes nostri acerrimè, si unquam alias, rem gerere, & conjurasse undique in perniciem nostram videntur. *Valles Alpinas* miserorum nuper Incolarum cæde ac sanguine madentes commemorare nihil attinet; nec conquassatam per eosdem dies *Cæsareis* proscriptionibus atque edictis *Austriam*; nec denique contra *Helvetios Protestantes Helvetiorum Papistarum* infestos impetus. Quis nescit *Hispānorum* dolos ac machinationes per hosce aliquot annos hæc loca omnia incendiis, ruinis, cladibus *Protestantium* permiscuisse? Si ad hæc mala *Reformatorum* Fratrum inter se dissensio velut

velut cumulus accedat, inter vos præsertim quæ nostrarum virium tanta pars estis, & in quibus tantum præsidii ac roboris *Protestantium* dubiis temporibus comparatum atque repositum est; quod ad opem humanam attinet, pessum ire *Protestantium* res, & in extremo discrimine atque casu versari necesse erit. Quod contra, si pax constet inter vos vicinos, cæterosque *Orthodoxos* Principes, si concordiae fraternæ omni ex parte studeatur, non erit cur, Deo bene juvante, vel vim vel versutiam nostrorum hostium pertimescamus; quorum conatus nostra sola consensio vel dissipabit vel frustrabitur. Neque vero dubitamus quin Majestas Vestra ad hanc pacem beatam impertiri suam operam, quam potest maximam, & libens velit & velle desitura non sit. Qua in re ipse etiam communicare consilia cum Majestate vestra atque conjungere paratissimus ero; utpote & veram amicitiam professus, & cui non solum pactam inter nos tam auspiciò fervare pacem deliberatum omnino sit, verum etiam necessitudinem hanc, quæ nunc intercedit, prout Deus facultatem dabit, arctiori vinculo constringere. Idem Deus interim Majestati Vestræ secunda ac prospera omnia concedat.

*Majestati Vestræ amicitia, fœdere ac voluntate conjunctissimus*

OLIVERIUS PROT. Reip. Angliæ &c.

*Dabantur ex Aula nostra Westmonasterii.*

*Decembris An. 1656.*



OLIVERIUS Protector Reip.  
Angliæ, &c.

Serenissimo Illustrissimoque Principi  
ac Domino, Domino

G U L I E L M O

Hassia Langravio, Principi Here-  
feldia, Comiti in Cattimeliboco,  
Decia Ligenhain, Nidda  
& Schaumburgo &c.

Serenissime Princeps,

**A**D literas Celsitudinis vestræ non sic altero  
post anno, quod prope jam pudet, rescrip-  
sissemus nisi nos admodum invitos permulta  
fanè, eaque gravissima, quorum curam, pro  
nostro in *Repub.* munere, differre non potui-  
mus, interpellassent. Quæ enim literæ debe-  
bant esse nobis gratiores, quam quæ à Principe  
Religiosissimo, majoribus quoque Religiosis-  
mis orro, de pace Religionis, deque concordia  
Ecclesiarum concilianda sunt scriptæ; quæ etiam  
literæ eundem planè animum, idem pacis *Chri-*  
*stianæ* promovendæ studium non solum suo,  
verum etiam universi ferè orbis *Christiani* opi-  
nionem ac iudicio, & ipsæ nobis tribuunt, &  
universim attributum esse gratulantur? Et nos

qui-

quidem per tria hæc olim regna quid hoc in par-  
te simus conati, quidque hortando, ferendo,  
præcundo, divino maximè auxilio, effeceri-  
mus, & norunt nostri plerique, & in summa  
conscientiæ tranquillitate sentiunt. Eandem præ-  
sertim *Germaniæ* totius *Ecclesiæ*, ubi acrius ferè,  
jamque diu nimis dissidetur, pacem optavimus;  
perque nostrum *Duræum* hoc idem multos jam  
annos frustra molientem siquid eam in rem no-  
strâ operâ conferre posset ex animo detulimus.  
In eadem nos etiamnum sententia permane-  
mus; eandem illis *Ecclesiis* fraternam inter se  
charitatem optamus: sed quam sit hoc arduum  
conciliandæ pacis negotium inter ipsos pacis,  
ut præ se ferunt, filios, summo cum dolore  
satis superque intelligimus. Nam ut utrique *Re-*  
*formati* nempe & *Augustani*, in unius *Ecclesiæ*  
communione aliquando coalescant, speran-  
dum vix est; suam utrique sententiam ne possit  
vel voce vel scriptis defendere, prohiberi sine  
vi non poterunt; vis autem cum pace *Ecclesia-*  
*stica* consistere non potest: hoc tantum se sinant  
exorari qui dissentiunt, ut humanius saltem &  
moderatus velint dissentire, nihiloque minus  
inter se diligere; utpote non hostes sed fratres  
in levioribus licet dissentientes, in summa tamen  
fidei conjunctissimos. Hæc nos inculcando,  
hæc suadendo nunquam defatigabimur; quod  
ultrâ est, humanis neque viribus neque consiliis  
datur: Deus quod suum solius est suo tempore  
perficiet. Tu interim, Serenissime Princeps, præ-  
claram in *Ecclesias* declarationem animi tui,  
sem-



sempiternum sanè monumentum & majoribus  
tuis dignum & omnibus posthac principibus  
imitandum reliquisti. Nos *Celsitudini* vestrae,  
pro eo ac merita est, felicitatem cæteris in rebus  
quantum ipsa cupit, mentem, ea quam nunc  
habet, haud meliorem (quid enim potest esse  
melius?) à Deo Optimo Maximo præcamur.

*Westmonasterio. die Martii.*

*An. Dom. 1656.*

OLIVERIUS Protector Reip.  
Angliæ &c.

*Serenissimo Principi*

DUCI CURLANDIÆ.

*Serenissime Princeps,*

DE benevolentia *Celsitudinis* erga nos vestrae  
& aliàs, & tum quidem abunde nobis con-  
stitit cum Oratorem nostrum ad *Moscoviæ Ducem*  
iter facientem, & in diuione vestra per aliquot  
dies commorantem hospitio benigne accepisti:  
nunc iustitiæ & æquitatis suæ haud leviora iudi-  
cia daturam esse *Celsitudinem* vestram & suop-  
te ingenio & nostro rogatu confidimus. Cum  
enim *Joannes Jamesonius Scotus*, navis cujusdam  
vestrae Magister fidelem naucleri operam septen-  
nioque cognitam vobis navaverit, seque illam  
navem *Balenam* sibi commissam, in ostio flu-  
minis,

minis, ut mos est, Gubernatori vestro appel-  
lendam in portum tradidisset, eumque imperiæ  
suo munere fungentem quod solum potuit sta-  
pius monuisse multis testibus probaverit, non  
ejus profecto culpâ, sed Gubernatoris vel imperi-  
tia vel pervicacia fractam esse navem nemini  
non liquet. Quod cum ita sit, à *Celsitudine*  
vestra maiorem in modum petimus, ut supra-  
dicto *Joanni* Magistro neque illud naufragium  
imputare, neque eum idcirco stipendio debito  
velit privare; cujus spe solâ, jam altero nau-  
fragio bonis omnibus amissis, se utcumque in  
extrema inopia sustinet & solatur.

*Ex Aula nostra, Westmonasterio.*  
*die Martii An. Dom. 1657.*

OLIVERIUS Protector Reip.  
Angliæ &c.

*Amplissimis Consulibus ac Senatoribus*

REIP. GEDANENSIS

S. P. D.

*Amplissimi, magnifici Viri, amici Charissimi,*

URbem vestram industriâ, opibus & opti-  
marum artium studiis florentem cum no-  
bilissimis quibusque urbibus semper esse duxi-  
mus conferendam: nunc posteaquam in hoc  
bello, quod vestris jamdiu in finibus geritur,  
*Polo-*



*Polonorum* sequi partes quam *Suecorum* maluistis, sanè & Religionis causâ quam colitis & commercii, quod cum *Anglis* vetustum jam habetis, opravimus ut ea vobis maxime consilia placerent, quæ cum Dei gloria urbisque vestræ dignitate ac splendore viderentur esse conjunctissima. Quocirca petimus pro amicitia quæ vobis cum *Anglorum Gente* multo usu firmata jamdiu constat, & si qua in gratia apud vos nostrum quoque nomen est, ut insignem inter primos *Suecorum Duces Conismarcum*, egregium præsertim bello virum casu & suorum prodicione mari interceptum belli lege, non acerbissimè adhuc gesti, dimittere velitis, sin id minus vestris rationibus convenire arbitramini, ut leniore saltem ac liberiore custodiâ habendum censeatis. Utrum horum vobis faciendum decreveritis, id profecto imprimis quod existimatione urbis vestræ dignum est decerneris; deinde ab omnibus præclaris belli ducibus magnam gratiam inibitis; nos denique, quicquid id vestrâ interesse putatis, haud mediocri sancto beneficio devincietis.

*Vestrarum amplitudinem Studiofissimus*

OLIVERIUS Protector Reipub.  
Angliæ &c.

*Ex Aulanostræ Westmonasterio.*

*Aprilis An. Dom. 1657.*

OLIVERIUS Protector Reip.  
Angliæ, Scotiæ, Hiberniæ &c.

*Serenissimo ac Potentissimo Principi  
ac Domino*

IMPERATORI Ducique magno  
universæ RUSSIÆ, Soli Domino  
*Voladomari, Moschoæ, Novogrodi, Regi  
Cazini, & Astracani, Syberia, Domino  
Vobscœ, Magno Duci Smolenchi, Tuers-  
coiæ, & aliarum, Domino ac Magno  
Duci Novogrodæ, Inferiorumque Regio-  
num Chernigoi, Rezanscœ & aliarum,  
Domino omnis Plagæ Septentrionalis,  
item Domino Everscœ, Cartalinscæ,  
aliarumque permultarum.*

S. P. D.

**A**nglorum Genti cum imperii vestri populis, verus amicitia, magnusque usus, id quod nemo nescit, amplissimumque commercium jamdiu fuit; illa verò virtus singularis, Imperator Augustissime, qua majoribus suis Majestas vestra longè præluceat, & quæ de ea est vicinorum omnium Principum opinio, Potissimum nos movet, ut Majestatem Vestram & eximio studio colamus, eique communicata cupiamus, quæ & rei Christianæ & rationibus vestris haud parum



parum conducere, nec minus nominis vestri  
gloriæ servire posse existimemus. Quapropter  
ornatissimum virum Dominum *Richardum  
Bradshaw*, summa fide, integritate, pruden-  
tia, usaque rerum, ex aliis etiam Legationi-  
bus, nobis cognitum, ad Majestatem Vestram  
misimus Oratorem; qui & singulare erga vos  
nostrum studium, summamque observantiam  
vobis exponat, & supradictis de rebus agere  
cum Majestate Vestra possit. Eum itaque ut be-  
nignè nostro nomine accipiatis, eique ut, quo-  
ties commodum erit, liberum aditum, au-  
resque benignas, fidem denique in iis omnibus  
quæ proposuerit aut transegerit, eandem atque  
nobismetipsis, si coram adfuissemus, præbere  
velitis rogamus; adeoque Majestati vestræ atque  
*Imperio Russico* fausta omnia à Deo Opt. Max.  
precamur.

*Majestatis Vestre Studiofissimus*

OLIVERIUS Protector Reip.  
Angliæ &c.

*Ex Aula nostra Westmonasterii.  
die April. An. Dom. 1657.*

OLIVERIUS Protector Reip.  
Angliæ &c.

*Serenissimo ac Potentissimo Principi*

CAROLO GUSTAVO

*Suecorum, Gothorum, Vandalorumque  
Regi, Magno Principi Finlandiæ,  
Duci Esthoniæ, Careliæ, Breme,  
Verdæ, Stetini, Pomeraniæ, Cassubiæ  
& Vandalia, &c.*

*Serenissime Potentissimeque Rex, amice  
ac Fœderate Charissime,*

Vir nobilissimus *Gulielmus Jepsenus* Militum  
Tribunus, & Parlamenti nostri Senator, cui  
hoc munus honori erit, quod Majestati Vestræ  
hasce literas dabit, certiore eam faciet quanta  
cum perturbatione ac dolore nuntium accepi-  
mus belli illius funesti inter Majestatem vestram  
*Daniæque Regem* coorti; quamque nobis cordi  
ac studio sit, nullam nostram operam aut offi-  
cium prætermittere, quoad Deus facultatem  
dederit; ut huic ingruenti malo remedium ali-  
quod maturè afferatur, eæque simul calami-  
tates avertantur, quas inferri ex hoc bello reli-  
gionis causæ communi necesse erit; hoc præ-  
sertim tempore, quo adversarii nostri contra

Or-



*Orthodoxa* fidei professionem & professores cum consilia perniciosissima tum vires arctissime conjungunt. Hæc atque alia nonnulla permagna ad utriusque gentis commoda rationesque publicas momenti adduxere nos, ut hunc virum ornatissimum Internuntii extraordinarii prædictum munere ad Majestatem vestram mitteremus: Quem uti amicè recipiatis, eique, iis in rebus quas cum Majestate vestra nostro nomine communicaverit, summam fidem adhibeamus rogamus; cum is sit cujus fidei atque prudentiæ nos quoque plurimum tribuamus. Simul & illud petimus, ut Majestas vestra nostram ergo se resque suas benevolentiam singularem, atque studium persuasissimum sibi habeat; cujus nos argumenta certissima per omnem occasionem & propenso animo & officiis paratissimis præbeamus.

*Majestatis vestrae amicus & Fœderatus  
conjunctissimus*

OLIVERIUS Protector Reipub.  
Angliæ &c.

*Ex Aula nostra Westmonasterii.  
Aug. An. Dom. 1657.*

*Excellentissimo Domino*  
DOMINO de BOURDEAUX  
*Serenissimi*  
REGIS GALLIARUM  
Legato extraordinario.

*Excellentissime Domine,*

Mercatores quidam Londino-derrienses Samuel Dansonus, Joannes Campsejus, & Joannes Nevinus per libellum supplicem Serenissimo Domino Protectori ediderunt, se, posteaquam foedus inter hanc Rempub. Regnumque Gallie redintegratum intellexerant, An. Dom. 1655. navem quandam cui nomen Anglice *The Speedwell*, melioris ominis causâ, quam eventus ferebat, impositum, Joannes Ker Magister erat, mercibus quibusdam ex portu Derriensi Burdegalam conveyendis onerasse; eam navem illic onere exposito, vinoque aliisque mercibus inde impositis, captam in reditu die 24. Novembris anni supradicti à duabus Brestensum Navibus armatis, quarum alteri Adrianus Vindmian Swart, alteri Jacobus Jonsonus præfuit, ab iisdem etiam in portum Brivatem, vulgo Brestensem, fuisse abductam; ibique & jure captam judicatam esse, & auctione venditam, cum mille centumque libras nostras æstimatione justâ valuisset, extra damnum mille librarum præterea datum: de quibus recuperandis omni se honesta ratione cum illius loci præfectis egisse;

id



id sibi hactenus frustra fuisse: se etiam moribus  
edictum curiæ maritimæ consecutos esse, quo  
citarentur in iudicium qui navem illam cepis-  
sent, autem jure esse captam defendere statuis-  
sent. Edictum hoc & recte atque ordine pro-  
mulgatum & redditum: idque ab ejusdem cu-  
riæ ministris publicis maturè *Domino Legato Gal-*  
*liæ* significatum esse: cum nemo contra com-  
paruisset, testes aliquot juratos de re judicanda  
interrogatos esse. Quæ res cum à Petitoribus ad  
Celsitudinem Domini *Protektoris* delata sit, ab  
eoque cognitioni atque sententiæ Concilii man-  
data, cumque de facto ex testimoniis juratis  
libello supplici adjunctis abunde constet, Peti-  
toribusque liberum commercium *Burdegala* sit  
datum, mercesque illic emptæ atque impositæ vi  
sint in reditu ereptæ & occupatæ contra fœderis  
fidem, ut supra demonstratum est, quis non  
videt hoc esse æquissimum, aut navem cum  
onere Petitoribus restitui, aut de damno cum  
captæ navis tum juris persequendi plene satis-  
fieri? Peto igitur ab *Excellentia vestra* atque  
etiam Serenissimi Domini *Protektoris* nomine  
peto omnem velit operam dare, omnique ope-  
ræ autoritatem etiam sui muneris adjungere  
ut primo quoque tempore horum alterutrum  
fiat. Cum neque in causa æquiore laborare  
possit, neque mihi gratiore; qui eo diligen-  
tius curasse quod mandatum mihi est videbor,  
quo *Excellentia vestra* maturius quod suum est  
præstiterit.

*Ex Alba Aula Augusti An. Dom. 1657.*

OLI:

OLIVERIUS *Protektor Reip.*  
*Angliæ &c.*

*Serenissimo Principi*

DO. FREDERICO WILHELMO  
*Marchioni Brandenburgensi Sacri*  
*Romani Imperii Archi-Camerario ac*  
*Principi Electori Magdeburgi, Prus-*  
*sia, Juliae, Clivia, Montium Stetini,*  
*Pomerania, Cassubiorum Vandalor-*  
*umque, nec non in Silesia Crosna &*  
*Carnovia Duci Burgravio Norin-*  
*bergensi, Principi Halberstadii &*  
*Minda, Comiti Marca & Ravensber-*  
*gi, Domino in Ravenstein.*

S. P. D.

*Serenissime Princeps, Amice ac Fœderate*  
*Charissime,*

Cum ea sit Celsitudinis vestræ singularis vir-  
tus & pace & bello terrarum orbe toto jam  
clara, ea magnitudo animi atque constantia,  
ut amicitiam vestram omnes fere Principes Vi-  
cini ambiant, amicum & socium nemo fidelio-  
rem sibi aut constantiorem cupiat, ut nos  
quoque in eorum numero esse intelligatis qui de  
vobis

H



vobis vestrisque egregiis de *Rep. Christiana* meritis quam optime quamque præclare sentiunt, nobilissimum virum *Gulielmum Jepsonum, Tribunum Militum, & Parlamenti nostri Senatorem* ad vos misimus, qui vobis nostro nomine & plurimam salutem dicat, & rebus vestris felicitatem omnem ominetur atque exoptet; nostram denique benevolentiam summumque studium erga vestram serenitatem verbis amplissimis exponat: eique proinde fidem, iis in rebus de quibus vobiscum egerit, eandem habeatis rogamus, ac si à nobismetipsis testata omnia atque confirmata coram essent.

*Ex Aula nostra Westmonasterio. Augusti*  
*An. Dom. 1657.*

**OLIVERIUS** Protector Reip.  
Angliæ &c.

*Amplissimis Civitatis*

**Hamburgensis Consulibus ac**  
**Senatoribus**

S. P. D.

*Amplissimi, magnifici & Spectabiles viri,*  
*amici charissimi,*

**C**um Vir ornatissimus *Gulielmus Jepsonus, Tribunus Militum, & Parlamenti nostri Senator*, Ad Suecorum Regem Serenissimum à nobis

bis missus vestram per urbem iter faciat, in mandatis dedimus, uti vos quoque ne præteriret nostro nomine insalutatos; neque non rogatos, ut si qua in re vestra autoritate consilio aut præsidio opus sibi esse judicaverit, ei quibus rebus potestis præstò esse velitis. Id quo libentius feceritis, eo maiorem à nobis iniisse vos gratiam intelligetis.

*Ex Aula nostra Westmonasterio. die Augusti*  
*An. Dom. 1657.*

*Amplissimis Civitatis*  
**Bremenfis Consulibus ac**  
**Senatoibus**

S. P. D.

*Amplissimi, magnifici & Spectabiles viri,*  
*amici charissimi,*

**Q**ui noster animus erga vestram civitatem, quæque benevolentia cum propter puriorem apud vos Religionis cultum etiam propter urbis celebritatem sit, & sensistis aliàs, & quoties saculas dabitur sentietis. Nunc, cum ornatissimus vir *Gulielmus Jepsonus, Tribunus Militum, & Parlamenti nostri Senator* ad Serenissimum Regem Sueciæ per urbem vestram Oratoris munere instructus iter faciat, hoc tantum in præsentia volumus, ut & vos ille peramanter perque amice nostro nomine salutet, & siquid



( 172 )

acciderit in quo vestra ope atque amicitia usus  
sibi esse possit, id uti à vobis pro nostra necessi-  
tudine peteret. Qua in re non magis defuturos  
vos esse confido quam de nostro erga vos amore  
singulari ac studio dubitare debetis.

*Westmonasterio ex Aula nostra. die Aug.  
An. Dom. 1657.*

OLIVERIUS Protector Reip.  
Angliæ &c.

*Amplissimis Civitatis*

Lubecensis Consulibus ac  
Senatoribus

S. P. D.

*Amplissimi, magnifici & spectabiles viri,  
amici charissimi,*

**G**Uilielmus Jepsonus vir nobilissimus, Militum  
Tribunus, & Parlamenti nostri Senator ad  
Serenissimum Suecorum Regem ab urbe vestra  
haud longe castra habentem publico Munere  
ornatus proficiscitur. Quapropter ei per urbem  
vestram aut ditionem iter facienti ut omni ad-  
jumento, si opus erit, atque præsidio, pro  
nostra amicitia atque commercio, adesse velitis  
rogamus. De cætero & salutato vos esse nostro  
nomine peramice volumus, deque nostro erga  
vos

( 173 )

vos propenso animo ac voluntate esse persua-  
sissimos.

*Westmonasterio ex Aula nostra. die Aug.  
An. Dom. 1657.*

OLIVERIUS Protector Reip.  
Angliæ &c.

*Amplissimis Civitatis*

Hamburgensis Consulibus ac  
Senatoribus

S. P. D.

*Amplissimi, magnifici & spectabiles viri,  
amici charissimi,*

**Q**ui hæc ad vos literas perfert *Philippus*  
*Meadowe* Oratoris munere à nobis instru-  
ctus ad Serenissimum *Daniæ Regem* per Urbem  
vestram proficiscitur. Eum, siquid erit, in quo  
vestram auctoritatem adjumento sibi fore aut  
præsidio existimaverit, commendatum vobis  
magnopere volumus. Nostraque commendatio  
quo solet esse apud vos pondere, eodem uti nunc  
fit rogamus; vobis vicissim, siquid ejusmodi  
occurrit non defuturi.

*Ex Aula nostra Westmonasterio. die Aug.  
An. Dom. 1657.*



OLIVERIUS Protector Reip.  
Angliæ &c.

*Serenissimo Principi*

FREDERICO

*Heredi Norwegiæ, Duci Slesvici,  
Holsatiæ, Stormariæ, Ditmarsiæ,  
Comiti in Oldenburg &  
Delmenhorst.*

*Serenissime Princeps, amice Charissime,*

**M**issus à nobis Vir Domi nobilis Gulielmus  
Jepsonus, Militum Tribunus, & Parlamenti  
nostri Senator ad Serenissimum Suecorum Regem,  
quod paci communi, Reique Christiana felix  
faustumque sit, Legationem obit. Ei inter alia  
negotium dedimus, ut cum in itinere salutem  
plurimam Serenitati Vestræ nostro nomine  
dixisset, pristinamque nostram benevolentiam  
& constantissima studia significasset, ab ea  
quoque peteret, ut autoritate vestrâ munitus  
iter tutum atque commodum habere per ve-  
stram ditionem possit. Quo beneficio Celsitudo  
vestra nos nostraque vicissim officia majorem  
in modum demerebitur.

*Westmonasterio ex Aula nostra. die Aug.  
An. Dom. 1657.*

OLI-

OLIVERIUS Protector Reip.  
Angliæ

*Serenissimo Principi*

FERDINANDO

*Magno Duci Hetruriæ.*

*Serenissime Dux magne, amice charissime,*

**O**stendit nobis per libellum supplicem Socie-  
tas Mercatorum nostrorum qui ad oras Me-  
diterranei Maris Orientales negotiantur, Præ-  
fectum quendam navis Lodoviculi, sive Anglicè  
The Little Lewis, nomine Gulielmum Ellum,  
cum Alexandria in Egypto esset, conductum à  
Sarrapa Memphitico ut Oryzam, Saccharum &  
caphiam, ipsius Turcarum Principis in usum  
Constantinopolim aut Smyrnam comportaret,  
classi se Otomanicæ in itinere subduxisse, & con-  
tra datam fidem, navis totum onus Liburnum  
avertisse: ibi prædâ potitum nunc agere. Quod  
facinus, pessimi sanè exempli, cum Christianum  
nomen probro, Mercatorum fortunas degen-  
tium sub Turca direptionis periculo objiciat,  
petimus à Celsitudine Vestra, ut illum homi-  
nem comprehendi, & in custodiam tradi, na-  
vemque & bona retineri jubeat, quoad signifi-  
catum à nobis erit curasse nos res illas Turcarum  
principi reddendas. Vestræ Celsitudini sicubi  
nostris

H. 4.



( 176 )

nostris officiis usus vicissim erit, paratissima  
omni tempore fore profitemur.

*Celsitudinis Vestrae Studiosissimus*

OLIVERIUS Protector Reipub.  
Angliae &c.

*Westmonasterio ex Aula nostra. die Sept.  
An. Dom. 1657.*

OLIVERIUS Protector Reip.  
Angliae &c.

*Serenissimo Principi ac Domino*

DO. FREDERICO WILHELMO

Marchioni Brandenburgensi, Sacri Ro-  
mani Imperii Archi-Camerario, ac Prin-  
cipi Electori Magdeburgi, Prussiae, Juliae,  
Cliviae, Montium, Stetini, Pomeraniae,  
Cassubiorum, Vandalorumque, nec non in  
Silisia, Crosnae & Carnoviae Duci, Burg-  
gravio Norinbergensi, Principi Halber-  
stadii & Mindenae, Comiti Marcae & Ra-  
vensbergi, Domino in Ravenstein.

*Serenissime Princeps, amice ac Fæderate  
charissime,*

**A**lteris ad Celsitudinem Vestram literis per  
Oratorem nostrum *Gulielmum Jephsonum*  
aut redditis aut brevi reddendis Legationis ipsi  
à nobis mandatae fidem fecimus; idque sine  
ve-

( 177 )

vestrarum virtutum aliqua mentione, nostraeque  
erga vos benevolentiae, significatione facere non  
potuimus. Verum nequis vestra de rebus Pro-  
testantium egregie merita, quae summam om-  
nium praedicatione celebrantur, nos obiter te-  
nigisse tantum videamur, resumendum nobis  
nunc idem argumentum, nostraeque officia non  
libentius quidem aut animo propensiore, ali-  
quanto tamen prolixius deferenda Serenitati ve-  
strae censuimus. Et merito sane, cum ad aures  
nostras quotidie perferatur, fidem vestram atque  
constantiam omnibus tentatam machinis, Soli-  
licitaram technis, labefactari tamen, & ab  
amicitia fortissimi Regis ac socii, nullo modo  
posse dimoveri: idque cum eo loco Suecorum  
res nunc sint, ut in retinenda eorum societate  
Celsitudinem vestram Reformatae potius Reli-  
gionis causa communi, quam suis commodis  
duci manifestum sit: cumque hostibus vel oc-  
cultis vel jam prope imminetibus cincta un-  
dique & penè obseisa sit, copiae ut sint validae  
non tamen sint maximae, eam tamen firmitate  
animi ac robore esse, eo consilio ac virtute im-  
peratoriâ, ut unâ vestrâ voluntate niti totius  
rei summa ac moles, bellicae hujus maximi  
exitus pendere videatur. Quapropter nihil est  
quod dubitet Celsitudo vestra quin de amicitia  
nostra summoque studio polliceri omnia sibi  
possit; qui vel ipsi ab omni laude derelicti nobis  
videremur, si praeclarâ istâ fide atque constan-  
tiâ, cæterisque vestris laudibus minùs delecta-  
remur, aut vobisipsis communi Religionis no-  
mine

H. S.

mine



mine minus deberemus. Quòd si rebus ab ornati-  
tissimo Viro Joanne Friderico Schlezey Consiliario  
& Oratore apud nos vestro propositis respon-  
dere, pro eo ac studemus, hætenus non po-  
tuimus (quanquam is omni assiduitate ac dili-  
gentia id agit atque contendit) conditioni re-  
rum nostrarum hoc velit imputare Celsitudo  
vestra rogamus; sibi que imprimis persuadere  
nihil nobis esse antiquius aut optatius, quam ut  
vestris rationibus cum Religionis causa tam con-  
junctis usui quam plurimum atque subsidio esse  
possimus. Interim tam clara virtus ac fortitudo  
ne ullo tempore deficiat aut opprimatur, dig-  
nave laude aut fructu careat Deum Opt. Max.  
precamur.

*Celsitudini Vestre Studiofissimus*

OLIVERIUS Protector Reip.  
Angliæ &c.

*Ex Aula Nostra Westmonasterio. die Sept.  
An. Dom. 1657.*

Excellentissimo Domino, Do-  
mino de Bourdeaux Serenissimi  
Galliarum Regis Legato  
extraordinario.

*Excellentissime Domine,*

Postulavit à Serenissimo Domino *Protectore*,  
Lucas Lucius Mercator Londinensis de sua qua-  
dam

dam navi, cui nomen *Maria*, quæ cum ab  
*Hibernia Bajonam* pereret, vi tempestatis ad  
sanum divi Joannis de Luz, appulsa, ibi retenta  
& occupata est actione Martini cujusdam De  
Lazon; nec restituta donec à procuratoribus  
Mercatoribus illius satisficeretur, se de illa navi  
atque onere cum Martino lege experturos. Tulit  
enim præ se Martinus debere sibi grandem à  
Parlamento Angliæ pecuniam, mercium qua-  
rundam suarum nomine quæ in navi quadam  
Sancta Clara anno 1642. Parlamenti Auctoritate  
sunt retentæ. Verùm cum satis constaret, Mar-  
tinum illum earum mercium verum dominum  
non esse, sed cum Antonio quodam Fernandez  
verorum dominorum Richaldi & Iriati jus per-  
sequi, dissidentibusque inter se Martino & An-  
tonio, decreverit Parlamentum uti merces illæ  
retinerentur quoad lege esset decisum utri eorum  
reddendæ essent, paratusque fuerit semper An-  
tonius lege agere; contra, neque Martinus neque  
pro eo quisque in judicio hætenus comparuerit,  
quæ omnia ex Luca Petitoris libellis libello sup-  
plici annexis liquent; iniquissimum sanè est,  
ut is, qui jus suum suppositum cum Antonio  
collegâ suo de alienis bonis experiri apud nos re-  
cusar, cogeret nostros homines verosque domi-  
nos de suis bonis in aliena ditione contendere:  
Quin idem æquitati vestræ atque prudentiæ vi-  
deatur, non dubitat Serenissimus Dominus Pro-  
sector; à quo sum jussus hanc Luca Lucii causam  
æquissimam Excellentia Vestra singularem in  
modum commendare: ne Martino, qui jus  
H. 6. alicu-



alienum apud nos persequi negligit, eo obtentu  
aliis eripiendi jus suum apud vos potestas detur.

*Excellentiæ Vestræ Studiofissimus.*

*Westmonasterio. die Octob.*

*An. Dom. 1657.*

OLIVERTIUS Protector Reip.  
Angliæ &c.

*Serenissimo*

Duci ac Senatui Reip. Venetæ.

*Serenissime Dux atque Senatus, amici charissimi.*

Nuntii rerum vestrarum contra *Turcas* felicissimè gestarum tam crebri ad nos perferuntur, ut nobis non sæpius ulla de re ad vos scribendum, quam de insigni aliqua victoria gratulandum sit. Hanc recentissimam, & Reip. vestræ quam maxime lætam atque opportunam cupimus, & quod gloriosissimum est, *Christianorum* omnium sub *Turca* servientium quam maxime liberatricem. Nominatim *Thomam Galileum* navis, cui nomen *The Relief*, olim præfectum, *Serenitati vestræ ac Senatui*, tametsi non nunc primum, nunc tamen eo libentiùs, quo latiori tempore, quinquennalem captivum commendamus. Ei cum à vobis imperatum esset, ut cum navis sua Reip. vestræ operam navaret, solus cum multis hostium triremibus

con-

congressus, nonnullas depressit, magnamque stragem edidit; tandem combusta navi captus vir fortis, deque *Venetæ Rep.* tam benè meritis, quintum jam annum in misera servitute *Barbarorum* degit. Unde se redimat facultatem nihil est; nam quicquid erat, id à *Celsitudine vestra* & *Senatu*, vel Navis vel bonorum vel stipendii nomine deberi sibi ostendit. Verum ut facultates non deessent; hostes tamen non aliâ lege dimissuros se eum profitentur, quam si suorum aliquis, qui illis in pretio æquè sit, permute-  
tur. Petimus itaque magnopere à *Vestra* atque *Senatus Celsitudine Serenissima*, petit per nos senex miserimus, captivi pater, mœroris & lachrymarum plenus, quæ nos quidem permoverunt; ut primum quoniam ex tot prosperis præliis *Turcarum* tanta copia captorum vobis est, unum aliquem ex eo numero, quem illi accipiant, hostem vestro milite fortissimo, nostro cive, senis mœstissimi filio unico commutare velitis. Deinde, ut quod stipendii, vel aliis nominibus ipsi à *Rep.* debetur, id quam primum velitis patri aut procuratori ipsius annumerandum curare. Priori quidem rogatu nostro, vel potius æquitate vestrâ effectum est, ut statim recognita, putatisque rationibus constitutum esset quid debeatur: verum illum supplicationem, urgentibus fortasse aliis negotiis, nulla solutio secuta est. Nunc miseri conditio dilationis salutis diutiùs non fert: cum, si omnino salvum vultis, danda opera est, ut squalore illo carceris teterrimo quamprimum liberetur.

H 7

Id



Id sine mora, sine hortatu etiam nostro humanissimâ voluntate vestrâ facturos vos esse confidimus: quandoquidem justitiâ, moderatione, atque prudentiâ non minus quam belli gloriâ victoriisque floretis: Atque ut diutissimè floreatis, devicto hoste potentissimo, Deum Opt. Max. precamur.

*Celsitudinum Vestrarum Studiosissimus*

OLIVERIUS Protector Reipub.  
Angliæ &c.

*Westmonasterio ex Aula nostra. die Octob.  
An. Dom. 1657.*

OLIVERIUS Protector Reip.  
Angliæ &c.

*Excelsis & Præpotentibus Dominis*

FOEDERATI BELGII  
Ordinibus

S. P. D.

*Excelsi & Præpotentes Domini, Amici ac  
Fœderati charissimi,*

**R**edit ad vos Vir illustrissimus *Gulielmus Nuport* Legatus vester annis jam aliquot apud nos extraordinarius: sed ita redit, petito ad tempus duntaxat à vobis com meatu, ut eum brevi reverfurum speremus. Eâ enim est fide, vigilantia,

gilitiâ, prudentiâ, æquitate apud nos in suo munere veratus, ut majorem in unoquoque genere virtutem ac probitatem neque nos desiderare in Legato, viroque optimo neque vos possitis; eo animo ac studio ad pacem inter nos & amicitiam sine furo & fraude conservandam, ut illo hanc Legationem obeunte quid inter nos offensionis aut scrupuli suboriri queat, aut pullulare, non videamus. Et discessum sanè ejus molestiore animo ferremus, hac præsertim rerum ac temporum inclinatione, nisi persuasissimum nobis hoc esset, neminem melius posse aut fidelius vel rerum utrobique statum, vel nostram erga *Celsitudines vestras* benevolentiam studiumque integrum coram exponere. Quapropter hunc ut Virum undiquaque præstantissimum, deque Rep. & suâ & nostrâ optime meritum accipere redeuntem velitis rogamus: sicuti & nos verissimostrarum laudum testimonio ornatum, abeuntem dimisimus prope inviti. Deus ad ipsius gloriam ecclesiæque præsidium *Orthodoxæ* vestris rebus felicitatem, nostræ amicitiae perpetuitatem concedat.

*Celsitudinum Vestrarum Studios.*

*Westmonasterio ex Aula nostra. die Novemb.  
An. Dom. 1657.*



OLIVERIUS Protector Reip.  
*Angliae, &c.*

*Excelsis & Præpotentibus Dominis*  
**FOEDERATI BELGII**  
Ordinibus

S. P. D.

*Excelsi & Præpotentes Domini, Amici Nostri  
ac Fœderati Charissimi,*

**G**eorgius Duningus Vir nobilis, nobis est multis ac variis negotiis summâ fide, probitate ac solertiâ perspectus jam diu & cognitus. Eum, ut apud vos Oratoris munere fungatur, mittendum censuimus, mandatisque nostris amplissimè instruximus. Eum itaque amico, ut consuevistis, animo recipiatis rogamus; & quoties habere se significaverit, quod nostro nomine vestrum cum *Excelsis Ordinibus* agat, amicè audire, fidemque adhibere; & quæ vos vicissim communicanda nobis censebitis, ea omnia, sicuti rectè potestis, perinde ac si nos ipsi coram essemus, ei committere velitis. De cætero vobis vestræque Reip. ad Dei gloriam ecclesiæque præsidium secundas res omnes ex animo præcamur.

*Celsitudinum Vestrarum Studiosissimus*

OLIVERIUS &c.

*Westmonasterio ex Aula nostra. die Decemb.  
An. Dom. 1657.*

OR.

ORDINIBUS HOLLANDIÆ.

**C**um ea nostræ Reip. cum vestra intercedat necessitudo, ea sint utrinque negotia, ut sine Oratore atque interprete vel hinc vel inde missæ res tantæ ad utilitatem utriusque gentis constitui commodè vix possint, ex usu communi fore arbitrati sumus, ut *Georgium Duningum* Virum nobilem, multis ac variis negotiis summâ fide, probitate ac solertiâ spectatum jam diu nobis & cognitum eo munere instructum mitteremus: qui nostro nomine apud vos maneat, iis maxime officiis intentus, quibus nostra amicitia facta tecta conservari posse quam diutissimè videatur. Hac de re cum ad Excelsos & Præpotentes Ordines scripsimus, tum vos quoque qui in Provinciâ vestrâ summæ rei præsidetis & Fœderati Belgii tanta pars estis certiores faciendos per litteras duximus; ut & nostrum Oratorem eâ ratione quâ convenit accipiatis, & quæ ille cum *Excelsis Dominis Ordinibus* transegerit, ea vobis persuadeatis peræque firma ac rata nos esse habituros, ac si ipsi rebus transactis coram interfuissemus. Deus consilia vestra & facta omnia ad gloriam suam & Ecclesiæ pacem dirigat.

*Westmonasterio &c. Decemb. 1657.*

OLI.



OLIVERIUS Protector Reip.  
Angliæ &c.

*Serenissimo Principi*

F E R D I N A N D O  
*Magno Duci Hetruria.*

*Serenissime Dux Magne, amice noster  
plurimum colende,*

**P**ermagnam nobis attulere voluptatem literæ  
*Celsitudinis Vestræ* decimo Novemb. Floren-  
tiæ datæ; in quibus benevolentiam erga nos  
Vestram eo vidimus perspectiorem, quanto  
res ipsæ verbis, facta promissis certiora bene-  
volentis animi indicia sunt: quæ nempe rogavi-  
mus *Celsitudinem* vestram, juberet illum navem  
*Lodovici parvi* præfectum *Gulielmum Ellum*  
qui fidem *Turcis* datam turpissimè fregerat, &  
ipsum comprehendi, & navem cum mercibus  
in portu retineri, quoad *Turcarum* quæ essent  
redderentur, ne nomen *Christianum* per istius-  
modi furta labem aliquam susciperet, ea omnia  
& summo quidem studio, quod satis intelli-  
gimus, scripsit *Celsitudo Vestra* se præstitisse. Nos  
itaque cum pro accepto beneficio gratias agi-  
mus, tum hoc porro nunc petimus, quando  
quidem satisfactum isti *Turcis* Mercatores in  
receperunt, ut & Præfectus ille custodiâ liberetur.

tur, & navis cum mercibus quamprimum di-  
mittatur; ne *Turcarum* forte rationem potio-  
rem, quam nostrorum civium habuisse videa-  
mur. Interim *Celsitudinis Vestræ* spectatâ volun-  
tate erga nos singulari, & sanè gratissimâ sic  
libenter fruimur, ut ingratitude notam non  
recusemus, nisi pari promptitudine vobis vi-  
cissim gratificandi occasionem quam primum  
dari nobis exoptamus, ex qua nostram quoque  
in reddendis officiis promptitudinem animi re-  
bus ipsis erga vos demonstrare possimus.

*Celsitudinis Vestræ Studiofissimus*

OLIVERIUS &c.

*Westmonasterio ex Aulâ nostrâ.  
Decemb. An. Dom. 1657.*

OLIVERIUS Protector Reip.  
Angliæ &c.

*Serenissimo ac Potentissimo Principi*

C A R O L O G U S T A V O  
*Suecorum, Gothorum, Vandalorumque Regi.*

*Serenissime Potentissimeque Rex, Amice ac  
Fæderate invictissime,*

**M**ulta simul attulere nobis literæ *Majestatis  
vestræ* 21. Feb. in *Castris Selandicis* datæ,  
cur, & privatim nostrâ, & totius reipub. *Chri-  
stiana*



*stiana* causâ, lætitiâ haud mediocri afficeremur; primum quod Rex *Dania*, non suâ credo voluntate aut rationibus, sed hostium communium artibus factus hostis, repentino vestro in intimum ejus regnum adventu, sine multo sanguine, eò sit redactus, ut, quod reserat, utiliore sibi pacem bello contra vos suscepto tandem judicaverit: deinde cum is eam nullâ se ratione citius posse consequi existimaret, quam si delata sibi jamdiu ad conciliandam pacem nostrâ operâ uteretur, quod *Majestas Vestra* solis Internuntii nostri literis exorata, tam facili pacis concessione ostenderit, quantum nostrâ amicitia atque gratiâ interpositâ apud se valeret: meumque imprimis in hoc tumpio negotio officium esse voluerit, ut pacis tam salutaris *Protestantium* rebus, uti spero, mox futuræ ipse potissimum unus conciliator atque auctor propemodum essem. Cum enim Religionis hostes conjunctas opes vestras alio pacto frangere se posse desperarent, quàm si vos inter vos commisissent, habebunt nunc, profectò quod per timefcant, ne armorum animorumque, ut spero, vestrorum hæc inopinata conjunctio ipsis belli hujus conflatoribus in perniciem vertat. Tu interim, Rex fortissime, mactē tuâ egregiâ virtute; & quam felicitatem in rebus tuis gestis victoriarumque cursu contra Regem nunc socium hostes Ecclesiæ nuper admirati sunt, eandem in suâ rursus clade, Deo benè juvante, fac sentiant.

*Westmonasterio ex Palatio Nostro.*

30. die Martii 1658.

OLIVERIUS Protector Reip.  
Angliæ &c.

*Serenissimo Principi*

F E R D I N A N D O  
Magno Duci Hettruriæ.

*Serenissime Princeps,*

Q Uod satisfacturum arbitramur *Celsitudini Vestre* de nostro classis præfecto qui ad portus vestros nuper est delatus, vestro apud nos Oratori respondimus: Interim per libellum supplicem nobis ostendit *Joannes Hosterus Londinensis*, cujusdam navis, cui *Dominæ* nomen, Magister, se, cum anno 1656. mense Aprili, navem suam ex syngrapha (chartam partitam Jus nostrum vocat) *Josepho Armano Italo* cuidam locasset, isque factas in syngrapha pactiones ter apertè fregisset, coactum esse demùm, ne navem suam, totumque onus ejus, sortem denique totam amitteret, more mercatorio declaratâ publicè ejus fraude, & in tabulas publicas relatâ, *Liburni* in jus eum vocare: cum autem, ut fraudem fraude tueretur, adhibitis in societatem duobus aliis negotiatoribus litigiosis, de pecunia *Thomæ* cujusdam *Clutterbuxi* sex mille octonos, conficito quodam obtentu, petitoris hujus nomine occupasse: se, post multas impensas consumptumque tempus, jus suum *Liburni*



*burni* obtinere non posse; ne audere quidem, propter adversariorum minas atque insidias, in iudicio illic comparere. Petimus itaque à *Celsitudine vestra*, ut cum huic homini oppresso subvenire, tum hujus adversarii insolentiam pro consuetâ suâ iustitiâ velit coercere: frustra enim auctoritate Principum leges essent civitatibus latæ, si vis atque injuria, cum, ne omnino sint leges, efficere non possint, possint efficere terrore ac minis, ne quis ad eas audeat confugere. Verum in hujusmodi audaciam quin maturè animadversura sit *Celsitudo Vestra*, non dubitamus; cui pacem prosperaque omnia à Deo Opt. Max. precamur.

*Westmonasterio ex Aula Nostra.*  
die 7. April. An. Dom. 1658.

Serenissimo Potentissimoque Principi  
**L U D O V I C O**  
Galliarum Regi.

*Serenissime Potentissimeque Rex, Amice ac  
Fœderate augustissime,*

**M**eminisse potest *Majestas Vestra* quo tempore inter nos de renovando fœdere agebatur, quod optimis auspiciis initum multa utriusque populi commoda, multa hostium communium exinde mala testantur, accidisse miseram illam *Convallensium* occisionem, quorum

rum causam undique desertam atque afflictam vestræ misericordiæ, atque tutelæ summo cum ardore animi ac miseratione commendavimus. Nec defuisse per se arbitramur *Majestatem Vestram* officio tam pio, immo verò tam humano, pro eâ quâ apud *Ducem Sabaudia* valere debuit vel auctoritate vel gratiâ: nos certè alique multi Principes ac Civitates, Legationibus, Literis, Precibus interpositis, non defuimus. Post cruentissimam utriusque sexus omnis ætatis trucidationem, pax tandem data est, vel potius inducta pacis nomine hostilitas quædam tectior: conditiones pacis vestro in oppido *Pinaroli* sunt latæ; duræ quidem illæ, sed quibus miseri atque inopes dira omnia atque immania perpeffi faciliè acquiescerent, modo iis, duræ & iniquæ ut sint, staretur; non statur; sed enim earum quoque singularum falsâ interpretatione variisque divorticulis fides eluditur ac violatur; antiquis sedibus multi dejiciuntur, religio patria multis interdicitur, tributa nova exiguntur, arx nova cervicibus imponitur, unde milites crebro erumpentes obvios quosque vel diripiunt vel trucidant: ad hæc nuper novæ copiæ clanculum contra eos parantur; quique inter eos *Romanam Religionem* colunt, migrare ad tempus jubentur; ut omnia nunc rursus videantur ad illorum internecionem miserimorum spectare, quos illa prior sapiena Reliquos fecit. Quod ego per dextram tuam, *Rex Christianissime*, quæ fœdus nobiscum & amicitiam percussit, obsecro atque obtestor, per



per illud *Christianismi* Tituli decus sanctissimum, fieri ne siveris: nec tantam sæviendi licentiam non dico principi cuiquam ( neque enim in ullum Principem, multo minus in ætatem illius principis teneram, aut in muliebre matris animum tanta sævitia cadere potest ) sed sacerdotibus illis sicariis ne permiseris; qui cum Christi Servatoris nostri servos atque imitatores sese profiteantur, qui venit in hunc mundum ut peccatores servaret, ejus mitissimo nomine atque institutis ad innocentium crudelissimas cædes abutuntur: eripe qui potes, quique in tanto fastigio dignus es posse, tot supplices tuos homicidarum ex manibus, qui cruore nuper ebrii, sanguinem rursus sitiunt; suæque invidiam crudelitatis in Principes derivare consultissimum sibi ducunt. Tu verò nec titulos tuos aut Regni fines ista invidiâ, nec Evangelium Christi pacatissimum istâ crudelitate foedari te regnante patiaris. Memineris hos ipsos avi tui HENRICI Protestantibus amicissimi dedititios fuisse; cum Digniorius per ea loca, quæ etiam commodissimus in Italiam transitus est, Sabaudum trans Alpes cedentem victor est insecutus: deditiois illius instrumentum in actis regni vestri publicis etiamnum extat; in quo exceptum atque cautum inter alia est, Ne cui postea *Convallenses* traderentur, nisi iisdem conditionibus quibus eos avus tuus invictissimus in fidem recepit. Hanc fidem nunc implorant, avitam abs te Nepote Supplices requirunt: tui esse, quàm cujus nunc sunt, vel permutatione aliquâ, si fieri possit, malint

malint atque optarint: id si non licet, patrocini-  
nio saltem, miseratione atque perfugio. Sunt  
& rationes regni quæ hortari possint ut *Convallenses* ad te confugientes ne rejicias; sed nolim  
te, Rex tantus cum sis, aliis rationibus ad defensionem calamitosorum quàm fide à majoribus data, pietate, regiaque animi benignitate ac magnitudine permoveri. Ita pulcherrimi facti laus atque gloria illibata atque integra tua erit, & ipse Patrem misericordiæ ejusque filium *Christum Regem*, cujus nomen atque doctrinam ab immanitate nefaria vindicaveris, eo magis faventem tibi atque propitium per omnem vitam experieris. Deus Opt. Max. ad gloriam suam, tot innocentissimorum hominum *Christianorum* tutandam salutem, vestrumque verum decus *Majestati Vestræ* hanc mentem injiciat.

*Westmonasterio. Maii*  
*An. Dom. 1658.*

#### *Civitatibus*

### HELVETIORUM Euangelicis.

*Illustres atque Amplissimi Domini,*  
*Amici Charissimi,*

DE *Convallensibus* Vicinis Vestris afflictissimis, quàm sint à Principe suo gravia & intolleranda religionis causâ passi, cum propter ipsam



ipsam rerum atrocitatem horret prope animus recordari, tum ad vos ea scribere quibus notiora multo sunt, supervacuum duximus. Exemplum etiam literarum vidimus quas Legati vestri pacis jamdudum *Pinaroliana* hortatores atque testes ad *Allobrogum* Ducem illiusque *Taurinensis* consilii Præsidentem scripserunt; in quibus rupas esse omnes pacis conditiones, illisque miseris fraudi potius quam securitati fuisse singularim, ostendunt atque evincunt. Quarum violationem ab ipsa statim pace datâ in hunc usque diem continuatam, & indies graviolem nisi æquo animo pariuntur, nisi se conculcandos planè & perfundandos prosternunt atque abiciunt, religione etiam ejuratâ, impendet eadem calamitas, eadem strages, quæ ipsos cum conjugibus ac liberis tertio ab hinc anno sic miserabilem in modum attrivit atque afflixit, & subeunda iterum si est, funditus eradicabit. Quid agant miseri? quibus nulla deprecatio, nulla respiratio, nullum adhuc certum perfugium paruit; res est cum feris aut cum furiis, quibus priorum cædium recordatio nullam poenitentiam, aut suorum civium miserationem, nullum sensum humanitatis aut fundendi sanguinis satietatem attulit. Hæc ferenda planè non sunt, siue fratres nostros *Convalleses Orthodoxæ Religionis* cultores antiquissimos, siue ipsam Religionem salvam volumus. Et nos quidem locorum intervallo plus nimio disjuncti, quod opis aut facultatis nostræ fuit & præstitimus ex animo, & præstare non desinemus. Vos qui non modo fratrum crucia-

tibus

tibus ac penè clamoribus, verum etiam eorumdem furori hostium proximi estis, prospicite per Deum immortalem idque mature quid vestrum nunc partium sit; quid auxilii, quid præsidii vicinis ac fratribus alioqui mox periuris ferre possitis ac debeatis, prudentiam vestram ac pietatem, fortitudinem etiam vestram consulite. Causa certè eadem est Religio, cur iidem hostes vos quoque perditos velint, immo cur eodem tempore, eodem superiore anno, fœderatorum vestrorum intestino Marte perditos voluerint. Vestra duntaxat in manu post opem divinam videtur esse, ne purioris ipsa stirps Religionis vetustissima in illis præseorum fidelium reliquiis excindatur: quorum salutem in extremum jam discrimen adductam si negligitis, videte ne vosmetipsos paulo post proximæ vices urgeant. Hæc dum fraternè ac liberè hortamur, ipsi interea non languescimus: quod solum nobis conceditur tam longinquis, cum ad procurandam periclitantium incolumitatem tum ad sublevandam egentium inopiam, omnem operam nostram & contulimus & conferemus. Deus det utrisque nobis eam domi tranquillitatem ac pacem, eum rerum ac temporum statum, ut omnes nostras opes atque vires, omne studium ad defendendam ecclesiam suam contra hostium suorum furorem ac rabiem, convertere possimus.

Westmonasterio ex Aula nostra. Maii  
die An. Dom. 1658.



*Eminentissimo Domino*  
**CARDINALI MAZARINO**

SALUTEM.

*Eminentissime Domine,*

**I**llatæ nuper *Protestantibus*, qui *Valles* quasdam *Alpinas* in ditione *Ducis Sabaudie* incolunt, gravissimæ calamitates cædesque cruentissimæ fecere ut inclusas has literas ad Majestatem Regiam, hasque alteras ad *Eminentiam Vestram* Scripserim. Et quemadmodum de Rege Serenissimo dubitare non possum quin hæc tanta crudelitas, quâ in homines innoxios atque inopes tam barbarè sævitum est, vehementer ei displiceat atque offensa sit; ita mihi facile persuadeo quæ ego à Majestate Regiâ illorum causâ miserorum peto, ad ea impetranda vestram quoque operam atque gratiam, velut cumulum, accessuram. Cum nihil planè sit quod *Francorum Genti* benevolentiam apud suos omnes vicinos *Reformatæ Religionis* cultores majorem conciliaverit, quam libertas illa ac privilegia quæ ex edictis suis atque actis publicis permissa *Protestantibus* atque concessa sunt. Et hæc quidem *Respublica* cum propter alias tum hanc potissimum ob causam *Gallorum* amicitiam ac necessitudinem majorem in modum expetivit.

De

De qua constituenda jamdiu cum *Legato Regis* apud nos agitur ejusque tractatio jam penè ad exitum perducta est. Quid! quod etiam singularis benignitas *Eminentie Vestre*, ac moderatio, quam in summis Regni rebus gerendis erga *Protestantes Gallie* semper testata est, à prudentiâ vestrâ & magnitudine animi ut hoc sperem atque expectem, facit; qua ex re & fundamenta arctioris etiam necessitudinis inter hanc *Rempublicam*, *Regnumque Gallicum* *Eminentia vestra* jecerit, meque sibi privatim ad officia omnia humanitatis ac benevolentiae vicissim reddenda obligaverit: adeoque hoc velim *Eminentia vestra* sibi persuasissimum habeat.

*Eminentie Vestre Studiosissimus.*

**OLIVERIUS** Protector Reip.  
 Angliæ

*Serenissimo ac Potentissimo Principi*

**LUDOVICO**  
 Galliarum Regi.

*Serenissime Potentissimeque Rex, Amice*  
*ac Fæderate Augustissime,*

**T**homam Vice Comitem *Falconbrigium* Generum meum in *Galliam* proficiscentem, & ad testificandum obsequium suum & observantiam,



vantiam, qua *Majestatem Vestram* colit, venire in conspectum vestrum, *Regiamque Manum* osculari cupientem, tametsi propter consuetudinem ejus jucundissimam iavitus dimitto, tamen cum non dubitem quin ab aula tanti Regis, in qua tot viri prudentissimi fortissimique versantur, multo instructior ad res quasque laudatissimas, & quasi consummatus ad nos brevi sit reversurus, obistendum esse ejus animo ac voluntati non sum arbitratus. Et quanquam is est, nisi Ego fallor, qui per se satis commendatus, quocumque accesserit, videri possit, tamen si se mea gratia *Majestati Vestra* aliquanto commendatiorem fuisse senserit, eodem me quoque beneficio affectum atque devinctum arbitrabor. Deus *Majestatem Vestram* incolumem, nostramque amicitiam firmissimam communi orbis *Christiani* bono quam diutissime conservet.

*Westmonasterio ex Aula nostra. Maii  
die An. Dom. 1658.*

OLIVERIUS Protector Reip.  
Angliæ, &c.

*Eminentissimo Domino*  
CARDINALI MAZARINO.

*Eminentissime Domine,*

Cum *Thomam* Vicecomitem *Falconbrigium* Generum meum proficiscentem in *Galliam* *Serenissimo Regi* commendaverim, non potui quin ea de re *Eminentiam Vestram* certiore facerem, nec non vobis etiam eundem commendarem: id quantum ponderis atque momenti ad superiorem quoque commendationem allaturum sit non nescius. Quem certe fructum commorationis apud vos suæ, sperat autem non mediocrem hunc fore, percepturus est, ejus maximam partem favori vestro ac benevolentiae non poterit non debere; cuius prope sola mens ac vigilantia res tantas eo in regno sustinet actuetur. Quicquid ei gratum *Eminentia Vestra* fecerit, id mihi fecisse se existimet; id ego in multis vestris erga me humaniter & amicè factis numerabo.

*Westmonasterio. Maii  
An. Dom. 1658.*



OLIVERIUS Protector Reip.  
Angliæ &c.

*Eminentissimo Domino*

CARDINALI MAZARINO.

*Eminentissime Domine,*

CUM illustrissimum virum Thomam Bellasum Vicecomitem Falconbrigium generum meum Serenissimi Regis adventum in castra ad *Dunkirkam* gratulatum mitterem, eidem præcepi ut *Vestram* quoque *Eminentiam* adiret, meoque nomine & plurimam salutem dicat, & gratias vobis agat, cujus potissimum fide, prudentiâ, vigiliantia perfectum est, ut res Gallica tam diversis in partibus, & præsertim in vicina Flandriâ contra Hispanum hostem communem tam prosperè geratur: à quo nunc celeriter, uti spero, fraudum & insidiarum, quibus se maxime tuetur, aperta atque armata virtus poenas reposcet: quod uti fiat quàm citissimè, nos certe neque copiis, quantum possumus, neque votis decriimus.

*Westmonasterio ex Aula nostra.*

*Maii An. Dom. 1658.*

OLI-

OLIVERIUS Protector Reip.  
Angliæ &c.

*Serenissimo ac Potentissimo Principi*

LUDOVICO

Galliæ Regi.

*Serenissime Potentissimeque Rex, amice  
ac Fœderate Augustissime,*

UT nuntiarum est venisse in castra *Majestatem vestram*, tantisque copiis infame illud oppidum piratarum atque asylum *Dunkirkam* obsedisse, & magnam cepi voluptatem, & spem certam, fore nunc brevi, Deo bene juvante, ut infestum minùs posthac latrocinii mare tutius navigetur; fore ut *Hispanicis* fraudes, ducem alterum ad *Hesdenæ* prodicionem auro corruptum, alterum ad *Ostendam* dolo captum virtute bellicâ *Majestas vestra* nunc brevi vindicet. Mitto itaque nobilissimum virum Thomam Vicecomitem *Falconbrigium* generum meum, qui & adventum vestrum in tam propinqua nobis castra gratularetur, & coram exponat quanto nos studio *Majestatis vestre* res gestas non junctis solum viribus nostris, sed votis etiam omnibus prosequamur, uti Deus Opt. Max. & ipsam incolumem, & nostram

I s

ami-



amicitiam firmissimam communi orbis Christi-  
 stiani bono quam diutissime conserve.

*Westmonasterio ex Aula nostra, Maii*  
*An. Dom. 1658.*

*Serenissimo Principi*

F E R D I N A N D O,  
 Duci Magno Hetruriæ.

*Serenissime Dux Magne,*

Cum Celsitudo vestra in omnibus quidem  
 literis suis summam erga nos benevolentiam  
 suam nobis semper significaverit, dolemus id  
 prefectis vestris ac ministris aut tam obscure  
 significatum, aut tam male esse intellectum,  
 ut in *Portu Liburnensi*, ubi maxime quæ vestra  
 sit erga nos benevolentia intelligi oporteret, nos  
 nullum ejus fructum aut indicium percipere  
 queamus; immo alienum potius & hostilem  
 vestrorum in nos animum indies experiamur.  
 Quam enim non amicis nostra classis *Libur-*  
*nensis* usque nuperrime sit, quam nullis adju-  
 rebus, quam hostiliter denique accepta bis ab  
 illo oppido discedere coacta sit, cum ex eo ipso  
 loco multis testibus fide dignis, tum ex ipso  
 Navarcho nostro, cui cum classe credamus,  
 narrandi fidem derogare non possumus, satis  
 videmur nobis nimisque certo cognovisse. Prio-  
 re ejus adventu *Cal. Jan.* post redditas Celsitu-  
 dini

dini vestræ literas nostras, vestraque omnia  
 humanitatis officia nostris hominibus ultro de-  
 lata, petentibus ut portus *Ferrarii* commodi-  
 tate uti liceret, responsum est, id concedi non  
 posse, ne *Rex Hispaniæ* scilicet noster hostis of-  
 fenderetur. Et tamen quid est quod princeps  
 amicus amico præbere commutius possit,  
 quam littoris ac portus aditum? quid est quod  
 nos expectare ab hujusmodi amicitia possimus  
 quæ hostium nostrorum animum ne offendar,  
 incommodare nobis quam commodare, aut  
 vel minimis rebus subvenire paratior sit. Et pri-  
 mo quidem ex singulis navibus duobus vel tri-  
 bus nautis duntaxat excensus in terram, sive  
 commercium (quam vos *Practicam* vocatis)  
 est datum: mox ut auditum est in oppido, na-  
 vem quandam *Belgicam*, quæ frumentum in  
*Hispaniam* portabat, à nostris esse interceptam,  
 quod erat antea commercii statim adimitur;  
*Longlandius* qui nostris illic Mercatoribus præsi-  
 det, classem adire non permittitur; aquatio,  
 quæ omnibus non planè hostibus libera est, non  
 nisi sub armatis custodibus iniquo pretio, &  
 quidem egerime præbetur: tot nostris Merca-  
 toribus qui non sine maximo vestrorum emolu-  
 mento illic versantur, suos ne invitant popu-  
 lares aut ullare adjuvent interdicitur. Posteriore  
 ejus adventu sub exitum mensis *Martii*, egres-  
 sus ex navibus nemini datur: quinto post die  
 cum naviculam quandam *Neapolitanam* præto-  
 ria navis nostra incidentem in nos fortè exce-  
 pisset ducenta plus minus tormenta ab oppido  
 clas-



classsem versus disploduntur quorum nullum  
ictu nos læsit ne attigit quidem : quod argu-  
mento esse potest quàm longè hæc à Portu atque  
castelli ditone in alto gererentur , quæ vestros  
quasi portu violato sic sine causa irritant :  
confestim aquatorum nostrorum scaphæ intra  
portum oppugnantur ; una capitur , detinetur ;  
repositibus neque scapham neque homines  
redditum iri respondetur , nisi capta illa navis  
*Neapolitana* reddatur quam constat libero mari  
captam , ubi capi licuit. Ita nostri multis modis  
incommodati sine illo comeatu , quem nume-  
ratâ pecuniâ coemerant , abire denuo cogun-  
tur. Hæc si *Celsitudinis vestræ* voluntate ac iussu  
quod speramus non sunt , peius id ostendat  
præfetti illius supplicio , qui amicitias Domini  
sui violare tam facile in animum induxit : sin est  
ut sciente ac volente *vestrâ Celsitudine* com-  
missa hæc sint , cogitet nos , ut benevolentiam  
vestram plurimi semper fecimus , ita apertas  
injurias à benevolentia dignoscere didicisse.

*Vester quoad licet bonus amicus*

OLIVERIUS Protector Reip.  
Angliæ &c.

*Westmonasterio ex Aula nostra. Maii  
die An. Dom. 1658.*

OLIVERIUS Protector Reip.  
Angliæ &c.

*Serenissimo potentissimoque Principi*

LUDOVICO  
Galliæ Regi.

*Serenissime potentissimeque Rex , Amice  
ac Fœderate Augustissime ,*

Quod tam celeriter illustri missâ Legatione  
*Majestas Vestra* meum officium cumulo  
rependit , cum singularem benignitatem , ani-  
mique magnitudinem testata est suam , tum  
meo etiam honori ac dignitati quantopere sa-  
veat , non mihi solum declaravit , verum etiam  
universo populo Anglicano : quo nomine Ma-  
jestati Vestræ , pro eo ac de me merita est ,  
gratias & ago & habeo maximas. De victoria  
quam conjunctis nostris copiis Deus contra ho-  
stes felicissimam dedit , vobiscum unâ lætor ;  
nostrosque in eo prælio neque subsidiis vestris ,  
neque majorum suorum bellicæ gloriæ , neque  
suar denique virtuti pristinæ defuisse perquam  
etiam gratum est. De *Dunkirka* , quam dedi-  
tioni proximam *Majestas Vestra* sperare se scri-  
bit , eam nunc deditam tam citò posse me rescri-  
bere insuper gaudeo : neque unius Urbis jactura  
duplicem perfidiam *Hispanum* propediem esse  
luitu.



lulturum spero; quod captâ urbe altera effectum  
esse, velim *Majestas* etiam *vestra* tam citò possit  
rescribere. Quod reliquum pollicetur meas ra-  
tiones curæ sibi fore, de eo regi optimo atque  
amicissimo pollicenti, ejusque Legato excel-  
lentissimo atque ornatissimo viro *Duci Crequiesi*  
idem confirmanti, non diffido; Deumque  
Opt. Max. *Majestati vestrae Reique Gallica* domi  
bellique propitium exopto.

*Westmonasterio. die Junii*

*An. Dom. 1658.*

OLIVERTUS Protector Reip.  
Angliæ &c.

*Eminentissimo Domino*

CARDINALI MAZARINO.

*Eminentissime Domine,*

CUM *Regi Serenissimo* per literas gratias agam  
qui honoris & gratulationis reddendæ cau-  
sâ, suæque lætitiæ de nobilissima recenti victo-  
ria mecum communicandæ Legationem Splen-  
didissimam misit, ingratus tamen sim, nisi  
*Eminentia* quoque *vestra* debitas simul gratias  
per literas persolvam, quæ ad testandam suam  
erga me benevolentiam, meique rebus omni-  
bus quibus potest ornandi studium, nepotem  
suum præstantissimum atque ornatissimum ado-  
lescentem unâ misit, & siquem haberet apud  
se

se propinquiorem aut quem pluris faceret, cum  
potissimum fuisse missurum scribit: additâ etiam  
ratione, quæ ab judicio tanti Viri profecta ad  
meam haud mediocrem laudem atque orna-  
mentum pertinere existimo; nempe ut qui san-  
guine conjunctissimi sibi sunt in me honorando  
atque colendo *Eminentiam suam* imitarentur.  
Et humanitatis quidem, candoris, amicitia  
vestrum in me diligendo exemplum haud po-  
stremum fortasse habuerint; summæ virtutis  
summæque prudentiæ alia in vobis longe clario-  
ra; quibus regna resque maximas summa cum  
gloria administrare discant. Qua res uti possit  
*Eminentia vestra* quam diutissimè quamque fe-  
licissimè gerere ad totius *Regni Gallici*, immo  
totius *Reip. Christianæ* commune bonum, ve-  
strumque proprium decus, non defutura mea  
vo. a polliceor.

*Eminentia Vestrae Studiosissimus.*

*Westmonasterio ex Aulanostra. die*  
*Junii An. Dom. 1658.*



OLIVERIUS Protector Reip.  
Angliæ &c.

Serenissimo Potentissimo Principi

CAROLO GUSTAVO

Suecorum, Gothorum, Vandalorumque  
Regi &c.

Serenissime Potentissimeque Rex, Amice ac  
Fæderate Charissime,

Quoties communium Religionis hostium  
importuna consilia variasque artes intue-  
mur, toties nobiscum reputamus, quàm ne-  
cessarium orbi *Christiano*, quamque salutare sit  
futurum, quo faciliùs adversariorum conatibus  
iri obviam possit, Protestantium Principes in-  
ter se, & potissimum *Majestatem vestram* cum  
*Repub.* nostra arctissimo fœdere conjungi. Id  
à nobis quantopere sit, quantoque studio expe-  
titum, quàm denique gratum nobis accidisset,  
si *Suecorum* nostræque res ea conditione ac loco  
fuissent, ut fœdus illud ex utriusque animi sen-  
tentia sanciri, alterque alteri opportunissimo  
auxilio esse potuisset, Oratoribus vestris, ex  
quo primum illi hoc apud nos egerunt, testa-  
tum reddidimus. Neque vero illi suo muneri  
desuerunt; sed quam cæteris in rebus consue-  
verunt, eandem hæc quoque in parte pruden-  
tiam

tiam ac diligentiam adhibuerunt. Verùm ea nos  
domi improborum civium perfidia exercuit qui  
in fidem sæpius recepti, res novæ tamen mo-  
bili, & cum exulibus, etiam cum hostibus *Hispa-*  
*niis* discussa jam sæpe & profligata consilia repe-  
tere non desinunt, ut in propulsandis periculis  
propriis occupati, neque curam omnem, neque  
integras opes quod in votis erat, ad commu-  
nem *Religionis* causam tuendam convertere ha-  
ctenus potuerimus. Quod licuit tamen, quan-  
tumque in nobis situm erat, & antea studiosè  
præstitimus, & siquid in posterum *Majestatis*  
*vestræ* rationibus conducere videbitur, id non  
velle solum, verùm etiam summâ ope vobis-  
cum unâ agere per occasiones non desistemus.  
Interea *Majestatis vestræ* rebus prudentissimè  
fortissimèque gestis gratulamur atque ex animo  
lætatur: eundemque uti velit Deus felicitatis  
atque victoriæ cursum esse quam diuturnum ad  
sui numinis gloriam assiduis precibus exopta-  
mus.

Westmonasterio ex Aula nostra. Junii  
die An. Dom. 1658.



OLIVERIUS Protector Reip.  
Angliæ &c.  
Serenissimo Principi

Lusitaniæ Regi.  
S. P. D.

*Serenissime Rex, Amice ac Fœderate,*

O Stendit nobis per libellum supplicem *Joannes Buffield* Mercator *Londinensis*, se anno 1649. merces quasdam *Antonio Joanni & Manuelli Ferdinando Castaneo Tamirensibus* tradidisse, uti iis divenditis earum rationem mercatorum more sibi redderent: tum in *Angliam* dum navigaret, in piratas incidisse, spoliatumque ab iis damnum haud mediocre accepisse: hoc audito, *Antonium & Manuelem* eò quod hunc interfectum credebant, traditas sibi merces statim pro suis habuisse, adhuc etiam retinere, rationemque omnem de iis recusare; atque huic fraudi subsecutam paulo post *Anglicarum* mercium proscriptionem obtendere; coactum se demum superiore anno, hyeme mediâ in *Lusitaniam* redire, sua repetere; sed frustra; hos enim neque bona neque rationem ut reddant adduci posse; & quod mirum sanè videatur, privatam illarum mercium possessionem proscriptione

scriptione publicâ defendere: cum videret se hominem longinquum deteriore conditione cum *Tamirensibus* in sua patria contendere, ad *Majestatem Vestram* se confugisse; Conservatoris judicium, qui judicandis Anglorum causis constitutus est, supplicem poposcisse; à *Majestate Vestra* rursus ad forensam illam cognitionem, unde confugerat, rejectum esse. Quod etsi per se iniquum non est, tamen cum perspicuum sit *Tamirenses* istos vestro edicto publico ad suam privatam fraudem abuti, à *Majestate Vestra* majorem in modum petimus, ut causam hujus multis casibus afflicti, ad inopiamque redacti ad Conservatorem potius judicem proprium veli pro sua clementia integram remittere: quo possit inops fortunarum suarum quod superest ab illorum hominum infida societate recuperare: id, re cognita, quin *Majestati vestræ* nobiscum unâ maxime placeat non dubitamus.

*Westmonasterio ex Aula nostra.*  
*die Augusti 1658.*

Sere.



*Serenissimo Principi*

**L E O P O L D O**  
Austriæ Archiduci, Provin-  
ciarum in Belgio sub Phi-  
lippo Hispaniarum Regi  
Præsidi.

*Serenissime Domine,*

**C**arolus Harbordus, vir Equestris apud nos  
Ordinis, per libellum supplicem ad nos  
detulit, se bona quædam & supellestem cum  
ex Hollandiâ Brugas in ditionem vestram aspor-  
tasset, de iis, ne sibi per vim atque injuriam  
eripiantur, inopinatò periclitari. Ea nempe,  
cum à Comite Suffolchiensi pro quo se grandi  
ære alieno obstrinxerat, ex Angliâ Anno 1643.  
missa ad se idcirco fuissent, ut haberet, quo  
sibi satisfaceret, siquid pro illo dissolvere co-  
geretur, à Richardo Grenvillo, qui & ipse Eque-  
stris Ordinis esse fertur, occupari, & quo in  
loco custodiebantur, Effractis foribus atque  
articulis possideri: hoc solo titulo, deberi sibi  
nescio quid à Theophilo Suffolchiensi Comite de-  
functo, ex quodam nostræ Curia Cancellaria  
decreto, eaque proinde bona quasi Theophili  
Comitis essent, eique decreto obnoxia, se re-  
ferenda

serenda in tabulas curasse: cum ex nostris legi-  
bus neque ipse Comes, qui nunc est, & ejus  
hæc bona sunt eo decreto teneatur, neque bona  
ejus occupari aut retineri debeant: id quod ex  
sententiâ ejusdem Curia una cum hisce literis ad  
vos missâ, declaratur, quas quidem literas su-  
pradietus Carolus Harbordus à nobis petiit, ut  
per eas Celsitudinem vestram rogatam vellemus,  
ut bona illa & retentione omni, & iniquâ istâ  
Richardi Grenvilli Actione, primo quoque tem-  
pore liberentur: cum hoc contra morem jusque  
Gentium planè sit, at cuiquam in aliena ditione  
eâ de re Actio detur, quæ in ea Regione, ubi  
causa Actionis orta est, legitimè dari non pos-  
sit. Hanc causam ut Celsitudini vestræ com-  
mendaremus, & ipsa justitiæ ratio, & prædicata  
passim vestra æquanimitas permovit. Quod  
si quo tempore usus venerit, ut de jure aut com-  
modis vestrorum apud nos agatur, haud re-  
missa profecto nostra studia, immo omni tem-  
pore propensissima experturos vos esse polli-  
ceor.

*Celsitudinis Vestrae Studiosissimus*

OLIVERIUS Protector Reip.  
Angliæ &c.

*Westmonasterio.*



Supremæ Curia Parlamenti  
Parisiensis.

**N**Os Commissarii Magni Sigilli Angliæ &c.  
Supremam Curiam Parlamenti Parisiensis  
rogatam volumus curare velit uti Miles, Guliel-  
mus, & Maria Sandys defuncti nuper Gulielmi  
Sandys & Elisabethæ Soamæ Uxoris ejus liberi,  
natione Angli, ætate nondum adultâ, Parisiis,  
ubi nunc in supradictæ Curia tutela sunt, ad nos  
quamprimum redire possint; eosque liberos  
Jacobo Mowato Scoto, Viro probo atque honesto  
velit committere, cui nos hanc curam delega-  
vimus, ut eos & inde acciperet, & ad nos huc  
adduceret: recipimusque, occasione hujus-  
modi oblata, jus idem atque æquum subditis  
Galliæ quibuscunque ab hac Curia redditum iti.

LIT.

L I T E R Æ  
RICHARDI Protectoris  
Nomine conscriptæ.

RICHARDUS Protector Reip.  
Angliæ &c.

Serenissimo ac Potentissimo Principi

L U D O V I C O  
Galliarum Regi.

Serenissime ac Potentissime Rex, Amice ac  
Fæderate,

**C**Um Serenissimus Pater meus gloriosæ me-  
memoriæ Oliverius Reip. Angliæ Protector,  
omnipotente Deo sic volente, supremum jam  
diem tertio Septembris obierit, Ego Successor  
ejus in hoc magistratu legitimè declaratus, ta-  
mersi in summo mœrore ac luctu, non potui  
tamen quin de re tanta primo quoque tempore  
Majestatem Vestram per literas certiore facerem,  
quam & mei patris & hujus Reip. amicis-  
simum hoc nuntio repentino haud lætaturam  
esse confido. Meum nunc est à Vestra Majestate  
pe-



petere, de me sic velit existimare, ut qui nihil deliberatius in animo habeam, quam societatem & amicitiam quæ gloriosissimo meo parenti vestra cum Majestate fuit, summâ fide atque constantiâ colere; ejusque fœdera, consilia, rationes vobiscum institutas eodem studio ac benevolentia observare rataque habere: Legatum proinde apud vos nostrum eadem quâ prius potestate præditum volo: quicquid id nostro nomine vobiscum egerit, ira accipere velitis rogo quasi à me ipso actum id esset. *Vestra* denique *Majestati* comprecor fausta omnia.

*Westmonasterio ex Aula Nostra.*  
5. Septemb. 1658.

*Eminentissimo Domino*

CARDINALI MAZARINO.

*Eminentissime Domine,*

Quamquam nihil mihi acerbius accidere potuit, quàm de Serenissimi & præclarissimi Patris mei obitu scribere, tamen cum sciam quanti ille fecerit *Eminentiam Vestram*, quanti vos illum, neque dubitem quin *Eminentia Vestra*, cui summa Rei *Gallicæ* commissa est amici ac fœderati tam constantis tamque conjuncti mortem molestissime latura sit, permagni referre arbitratus sum, ut eam quoque, simul cum Rege, de hoc casu gravissimo per literas mone-

rem;

rem; vobisque etiam, quoniam id æquum est, confirmarem, me ea omnia sanctissime præstiturum ad quæ præstanda vobis, rataque habenda Serenissimæ memoriæ Pater meus sordere tenebatur: perficiamque ut illum, utpote vobis amicissimum omnique laude florentem, cum amissum merito doletis, quàm minimè tamen quod ad servandam societatis fidem attinet, desideretis: cui etiam ad utriusque Gentis commune bonum vestra quoque ex parte servandæ Deus *Eminentiam Vestram* quàm diutissime conservet.

*Westmonasterio, Septemb. 1658.*

RICHARDUS Protector Reip.  
Angliæ &c.

*Serenissimo ac Potentissimo Principi*

CAROLO GUSTAVO

*Suecorum, Gothorum, Vandalarumque Regi &c.*

*Serenissime Potentissimeque Rex, Amice ac Fœderate,*

Cum videar mihi Paternam virtutem vix satis posse imitari, nisi easdem quoque amicitias colam & retinere cupiam, quas ipse & virtute sibi quæsit & sibi esse maxime colendas

K

das



das ac retinendas iudicio singulari duxit, non est quod dubitet *Majestas vestra* quin eodem se prosequi studio ac benevolentia debeam quā Pater meus memoriæ serenissimæ est prosecutus. Tametsi igitur in hoc magistratus ac Dignitatis initio non eo loco res nostras reperiam ut in præsentia possim ad quædam capita respondere, quæ Oratores vestri in medium protulerunt, tamen & institutum à patre fœdus cum *Majestate vestra* continuare & arctius etiam conjungere mihi quidem magnopere placet; rerumque utrinque statum simulac plenius intellexero, ad ea transigenda quæ cum utriusque reip. commodis potissimum conjuncta esse videbuntur, ero equidem semper, ad me quod attinet, promptissimus. Deus interim *Majestatem vestram* ad gloriam suam & *Orthodoxæ Ecclesiæ* tutelam atque præsidium quam diutissime conservet.

*Westmonasterio ex Aula nostra.*  
Octob. 1658.

RICHARDUS Protector Reip.  
Angliæ &c.

*Serenissimo ac Potentissimo Principi*

CAROLO GUSTAVO

*Suecorum, Gothorum, Vandalarum Regi, Magno Principi Finlandiæ, Duci Scaniæ, Esthoniæ, Careliæ, Brehmæ, Verdæ, Ste-tini-Pomeraniæ, Cassubiæ & Vandaliciæ; Principi Rugiæ, Domino Ingriæ & Wis-mariæ; nec non Comiti Palatino Rheni, Bavariciæ, Juliaci, Cliviæ & Montium Duci.*

*Serenissime, Potentissime Rex, Amice ac Fœderate,*

**B**inas accepi à *Majestate Vestra* literas; alteras per nuntium suum, alteras Legato nostro D. Philippo Meadow ad me transmissas. Ex quibus non solum dolorem suum de obitu Patris mei Serenissimi veris animi sensibus expressum, deque ipso *Majestas Vestra* quàm præclare senserit, verum etiam de me quoque ejus in locum suspecto quantam spem ceperit cognovi. Et ad paternæ quidem laudis cumulum nihil posthac amplius aut illustrius tanto authore accedere potest meis certe in capeßenda *Repub.* auspiciis nihil felicius tanto Gratulatore, ad virtutes de-  
nique



nique patrias tanquam hereditatem optimam  
adeundas nihil quod accendat vehementius tan-  
to horratore potuit accidere. Ad rationes Ma-  
jestatis Vestrae de communi Protestantium causa  
nobiscum initas quod spectat, sic velim existi-  
met, me quidem ex quo ad hanc gubernacula  
accesi, quanquam eo loco res nostrae sunt, ut  
summam diligentiam, curam, vigilantiam do-  
mi potissimum requirant, nihil tamen antiquius  
aut deliberatius habuisse aut habere quam pater-  
no foederi cum *Majestate Vestra* percussio quan-  
tum in me erit non deesse. Classem itaque in  
mare *Balticum* mittendam cum iis mandatis  
curavi quae Internuncius noster quem ad hoc  
totum negotium amplissime instruximus, Ma-  
jestati Vestrae communicabit. Quam Deus Opt.  
Max. incolumem prosperisque rerum successi-  
bus fortunatissimam ad *Orthodoxam fidem* tu-  
dendam diutissime conservet.

*Westmonasterio ex Aula nostra.*  
*die 13. Octob. 1658.*

RICHARDUS Protector  
Serenissimo ac Potentissimo Principi  
CAROLO GUSTAVO,  
Suecorum, Gothorum, Vandalorumque Regi &c.

*Serenissime, Potentissimeque Rex, Amice*  
*ac Foederate,*

Mitto ad Majestatem vestram, quo nihil  
dignius aut praestantius possum mittere,  
Virum verè egregium, vereque Nobilem *Geor-  
gium Aiscum, Equitem auratum*, non solum  
belli, & navalis praesertim scientiā multis ex  
rebus fortiter gestis cognitum jam saepe atque  
spectatum, verumetiam probitate, modestiā,  
ingenio, doctrinā praeditum, moribus suavissi-  
mis nemini non charum, &, quod nunc caput  
rei est, sub signis *Majestatis Vestrae* virtute belli-  
cā toto orbe terrarum florentissimā jam diu me-  
reri cupientem. Velinque sic habeat *Majestas*  
*Vestra*, quicquid huic Viro muneris commi-  
serit, in quo fides, fortitudo, experientia con-  
stare vel etiam praelucere possit, neque fideliori  
neque fortiori, nec facile peritiori posse se  
quicquam committere. Quae autem Ego illi  
negotia dederō communicanda *Vestrae Majesta-  
ti*, in iis expeditum aditum, autem benignam  
velit rogo praebere, eamque fidem, quam no-  
bis.



( 222 )  
hismetipsis coram fuisset habitura; eum denique honorem, quem tali viro & suis meritis & nostrâ commendatione ornatissimo convenire judicaverit. Deus res vestras ad gloriam suam & *Orthodoxæ Ecclesiæ* præsidium felici exitu fortunet.

*Westmonasterio ex Aula nostra.*  
*die Octob. 1658.*

RICHARDUS Protector Reip.  
Angliæ &c.

Serenissimo Potentissimoque Principi  
CAROLO GUSTAVO,  
*Suecorum, Gothorum, Vandalorumque Regi &c.*

*Serenissime Potentissimeque Rex, amice ac  
Fæderate Charissime,*

DETulit ad nos per libellum supplicem *Samuel Piggottus, Londinensis* Mercator, se nuper naves duas, ( quarum alteri nomen *Posta*, Magister, *Tiddeus Jacobus*; alteri *The Water Dog*, magister *Garbrand Peters* ) *Londino* in *Galliam* negotiandi causa misisse; eas inde sale onustas *Amsterdamum* petisse; *Amsterdamo* alteram faburrâ tantum, alteram halece impositas cuius cum *Petro* quodam *Heinsbergo* Societas erat in mare *Balticum Stetinum* usque *Pomerania*,  
quæ

( 223 )  
quæ in vestra ditione est, ad exponendam illiæ halecem navigasse; verum utrasque hæc naves accepisse se alicubi maris *Baltici* à copiis quibusdam vestris detineri; tamen ut huic malo occurreret cum utraque nave syngrapham sigillo curiæ maritimæ obsignatam una curaverit mittendam, qua & navium harum & mercium, exceptâ halecis parte supradictâ, unum se esse ac legitimum dominum demonstraret. Cujus rei cum fidem apud nos plenam fecerit, peto magnopere à *Majestate Vestra* ( quandoquidem duarum navium jactura sine summo hominis detrimento fortunarumque sorte omnium naufragio vix posse accidere videtur ) uti mandet suis atque imperet illarum navium liberam primo quoque tempore dimissionem. Deus *Majestatem Vestram* ad gloriam suam, *Ecclesiæque Orthodoxæ* præsidium quàm diutissimè servet incolumem.

*Westmonasterio ex Aula Nostra.*  
*Jan. 27. An. Dom. 1658.*



RICHARDUS Protector Reip.  
Angliæ &c.

*Celsis & Potentibus Dominis*

OCCIDENTALIS FRISIÆ  
Potestatibus

S. D.

*Celsi & Potentes Domini, amici ac  
Fœderati Charissimi,*

**G**Ravem ad me detulit querelam per libellum supplicem *Maria Grindaria* vidua, cum sibi à *Thoma Killegrao* vestro milite pecunia bene magna ante annos octodecim debeatur, se eum ne nullo modo adducere per Procuratorem posse, neque ut debitum solvat, neque ut de jure suo, si quid sit, velit lege experiri; id ne à procuratore viduæ cogi possit, petisse eum à Celsitudinibus vestris per libellum supplicem ne cui liceat eum lege persequi ullius pecuniæ ab se in *Angliæ* debitæ. Ego verò si Celsitudinibus vestris hoc tantum significavero, viduam esse, egenam esse, multorum matrem parvulorum, cujus iste omnes prope fortunas avertere conatur, non committam ut apud vos, quibus divina præcepta atque adeo de viduis pupillisque non opprimendis notissima esse confido, graviore ullâ utendum cohortatione putem, ne  
hoc

hoc fraudandi privilegium petitioni istius concedere velitis: id quod nunquam concessuros vos esse mihi persuadeo.  
*Westmonasterio ex Aula nostra.*  
Jan. 27. 1658.

RICHARDUS Protector Reip.  
Angliæ &c.

*Serenissimo potentissimoque Principi*

LUDOVICO  
Galliæ Regi.

*Serenissime potentissimeque Rex, Amice  
ac Fœderate Augustissime,*

**A**ccepimus, idque non sine dolore, quoddam in *Provincia Protestantes* Ecclesias ab homine quodam male feriato ita indignè fuisse in sacris concionibus interpellatas, ut ea res magistratibus, ad quos hujus causæ cognitio *Gratianopoli* ex lege pertinebat, gravi animadversione digna censeretur: sed Coeventum Cleri, qui in locis proximè habebatur, à *Majestate Vestra* impetrasse, ut res integra *Parisiis* ad Concilium Regium revocaretur: A quo dum nihil hactenus decernitur, Ecclesias illas & præsertim *Aquariensem*, convenire ad colendum Deum prohiberi. Vehementer itaque à *Majestate Vestra*  
K. 5. etiam.



etiam atque etiam peto, primum, ut quorum preces ad DEUM pro salute sua rebusque Regni prosperis non interdicat, eorum coitus publicos ad præcandum interdicere ne velit: deinde ut in illum hominem rei divinæ interpellatorem ex sententia illorum iudicium, quibus huiusmodi causarum legitima atque consueta cognitio *Gratianopoli* data est, animadvertatur. Deus *Majestatem Vestram* quàm diuturnam atque incolumem conservet; ut si hæc nostra vota vobis accepta sunt, Deoque grata esse existimatis, eadem ab illis etiam *Protestantibus Ecclesiis* quibus nunc interdicatur, pro vobis publice fieri, sublato illo interdicto, quàm primum velitis.

*Westmonasterio. 18. Feb.*

*Anno 1658.*

*Eminentissimo Domino*

CARDINALI MAZARINO.

*Eminentissime Domine Cardinalis,*

PROficiscitur in *Galliam*, ibique ad tempus commorari cogitat Illustrissima Domina defuncti nuper *Ducis Richmondia* Uxor cum Duce Filio Adolescentulo. *Eminentiam* itaque *Vestram* magnopere rogo, ut siquid acciderit in quo iis vestrâ auctoritate, favore, patrocinio, utpote peregrinis, usus esse possit, ita eorum dignitatem tueri, vobisque haud vulgariter commen-

datam

datam rebus omnibus habere velitis, ut ad vestram humanitatem erga omnes, præsertim tam illustri genere oriundos, eximiam, sentiant nostris literis quod accedere potuit cum molit accessisse: simul & hoc sibi persuadeat *Eminentia Vestra* commendationem suam, si quid a me huiusmodi postulabit, apud me non minus valituram.

*Westmonasterio. 29. Feb. 1658.*

RICHARDUS Protector Reip.  
Angliæ &c.

*Serenissimo ac Potentissimo Principi*

J O A N N I

Portugalliæ Regi.

*Serenissime Potentissimeque Rex, Amice  
ac Fæderate,*

TAmetsi multa sunt quæ ad Regem amicum & Reip. nostræ conjunctissimum necessario scribam, nihil est tamen quod faciam libentius quàm quod nunc facio, ut *Majestati vestræ. Regnoque Portugalliæ* insignem hanc proximam de communi hoste *Hispano* victoriam gratuler: qua non ad vestram tantummodo, verum etiam ad *Europæ* totius pacem ac respirationem, permagnum, atque in multos fortasse annos, allatum esse momentum nemo est quin intelligat.

K. 6

Alc-



Alterum est in quo victoriarum certissimum pignus iustitiam *Majestatis vestrae* agnoscam, qua ex articulo foederis 24. per arbitros *Londini* datos, mercatoribus nostris est satisfactum, quorum naves onerarias *Brasiliensis Societas* conduxit. Unus est *Alexander Bencius*, Mercator *Londinensis*, cui, cum navis ejus, quae *Tres fratres* vulgo nominatur, magistro *Joanne Wilkio*, duas navigationes conducta onerataque navaverit, pactum stipendium persolvere Societas recusat: cum cæteris qui semel tantum navigarunt, jampridem persolutum sit. Quod cur sit factum non intelligo nisi si eorum iudicio mercede dignior est, qui semel quam qui bis meruerit. Vehementer itaque peto à *Majestate Vestra*, ut huic uni *Alexandro* cui duplum debetur, debita navatae operæ satisfactio ne defiat, velitque pro autoritate sua quam brevissimum solationis diem damni simul sarcindi Sociis *Brasiliensibus* constituere: quorum dilationibus effectum est ut datum inde mercatori damnum mercedem ipsam jam pene superet. Deus *Majestatem Vestram* laetis rerum successibus contra hostem augere indies & fortunare pergat.

*Westmonasterio ex Aula nostra. 23. Feb.*  
An. 1658.

RICHARDUS Protector Reip.  
Angliæ &c.

Eminentissimo Domino  
CARDINALI MAZARINO.

*Eminentissime Domine,*

PER literas ad *Eminentiam vestram* octo circiter ab hinc mensibus *Jun. 13.* datas, causam *Petri Petti*, viri & singulari probitate præditi & ægregiis artibus in re navali nobis Reique publicæ utilissimi, commendavimus. Ejus nave *Edwardo* anno 1646. à quodam Gallo, cui nomen *Bascōni*, *Thamisis* in ostio ut scripsimus, captâ, & in portu *Bononiensi* venditâ, quamquam Rex in *Consilio Regio 4. Novemb.* anno 1647. decreverat, ut quam censuisset *Consilium* pecuniæ summam damni accepti loco dandam, satisfactioni daretur, is tamen ex eo decreto nihil dum se fructus percepisse ostendit. Cum autem dubium mihi non sit, quin *Eminentia vestra* meo rogatu id omne mandaverit quod ad decretum illud primo quoque tempore exequendum pertineret, denuo nunc majoremque in modum peto, ut videre velit quid impedimento sit, cujusve negligentia aut contumacia factum, ut decreto *Regio* post annos jam decem non obtemperetur; velitque pro sua



( 230 )  
sua auctoritate instare, ut decreta illa pecunia,  
quam irrogaram jamdiu existimamus, & exi-  
gatur quamprimum, & petitori nostro solva-  
tur. Ita rem justitiæ imprimis gratam *Eminentia*  
*vestra* fecerit, & à me singularem præterea  
gratiam inierit.

*Westmonasterio ex Aula nostra,*  
22. Feb. 1658.

( 231 )  
Dux sequentes Literæ, *Richar-*  
*do* abdicato, Restituti Parla-  
menti nomine Scripti  
sunt.

Parlamentum Reipub. Angliæ  
*Serenissimo Potentissimoque Principi*  
**CAROLO GUSTAVO**  
*Suecorum, Gothorum, Vandalor-*  
*umque Regi &c.*

*Serenissime Potentissimeque Rex, Amice*  
*Charissime,*

**C**Um visum sit Deo optimo atque omnipo-  
tenti, penes quem solum conversiones  
omnes Regnorum, Rerumque publicarum  
sunt, Nos pristinae auctoritati summæque *Re-*  
*rum Anglicarum* administrandæ restituere, &  
*Majestatem Vestram* eâ de re certiores esse fa-  
ciendam imprimis duximus, & vobis porro  
significandum, nos cum Majestatis vestræ ut-  
pote *Protestantium Principis* potentissimi tum  
pacis inter vos *Daniaeque Regem*, & ipsum  
quoque *Protestantium Principem* præpotentem,  
non



non sine nostra opera atque officio benevolenti-  
 rissimo reconciliandæ, quantum in nobis situm  
 est, esse studiosissimos. Volumus itaque ut In-  
 ternuntio nostro extraordinario, *Philippo Mea-*  
*dowes*, quo munere ab hac repub. apud *Majesta-*  
*tem Vestram* hactenus fungitur, idem omnino  
 munus nostro nunc nomine prorogetur: eique  
 adeo his nostris literis potestatem proponendi,  
 agendi, transigendi cum *Majestate Vestra* faci-  
 mus planè eandem quæ ei proximis literis com-  
 mendatitiis facta est: quicquid ab eo transactum  
 nostro nomine atque conclusum erit, id omne  
 ratum nos esse habituros, Deo bene juvante,  
 nostrâ fide spondemus. Deus ille *Majestatem*  
*Vestram* quam diutissime conservet, rebus *Pro-*  
*testantium* columen atque præsidium.

GUIL. LENTHALL,  
 Prolocutor Parlamentii  
 Reipub. Angliæ.

Westmonasterio. Maii 15.  
 An. 1659.

Par-

Parlamentum Reipub. Angliæ

Serenissimo Principi

F R E D E R I C O  
 Daniæ Regi.

Serenissime Rex, Amice Charissime,

Cum voluntate ac nutu summi rerum  
 omnium moderatoris Dei Opt. Max. fa-  
 ctum sit ut nos demùm restituti, pristinum lo-  
 cum atque munus in *Republica* gerenda obtinea-  
 mus, placuit imprimis ea de re nec *Majestatem*  
*Vestram*, utpote Vicinum nobis & Amicum  
 Regem, esse celandam, & quem ex adversis  
 rebus vestris capiamus dolorem simul esse signi-  
 ficandum: id quod ex eo studio eaque diligen-  
 tiâ nostrâ facile perspicietis quam ad pacem inter  
*Majestatem Vestram* Regemque *Sueciæ* reconci-  
 liandam & adhibemus nunc, &, quoad opus  
 erit, adhibebimus. Quapropter Internuntio no-  
 stro ad Serenissimum *Suecorum* Regem Extraor-  
 dinario *Philippo Meadowes* negotium dedimus,  
 ut *Majestatem Vestram* his de rebus nostro dein-  
 cept nomine adeat, ea communicet, propo-  
 nat, agat atque transigat, quæ commissa sibi  
 à nobis & mandata esse ostendet. Quam ei fi-  
 dem *Majestas Vestra* hoc in munere habuerit,  
 eam nobismetipsis habere se credat, rogamus.  
 Deus



( 234 )

Deus *Majestati Vestræ* ex istis omnibus rerum  
suarum difficultatibus , in quibus tamen forti  
& magno animo versatur , felicem lætumque  
exitum primo quoque tempore concedat.

GUIL. LENTHALL,  
Prolocutor Parlamenti  
Reipub. Angliæ.

*Westmonasterio. Martii 15.*  
*An. 1659.*

F I N I S.










43  
—  
334







Inter  
Pse  
ven  
1676







